

SYNOPSIS

Veræ Catholicæque Doctrinæ

DE GRATIA

& annexis Quæstionibus :

Proposita

*Partim Libello qui anno superiori à Jansenitis in Commu-
nionis Romana Gallicè proditi sub hoc titulo,*

CATECHISMUS GRATIÆ,
& postea recusus fuit sub isto, ELUCIDATIO-
NES QUARUNDAM DIFFICUL-
TATUM DE GRATIA;



Partim brevibus ad illum Scholiis Theologicis :

Interprete illius, & horum Authore

SAMUELE MARELIO, S.S. Theologiæ

Doctore ejusdemque Facultatis Professore primario

in Academia Provinciali Groningæ & Omlandia,

ac in Templo Academico Ecclesiæ ordinario.

authore hæcico



GRONINGÆ;

Typis JOANNIS NICOLAI Typographi, M. DC. LI.

2 V N O 1 2 1 3

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA

DE GRATIA



DE GRATIA

DE GRATIA

DE GRATIA

DE GRATIA

DE GRATIA

DE GRATIA

Generosissimo, ac non minus Pietate & Sapientiâ quam
Natalium splendore Perillustri VIRO,

DOMINO,

D. IOHANNI, BARONI à GENT,

in Confessu Celsissimorum & Potentissimorum
Ordinum Fœderati Belgij, Ducatus Geldrici no-
mine Assessori Ordinario, &c.

S. P.

Illustris ac Generosissime Domine,



Vùm nuper essem apud Te, ostendebas mihi Catechismum
Gratiæ Iansenitarum quem Luteriâ attuleras; & mirabaris
meritò rem eò devenisse in Communionem Romanam, ut plurimis
nunc inciperet arridere illa Gratia salutaris Doctrina, qua olim
tam divas persecutiones in Protestantibus & Reformatis passa
fuerat. Haud diu post domum redux in eundem Libellum incidi, denudò recusum
sub hoc titulo, Elucidationes quarundam difficultatum de Gratia, fortè
quod jam in eo Catechismi nomen Inquisitio condemnasset. Eo vero atten-
tius perlecto, ac insuper ita humaniter rogante Doctissimo illo Viro qui ejus
mihi copiam fecit, censui haud abs re me facturum, si ipsum Latinâ donarem
Civitatem & quibusdam Scholiis Theologicis simul illustrarem. Hinc nata hæc
Synopsis Veræ Catholicæque Doctrinæ de Gratia & annexis qua-
estionibus, quam per partes ventilatam & disputatam publicè in hoc nostro Athe-
neo sub exitum anni hujus Academici, nunc integram sub Illustris Tui Nomi-
nis umbone juris magis publici facio. Hæc nostra Opella, uti confido, suo non
carebit fructu; eritq; ipsius Gratia quidam Epicyclus sive Circulus deferens,
cujusmodi nonnullis Cæli Luminaribus assignant Mathematici, ex quo gratissi-
mos suos radios ultra Gallicum Horizontem diffundet, & suam Viâtricem
Efficaciam, in illis ipsis ingratorum Castris, quæ Antesignanis ac Ordinum
Ductoribus Libero Arbitrio & Operum Merito, ad ipsius oppressionem
(†) 2 cojerant,

EPISTOLA

cojerant, abundè commendabit. Proderit præsertim hoc Opusculum nostris Ecclesiis non uno modo: Nam præterea quod non possunt nobis non præbere jucundissimū spectaculum Adversariorum certamina; ea præsertim in quibus pars melior & sanior eandem nobiscum propugnat Veritatem; quasi recens apud illos prodeuntem ex Democriti puteo in quem magno molimine demersa fuerat; etiam inserviet illis vel coarguendis, vel pudore suffundendis, qui post communionem ac subjectionem Romani Pontificis justissimū de causis ejuratam, nihilominus plurī faciunt Pelagiana & Semipelagiana placita, Molina, Lessij, Suarezj, Becani, Fonseca, Arriaga, ac similium Iesuitarum, quorum cum juvenca amant trititate, quam sanam sanctamq; Gratia doctrinam, quam Deus omnis Gratiæ in Scripturis sacris Ecclesia sua commendavit, & contra sui avi Hæreticos Augustinus, magnus ille Hipponensium Præsul, ejusque genuini Discipuli sequioribus sæculis, ex Paulo & alijs Apostolis Gratia Christi præconibus, fortiter & cordatè defenderunt. Hic habebunt Huberiani, Pucciani, Synergista, Lutherani omnes, (uti volunt se appellari) quos æstus Disputationis contra nos & innatum plerisque Phylodoxia vitium longius multo abducit quam par esset in his questionibus, quod se agnoscant & detestentur permisos non Principibus Aethiis, sed phalangi Iesuitarum πελαγιαστικῶν, ideo hodiernis in ipso Papatu vindicibus Gratia, suo maximo merito maximè exorsum. Hic habebunt in quo genuinum frangant, illi qui in hac Vestra Belgia Remonstrantium nomen sibi imposuerunt, dum ita palam fiet eandem omnino illos in Quinquarticulans suis Controversijs fovere sententiam, quam cordatiores & solidiores Theologi ipsius Romanae Communionis, Pelagianismi & ingratae Hæreseos in Iesuitis insimulant. Quis verò non malit grato animo Gratiā Dei discriminantem exosculari & celebrare, quam Iesuiticis se involvere nebulis, aut aculeis armare ad illam impugnandam, & ei se adjungere turba, quæ ut de Cicerone dixit Augustinus, homines dum vult facere liberos, facit sacrilegos? Hic habebunt in quos erubescant nonnulli cetera nostra Communionis Eruditissimi Viri, (excitati antea hac de causa motus in mea Gallia jam Dei Gratiā feliciter resederunt,) qui dum vel suos novos conceptus in Theologiam vehementius voluerunt introducere, vel certiorē & breviorē conquisiverunt methodum ad hac Mytheria Gratia & Prædestinationis populariter explicanda, instar tamen eorum nauatarum qui dum compendiosorem viam quaerunt sub polo in Orientem, incidunt in Syrtis & à glacie obtruntur; vel ut Syncretisimum cum Theologis illis qui Augustani volunt dici, studiosius

DEDICATORIA.

studiosius promoverent, multa de Gratia & Prædestinatione & Redemptione Universali proposuerunt, quæ ipsi genuini veræ Gratiæ Assertores Communitionis Romanæ in suis Iesuitis improbant & detestantur. Nonne enim ipsos male habebit, quod aliquo saltem passu propius quam reliqui nostri Doctores, accesserint ad Iesuitarum Pelagiana dogmata, quasi illis contra Iansenitæ latursi suppetias, quo tempore à Iesuitis tam longè recedebant, tam propè ad nos accedebant in ipso Papatu Gratiæ Dei solidi Propugnatores? Deniq; vel hinc liquebit, celebria illa quinque Capita, de Prædestinatione, Redemptione per Christum, Libero Arbitrio, Conversione Peccatorum, & Perseverantia Sanctorum, quæ contra Remonstrantium strophas, vindicavit, asseruit, explicavit ex Dei Verbo, Celeberrima Synodus Nationalis Dordracena, ante annos 32. præter propter celebrata, & in quibus omnibus ἐπεὶ ἔργως habemus Doctissimos Iansenitas, adversantibus & ringentibus Iesuitis, ita indivulsi sibi invicem coherere, ut uno ex illis vel luxato, vel suâ sede dejecto, cætera consistere nequeant. Sunc hac quinque capita Doctrinalia, Gratiæ Divinæ quinque faces, quæ ut olim in Romanorum Nuptijs, in Agni Thalamo ἀΐεσθαι lucere debent, prout proculdubio pergent in Ecclesijs nostris splendere, instar eorum Syderum quæ nobis nunquam occidunt, invito omnium Ingratorum conatu, qui etiamnum hodie in hoc Vestro Belgio Iesuiticam suam causam collapsam haud bonis artibus student restaurare. Indicio sit, ut cætera mittam, Libellus qui nuper admodum prodijt Amstelodami, sub Veritatis Pacificæ specioso titulo, in quo ex principiis & placitis Magni quidem & Iuriconsulti & Politici, sed parum felicitis Theologi, Hugonis Grotij, talis proponitur miscella Socinianismi, Papismi, Protestantismi, ut Author qui potest quoslibet errores aliarum partium concoquere, emollire, propinare suo Lectori, nequiverit sibi temperare à Gratiæ doctrina, qualem hic defendimus post nostram Synodum Dordracenam cum Iansenitis, conceptis verbis, maximè circa Prædestinationem, rejicienda; ut vel ex hac notâ, ex isto Schibboleth minis commodè enunciato, innotescat cujas sit & quid moliaturs ille Scriptor, qui exultantem Pelagianismum per posticum studet revocare: Ac sicut inde dicitur dignosci Diabolus cum assumptâ hominum formâ illis studet illudere, quod in pupillis oculorum quos mentitur nulla appareant colloquentium imagines, ita hinc agnoscitur quatuor sit partium Anonymus Hybrida, qui vocem imitatus Iacobi Esauiticas & Iesuiticas manus habet, quod ejus assertiones non eam Gratiæ Divina referant imaginem, quæ in Orthodoxorum scriptis semper primas tenere:

EPISTOLA

debet. Quin autem hoc qualecunque Munusculum, è nostra Scholastica penu desumptum, Illustris & Generosissime Baro, Tibi sit acceptum & gratum futurum, nullus dubito. Novi etenim optimè cum toto hoc Belgio, (cui quantum Sapientissimis Tuis Consiliis iu Celsissimo Amphitryonum suorum Confessu à multis annis profueris & studeas quotidie prodesse, omnes consueverunt) quod Tibi summopere cordi sit Dei Causa, & Conservatio ac Propagatio Orthodoxæ illius Religionis in cujus Ancili hac Gratix doctrina idem obtinet quod imago Phidia in sua Palladis clypeo, adeo ut revelli inde nequeat, quin frustatim concidas totum opus. Novi optimè, quod licet nullum sit Scientiarum & Disciplinarum Humaniorum genus in quo solidè non sis versatus, attamen maximam partem temporis quod Reipublica Regimini & Negotiis Publicis potes suffurari, soleas piis & sacris Meditationibus Veritatis & Gratix Divina impendere: Hoc te reficis Neëtare, hac te pascis Ambrosiâ. Novi optimè, quod nullâ certiori panacæa unquam in morbis & adversitatibus hujus vite usus fueris, quam eâ que ex Gratix ac Redemptionis in Christo doctrina, fiducia, sensu, exprimitur: ac bene adhuc memini quantum olim ante viginti annos perciperes inde pji solaminis, cum Tibi in Castris graviter decumbenti frequentior adesset, & pro mei Ministerij ratione, qua ed facerent quam possem diligentissimè inculcarem: Ut etiam huic Divina Gratix tum Tibi per me annuntiata, ipse debeam summum illum Favorem quo me pro Tua Humanitate ab illo tempore complecti dignatus es. Ecquid quaso magis gratum, quam hanc Diatribam de Gratia possem offerre Tibi, quem eadem Dei Gratia ita liberaliter instruxit Virtutibus omnigenis, Theologicis, Moralibus, Politicis & Intellectualibus, ut ijs qui propius Te accedunt, meritò videaris ab ipsis Gratijs & Charitatibus non modò educatus, sed planè formatus fuisse? Nec possem ipse luculentiori argumento quam hoc de Gratia, gratum meum animum profiteri adversus gratuitam illam Benevolentiam & Existimationem quâ me multis abhinc annis eousque prosequutus es, ut summopere optaveris Primogeniti tui filij, (Elegantissimi sanè Pueri & in quo vivida & certissima virtutis Paterna supra ætatis caput ordinarium semina se produnt) si non institutionem plenam saltem aliquam inspectionem, me posse suscipere & ideo malueris eum ottennem & tenellum huic Frisico crasso & Bæotico aëri exponere, quam aliorum manibus formandum committere. Et sanè ut illum eâ indole instruat esse Gratix Dei acceptum ferre debes, sic & in eam deo resundere quod mea qualiscunque in ipso excolendo cura hæcenus feliciter successerit, Velis

DEDICATORIA.

*Velis igitur, Illustris & Generosissime Domine Bâro, grato animo hanc
Dissertationem de Gratia Tuo Nomini inscriptam, in gratitudinis meae luxu-
em admittere, & permittere ut juxta morem priscorum in Africa Christiano-
rum qui hac formulâ, Gratia Dei, se in mutuo occurſu ſalutabant, eandem
Gratiam quam hîc defendo, Tibi Tuiſque ex Cordis intimo ſacrario eodem
affectu & ſtudio imprecarî pergam, quo ſum & manebo in æternum,*

Illustris & Generosissime Domine,

Tibi ad omnia obsequia devinctissimus,

Groningæ XII.

Iulij, ſtyl. Ju-
lian. 1651.

SAMUEL MARESIUS.

Nomina

Nomina Ornatissimorum & Doctissimorum
Juvenum, qui in Academia Groning-Omlandica
publicè defenderunt Catechismum Gratiae
cum illius Sholijs :

J O H A N N E S P I C A R D T Groninganus,
25. Junij sustinuit Disputationem primam, ad Praefationem &
Caput primum, quod est de Gratia in communi.

J O H A N N E S S C H L I C H T I N G I U S
Wolthufâ - Frisius-Orientalis, habuit Disputationem secundam
27. Junij, ad Caput II. quod est de Gratia Christi & III.
quod est de Lege Dei.

J O H A N N E S N I C L E N I U S Exœcio-
Omlandus, propugnavit Disputationem tertiam 2. Julij ad
Caput IV. quod est de Necessitate & Effectu gratiae & Caput V.
in quo responderetur ad quadam dubia popularia circa hanc doctrinam
de Gratia.

C A S P A R U S T S O R M O L Y B A T I Z I
Ungarus, defendit 5. Julij quartam Disputationem ad Caput VI.
quod est de Peccato Originali & Caput VII. quod est de Prae-
destinatione.

E R R A T A.

HAud dubium quin Typothetae inter festinandum quandoque lapsi
sint; Errata benignus lector facilè excusabit: Obiter hæc observata
sunt: Pag. 76. lin. 7. pro necessitatem efficitur lege necess. ac efficitur. Pag. 79.
lin. 16. pro pendet vel ex lege pendet ex Pag. 81. lin. 9. pro quia lege quis
Pag. 95. lin. 23. pro per non omnia lege per omnia Ibid. lin. 24. & 25.
pro altera lege alteram Pag. 110. lin. 16. pro hodie sacram illam lege hodie
sedem illam sacram. De similibus simile esto judicium.

1

P R Æ F A T I O.

Nemo est qui nesciat quam vehementer aliquot ab hinc annis recruderit in communione Pontificia bellum *de Auxilijs* (uti loquuntur) & cui moderando jam à præcedenti sæculo, nec diu post Concilium Tridentinum, Romæ destinata fuit diutissimè specialis Cardinalium Congregatio, quæ inde *Congregatio de auxilijs* vulgò dicta est. Nam Jesuitæ & qui sunt ejusdem factionis, quibus solemne est post suos Molinas, Lessios, Suaresios & similes, Pelagij Hæresiarchæ dogmata partim novo tectorio incrustare, partim palàm sic satis propinare, Cornelij Jansenij Yprensis Episcopi *Augustino*, ante undecim præter propter annos edito, perterriti, vires recolligere, & inclinatam tantumque non fusam illo libro suorum aciem redintegrare, magno molimine studuerunt. Jansenius siquidem opere suo tomis tribus distincto *adversus Pelagianos nature humane stantis seu innocentis vires, lapsæ vulnera, & gratiæ per Iesum Christum liberatricis, naturam, efficaciam, necessitatem, è profundissimi omnium Theologorum Magistri principijs dilucide ac solidissime (ut testimonia cordatiorum omnis ferè ordinis Theologorum fidem faciunt) ob oculos posuerat*, ut asserit Valerius Andræ ICTus Lovanienfis in *Bibliotheca Belgica, edit. anni 1643. pag. 155.* adeoque Michaëlis Baij, Theologi quondam Lovanienfis Doctissimi nec procul positi à Regno cœlorum, causam, antea auctoritate & vi potius quam veritate & argumentis oppressam, fortiter vindicaverat. Sed Jesuitæ cedere nescij, huic Janseniano operi posthumo sollicitè se opposuerunt, & tanquam ad

A

commune

commune incendium restringendum, Societatis suæ artes omnes & omnem quâ pollent auctoritatem in ipsum Pontificem Romanum excusserunt. Verum dum vehementius quam cautiùs id agunt, *Augustinus* Jansenij vires acquisivit eundo, talesque Dei gratiâ progressus fecit ipso suo titulo plausibilis causa Gratiz, ut plerique Theologi & Episcopi in Communione Romana, per Belgium præsertim & Gallias, vel novâ luce collustrati Jansenij labore, vel ejus exemplo perducti ad liberam professionem ejus sententiæ quam priùs in sinu præsserant, palàm cœperint bonæ causæ suffragari & refragari placitis Jesuitarum. Hinc illis factum nomen *Jansenitarum*, imò & *Bajanorum*, ut eos maluit appellare Martinez de Ripalda Jesuita, in operosis suis contra illos disputationibus; dum longè gravioribus titulis, Pelagianorum, Semipelagianorum, Ingratorum, Gratiz inimicorum, suo maximo merito Jesuitæ ab illis insigniuntur.

Hujus mei instituti non est istius certaminis historiam sigillatim retexere, & omnia scripta hinc inde edita, cum nequidem omnia ad manus meas pervenerint, commemorare; aut referre quomodo hæc lis renovata fuerit occasione aliarum Controversiarum quas Jesuitæ ausi sunt movere Hierarchicis sive Episcopis communionis suæ, quo faciliùs eorum auctoritatem conculcarent, munus involarent, jura ad se raperent; unde natæ eristicæ scriptiones inter Jacobum Sirmondum Jesuitam doctissimum & eruditissimum virum Joannem Vergerium Hauranium, Abbatem Sancyranum, qui Petri Aurelij nomen assumpsit, cujusque postmodum labores in unum recollecti, auctoritate & sumptibus totius Cleri Pontificij in Gallia recusati fuerunt; aut narrare quid illis quæstionibus immixtum fuerit ab Arnaldo Sorbonista valdè docto, de publica Pœnitentia restituenda, de frequenti Communione Eucharistica, quam Jesuitæ potissimum invexerunt, abroganda, de Petro & Paulo conjunctim fundatoribus Sedis Romanæ, illiusque primis Episcopis agnoscendis; quod ultimum mirum

mirum non est tantoperè displicuisse parasitis Romani Pontificis, quandoquidem fundat omne suum jus imaginarium in unius Petri successione; etsi ipse Bellarminus *lib. 3. de Rom. Pontif. cap. 2.* disertis verbis statuatur quod *constet tempore Apostolorum non fuisse Romæ alios Episcopos quam Petrum & Paulum: Diserit enim (inquit) affirmat Irenæus lib. 3. cap. 3. à Petro & Paulo sedem Romanam fundatam, & primos in ea Episcopos sedisse;* quod Monarchiæ Papali & unius authoritati stabiliendæ parum convenit.

Sufficiat observasse, I. has nunc quæstiones de Gratia & annexis capitibus, non modò inter Eruditos & intra Scholarum septa agitari, ut jamdiu antea factum inter Dominicanos qui Thomistæ, & Franciscanos qui Scotistæ vulgò audiunt, sed etiam in ipsis circulis plebeis ventilari, & ab Academiæ subsejlijs ad Templorum ambones, imò ad ipsas constringas transisse.

II. Ad Veritatis triumphum & Antichristianæ Sedis subversionem imminentem has Controversias de Gratia omninò spectare. Gratia enim salutaris Christi cordatè vindicata & in arce reposita, suos non deferret Defensores, sed illis novum suppedietur lumen cujus beneficio alios errores Communionis suæ recognoscant & rejiciant. Cur id dicam, imò cur planè sperem Dei Gratiâ suis Vindicibus hodiernis majus lumen cum tempore affuturam, ad Antichristianismi & Idololatriæ in Papatu eversionem, maximè circa quæstiones Eucharisticas, quæ, ut pote practicæ, partes dissidentes magis divellunt, graves habeo rationes. Primò enim ipsius Papæ Authoritas sensim labascit, non solum per ea quæ ab Arnaldo Sorbonista ejusque sequacibus alijsque Richeristis scripta & facta sunt, & communio ceteroquin Scholæ Sorbonicæ sententiam, quæ Pontificem errori facit obnoxium & subijcit Concilio, ipsumque ab Ecclesia *aufferibilem*, ut Gerson loquebatur, asserit, sed etiam per has ipsas Controversias de Gratia, in quibus Pauli & Augustini sequaces, plurimas defendunt ac tuentur Propositiones

quas Pius v. Gregorius xii. & Urbanus vii. in Jesuitarum
 gratiam censurâ notaverant, ut asserit ipsa Censura Romana hu-
 jus opusculi Catechetici, quod Latinum nunc damus, facta *festâ*
 5. 6. Oct. 1650. Imò, quantum percipio, hanc ipsam Censu-
 ram, ceu subrepticam nec obligantem, naso suspendunt adunco.
 Deinde ipsum Conciliabulum Tridentinum, (quod prius in ordi-
 ne Conciliorum, quæ generalia censentur in Papatu, anno 1551.
 plenè sancivit *Transsubstantiationis* dogma, ante quidem in Late-
 ranensi propositum ab Innocentio xii. anno 1215. sed, ut quidam
 eruditi observant, absoluto Concilij decreto non stabilitum; vi-
 deantur Thomas Mortonus *de Euchar. parte 2. class. 2. cap. 2.*
sect. 2. & David Blondellus *de ead. cap. 20.* & saltem ante illa
 Lateranensia tempora, pro dogmate fidei non habitum, ut Sco-
 tus statuit apud Bellarminum, *lib. 3. de Euch. cap. 23.* & Gabriel
 apud Suarefium *tom. 3. disp. 50. §. 1.* valdè nutat apud Erudi-
 tos illos & Jesuitis importunos Gratia præcones. Nam etsi palam,
 non audeant Concilio refragari, imò conentur ejus Canones in-
 star nasi cerei emollire & in sensum benigniorem interpretari, ubi
 tamen conscientias suas interrogaverint, latis illæ testabuntur quod
 ea Pauli & Augustini doctrina quam defendunt absque ferrumi-
 natione violenta non possit conciliari cum decisionibus Concilij,
 ijs potissimum quæ illius *sessione 5. & 6.* leguntur. Terriò, cum apud
 eisdem Heroas Scriptura sacra sit longè in majori pretio quam apud
 Jesuitas & vulgus Scholasticorum, ejusque Lectionem & Medita-
 tionem soleant sedulò commendare, quis non speret Idolū tandem
 coram hac Fœderis Arca ruiturum, & istam Mosis virgam Mago-
 rum virgas, per quas illudunt plebeculæ Superstitione effascinatae,
 penitus absumpturam? Quartò, ab iisdem Doctissimis viris se-
 cundum Scripturas in summo pretio habetur Augustinus. Hunc
 verò si eadem diligentia conferant in questione de Eucharistia, ut
 cæteras nunc taceam, quâ eum legerunt in Controversijs de Gra-
 tia, receptæ apud suos opinioni haud ægrè valedicent: Is enim
 passim,

passim docet, *Panem* esse & *vinum* quæ in Eucharistia distribuuntur, de *Civili Dei lib.* 16. *cap.* 22. & 37. Hæc esse figuram corporis & sanguinis Christi, in *Psal.* 3. Nonnisi quodammodo panem esse corpus Christi, & quomodo demum Sacramentum fidei *fides est*, in quantum nempe Sacramenta quandam habent *similitudinem ipsarum rerum* quarum sunt Sacramenta, ex qua earundem nomina accipiunt, *Epist.* 23. Signis variatis, cum sub Veteri Testamento Petra esset Christus, nobis Christum nunc esse *id quod ponitur in altari*, *tract.* 54. in *Job.* Figuratè, non propriè, Christum esse loquutum cum carnis suæ manducationem commendavit, *lib.* 3. de *Doct. Christi cap.* 16. & in *Psal.* 98. Non dubitasse Dominum dicere *hoc est corpus meum*, cum daret signum corporis sui, contra *Adimant. cap.* 12. Non ore & ventre, sed corde & fide carnem Christi manducari, *tract.* 25. & 26. in *Job.* adeoque impios licet carnaliter & visibiliter premant dentibus Sacramentum corporis & sanguinis Christi, ejus tamen carnem non manducare spiritualiter nec bibere sanguinem, *tract.* 26. in *Job.* Non posse Christi corpus esse nisi in uno loco, *epist.* 57. *lib.* 20. contra *Fausst. cap.* 11. *tract.* 30. in *Job.* eò quod omne corpus sit extensum & circumscriptum, & conveniens sibi spatium occupare debeat, de *Gen.* ad *lit. lib.* 4. *cap.* 8. *lib.* 83. *quest.* 9. 51. *epist.* 57. *lib.* 20. de *C. D.* *cap.* 18. *serm.* 28. de *Verbis Dom.* *lib.* de *quant. an. cap.* 4. 6. 14. nec queant duo corpora simul esse in eodem loco, contra *epist. fund. cap.* 16. Nihil posse esse signum sui ipsius, *lib.* 7. de *Trinit.* *cap.* 1. *lib.* 2. de *doct. Christi. cap.* 1. nullumque accidens extra omne subjectum existere de *Imm. animæ cap.* 2. 6. 8. *Soliloq. lib.* 2. *cap.* 12. *epist.* 57. *lib.* 5. contra *Jul. cap.* 9. Quinimò ipsos Manichæos fuisse in sua imaginatione Dei voros, quales volunt esse Pontificij, qui cum manducant (in Eucharistia) *Dei sui defectione se refectunt*, & cum digerunt illius *refectione deficiunt*, *lib.* 20. contra *Fausst. cap.* 19. Denique cum attendo ad laudes veri & puri Catholicismi quas Amplissimus Vir Gilbertus Mau-

guin Consiliarius Regius & in suprema Monetarium Curia Præ-
 les longè Doctissimus, qui nuper emisit *duobus tomis* distinctas,
 nec sine aliquot Doctorum Sorbonicorum solemnī approbatione,
 suas *Vindictas Prædestinationis & Gratiæ*, plenas bonæ frugis, confert
 in Ratramnum sive Bertramum Corbeiensem, *sua Hist. & Chron.*
Dissert. cap. 17. adeo ut *nelevissima quidem prave doctrinæ suspi-*
cto in illum cadere possit, vix possum aliud mihi persuadere, quam
 viros illos emunctæ naris aliquid nunc odorari in Transsubstanti-
 atione & Missa, quod ab Antiquitate puriori & verè Catholica
 longissimè recedat. Agnoscit enim Vir Amplissimus Ratramnum
 sive Bertramum Catholicum fuisse & Orthodoxum in duobus
 illis libris *de Prædestinatione*, quos nuper ipse in lucem protraxit:
 Agnoscit quoque ipsius esse librum *de Corpore & sanguine Domi-*
ni ad Karolum Regem, evertendæ orali manducationi carnis
 Christi, & panis in ejus corpus mutationi substantiali, ac locali
 corporis Christi sub vel in pane præsentis, unicè destinatum;
 quem olim ideo Adversarij tanquam à nostris confectum ut pluri-
 mum rejecerunt, nominatim Claudius Sanctosius *Repetitionum de*
Euch. 2. cap. 14. ut laudatur in hanc sententiam à Jesuita Gual-
 thero *In Tab. Chron. Collationis Vet. Err. non sec. cap. 5.* etsi paul-
 lò antè, Bertramum cum Joanne Erigena in *columna hereticorum*
illius sæculi collocasset, & Sacramentarium Patriarchis annu-
 merasset. Utut sit hoc Bertrami opusculum de Eucharistia radio
 solis scriptum, ita destruit dogmata Pontificia circa eam, ita ad-
 struit doctrinam in Ecclesijs nostris receptam, ut non minùs ful-
 minet in Transsubstantiationem & oralem carnis Christi man-
 ducationem, etiam ab indignis, quam potenter evertunt ingra-
 tum Jesuitarum Pelagianismum ejus libri duo de Prædestinatione.
 Hinc est quod Bertramus de *Corpore & sanguine Christi* inter
 Authores damnatos recensetur in indice librorum prohibitorum
 Concilij Tridentini: Hinc Miræus existimat Palchadium Abba-
 tem Corbeiensem, in quo putant Pontificij se pluscula videre
 quod

quod faveat suæ sententiæ, quamvis longè adhuc ab illa remota, contra Bertramum scripsisse, quod meritò rejicit Ampliff. Præses, eo quod Paschasius scripserit diu ante illum; Scripsit enim hic anno 818. at Bertramus nonnisi anno 850. juxta Præsidem, vel etiam 860. ut censet Blondellus, adeoque ipso Paschasio, ut verosimile est, jam mortuo. Imò cum illo sæculo, maximè per Paschasium, in Occidente inciperet doctrina sanior de Eucharistia alterari, ut observatur eidem Blondello rerum Ecclesiasticarum accuratissimo ruspatori *cap. 18. de Euch.* Paschasio se hac in re opposuerunt Amalarius, Rabanus, Heribaldus, Walafrius Strabo, Magister Florus, Joannes Erigena, & noster Bertramus, cujus judicium Karolus Rex circa hanc Controversiam tunc in Ecclesia vigentem, non minus voluit audire, quam circa aliam de Prædestinatione: Et quam Ratramnus in ea semper constans fuerit patet ex opere ejus manuscripto *de Nativitate Christi*, cujus duo exemplaria in Anglia asservari monet Reverendissimus Usserius Armachanus Archiepiscopus, *in quo similiter agit de Sacramento corporis & sanguinis Christi.* Nec voce similiter usus fuisset Vir Integerrimus, si, quod vellet nos suspicari Ampliff. Mauguin, non conspiraret ibi Bertrami doctrina, cum ea quam luculenter tradit in opusculo *de corpore & sanguine Domini.* Et quamvis vocabula *conversionis & commutationis*, cœpta tum usurpari in hac materia, Bertramus adhibuerit, ex quibus sequiora sæcula Transubstantiationem suam sunt fabricata, quo sensu hujus in illo *semina* Magdeburgenses citati Amplissimo Præsidi annotarunt, tamen cuilibet ipsius opusculum legenti, satis apparet quam procul fuerit ab hac portentosa Papatus sententia: Nec enim mutationem ibi intellexit physicam, substantialem & realem, ut cum ex aqua factum est vinum in Cana, sed mysticam, sacramentalem & moralem, ut Symbola Sacra & sint quod erant & nihilominus in aliud commutentur; siquidem Bertramus conceptis verbis, quæ ipsi Centuriatores referunt, non aliam admisit conversionem panis in corpus.

in corpus Christi, quam mannae in carnem Christi, ex loco Pauli 1. Cor: x, 4. Quin quod ex illo observant iidem Centuriatores, ostendere scilicet eum *Corpus Domini & Sanguinem super altare seu mensam poni & inde populo distribui* illo tempore solitum, non facit ad Transsubstantiationis approbationem, sed ad commendandam integritatem eommunionis Eucharisticæ, quæ nondum, ut hodie inter Pontificios, mutilata fuerat. Exosculamur itaque sincerum Amplissimi Præsidis iudicium quod *Liber Ratramni* sive Bertrami *de corpore & sanguine Domini non adversus Catholicam Ecclesiæ doctrinam, sed contra Stercoranistarum hæresim scriptus fuerit*; Nec enim quæ hodiernæ Pontificiorum doctrinæ adversatur, eo ipso censeri debent contra *Catholicam Ecclesiæ doctrinam* conscripta fuisse: Non scripsit Bertramus adversus Catholicam Ecclesiæ doctrinam, cum Prædestinationem Paulinæ & Augustinianam vindicavit contra eos qui tunc turgebant nomine Catholico, etsi Reformati quod eandem profiteantur hodie, Acatolici dicantur Jesuitis; Similiter nec adversus Catholicam Ecclesiæ doctrinam insurrexit, cum ea scripsit de Eucharistia quæ hodiernæ in Papatu doctrinæ tam adversantur, quam bene consentiunt cum Reformatorum sententia, quæ etiam in eo veræ Antiquitatis Catholicæ premit vestigia, licet ideo ab adversariis Hæretici proclamentur: Imò si quæ sit vel extiterit unquam hæresis *Stercoranistarum*, ea non est extra Papatum quærenda: Eorum sane nec apud Bertramum nec apud Paschasium ulla occurrit mentio; imò nec sequentibus sæculis apud Lanfrancum aut Guitmundum; Prior quod sciam eorum expressè meminit Algerus *lib. 2. cap. 1. de Sacramentis corp. & sang. Dom.* circa annum 1130. plusquam ducentis post Bertramum & Paschasium annis; eoque nomine illi notantur qui censebant carnem Christi ore sumptam sub speciebus panis & vini, etiam sub iisdem speciebus, vel has saltem, abire in secessum; Cui incommodo prævertendo, tum ipse, tum Guitmundus ante eum, statuerunt species sacramentales non posse

posse corrumpi, vel à muribus arrodi, vel dejici in secessum; quæ de causa uterque erroris insimulatur à Bellarmino *de Scrp. Eccles.* Non ergo alij Stercoranistæ, quam ipsi Pontificij Dei-vori, qui statuunt corpus Christi posse, ut per ebrietatem aut infirmitatem vomitu rejici nondum consumptis speciebus Sacramentalibus, quod liquet ex *Cautelis* Missali apponi solitis, sic etiam per diarrhœam in secessum ejici. Tum etiam Algero *Stercoranistæ* dicuntur qui putabant ipsas saltem species sacramentales & posse nutrire & posse dejici per aluum, quorum neutrum hodierni Pontificij dissententur. Imò eousque Pontificij agnoscunt se eos esse qui Stercoranistæ dicuntur Veteribus, ut non solum Guitmundo & Algero erroris dicam scripserint ob Stercoranistarum doctrinam improbatam, verum etiam nusquam & nunquam *Stercoranistas* olim Algero damnatos, hæreticis annumerent, quod seiplos sub sordido illo nomine haud illibenter agnoscant: prout & revera tenentur omnes patroni oralis istius manducationis, ex ipsiusmet Christi dicto notissimo Matth. xv, 17. *Quod ingreditur in os in ventrem cedit & in latrinam ejicitur.* Nec erat causa sufficiens Amplissimo Præsidi suspicandi *cap. 18. Dissert. Hist. & Chr.* Heribaldum, Amalarium, Rabanum, antesignanos fuisse Stercoranistarum hæreseôs, quam & fingit damnatam in Concilio Carisiacensi anno 838. licet in tomis Conciliorum Galliæ duo tantum commemorentur Concilia Carisiacensia; primum celebratum anno 848. in quo damnatus Gotteschalcus; alterum habitum anno 857. de coercendis rapinis & populationibus; in quorum neutro hujus quæstionis fit mentio: Quin etiamsi conceptus Amalarij de Christi Corpore *triformi & tripartito*, in aliquo cœtu Carisiacensi fuerit damnatus, (quod Præses ipse acceptum fert Eruditissimo nostro Blondello, qui tamen non satis humaniter *Verbi Dei Pseudominister* ab eo insignitur) inde tamen non sequitur Amalarium aut cæteros ante commemoratos, pro hæreticis Stercoranistis, Algeriano sensu, habitos fuisse: Nulli etiam facile

persuadebit Doctissimus Præses, Rabanum & Alamarium alterius sententiæ fuisse à Johanne Erigena Scoto, qui cæteroquin eadem partes in causa Prædestinationis & Gotteschalciana sequebatur: Hic vero juxta Præsidem, illi iratum, *Berengarij præcursor fuit & Sacramentartorum antesignanus*. Non dubitem equidem Amalarium, Heribertum, Rabanum & alios, subnascenti orali carnis Christi manducationi, dictum Domini de eo quod in os ingreditur, opposuisse, ac illud Origenis urfisse relatū Sixto Senensi lib. 6. *Bibl. Sancta, annot. 66. Quod si quicquid ingreditur in os, in ventrem abiit & in secessū ejicitur, etiam ille cibus Eucharistiæ, qui sanctificatur per Verbum Dei & obsecrationem, secundū id quod habet materiale, in ventrem abiit & in secessum ejicitur*; Quin hoc illos attulisse contra subnascentem illam per Paschasium & alios oralem manducationē carnis Christi, satis evidenter colligitur ex lacinia Manuscripti cujusdam antiqui, quam descripsit Blondellus. Verū tantum abest ut ideo dicendi fuerint Stercoranistæ quod substantiam panis & vini Eucharistici dicerent ore sumptam ejici in secessū, adeoque carnem & sanguinem Christi, quæ in secessum ejici nec possunt nec debent, non sumi oraliter in, cum, vel sub pane & vino, aut eorum speciebus, ut è contrario restiterint illi orali carnis Christi manducationi, ne Stercoranistæ fierent. Sed ex hoc diverticulo in viam redeamus, ac binis observationibus præcedentibus & sequentes adjiciamus; videlicet,

II I. Idem revera in capitali hac Controversia sentire Pontificiorum Jansenitas, quod docetur in nostris Ecclesijs & Canonibus Synodi Nationalis Dordracenæ fuit definitum contra sequaces Arminij, qui Remonstrantium sibi nomen fecerunt & ferè omnia sua hauserant ex Molina, Lessio, Suarezio, alijsque Jesuitis; Ideo Jesuitæ gravi accusatione pulsati Pelagianismi & Semipelagianismi ab his suis adversarijs, nullum habent popularius convicium quod in illos jactent quam Calvinianismum, nihil quod gravius imputent quam Syncretismum cum Reformatis: Sic olim Bethelitæ ab Elizæo Idololatriæ convicti, nihil durius

durius poterant illi exprobrare quā suam calvitiam 2.Reg: 11, 23.

IV. Hoc nos consequi per illas contentiones, ut in ipsa Communione Romana evanescant omnes illæ populares argutiae quibus Orthodoxia nostra gravabatur, ac si Deum cum Manichæis faceremus authorem peccati, ipsum hominum liberum arbitrium in genere entis negaremus, precum, pietatis & bonorum operum studium inutile redderemus, & hominum conscientias ex absoluta Prædestinatione ad laqueum redigeremus. Quin etiam in quæstionibus facti, ita Pelagianismi convictum nunc remanet Conciliabulum Arelatense tertium, cum suo non tam *ἀπὸ τοῦ* quam fabro infausto, Fausto Rhegiensi, ita Gottschalci innocentia & causa est vindicata, ita prætenſa Hæresis Prædestinianorum vel Prædestinatorum proſtigata, quam & Remonstrantes & Jesuitæ solebant nobis objicere, refutato primum per Auuræum Sorbonistam *Prædestinato* Sirmondi Jesuitæ, & eadem postea veritate fusè propugnata non ita pridem per Ampliss. Virum D. Gilbertum Maugurn in Eruditissimis illis suis *Vindicijs Prædestinationis & Gratia*, ante annum editis, quarum modò memini, ut nemo amplius cui pudor & conscientia non perierint, ausit vel niti autoritate Arelatenſis Pseudo-Concilij & Actorum in causa Gottschalci contra nos, vel diffiteri ijs demum per calumniam impactam fuisse à Pelagij reliquijs Prædestinatorum hæresim, qui Pauli & Augustini in doctrina de Prædestinatione & Gratia vestigia relegebant.

V. Hæc debere propalari & urgeri in nostris Academijs & per eas, tribus de causis; 1. Ut celebremus efficaciam Divinæ Veritatis & Gratia fumum abyſſi dispellentis & de hominum Sophistica & Mendacijs tandem triumphantis. 2. Ut gratulemur nobis tùm quod illi qui tantoperè crepant suam sub uno Capite unionem, ac Protestantibus sua diffidia tam liberaliter objiciunt, de gravissimis inter se Religionis capitibus acerrimè conflictentur; tùm quod per meliorem & sanioſiorem partem Doctorum Ecclesiæ Romanæ justificetur nostra causa à cœterorum calumnijs; tùm

quod motus illi convulsivi, quibus nunc subest Communio Pontificia, magnam in illa revolutionem, & quidni Sacerrimæ illius Sedis eversionem? portendere videntur. Nempe perficiet Deus opus suum & illum *ἀνομοῦ* conficiet *ἑκ τοῦ πνεύματος* 2. Thess. 11, 8. 3. Ut illis ipsis Doctissimis & Eloquentissimis Viris inter adversarios, cum *Virtus vel in hoste laudanda*, generosos illos suos conatus in causa Dei & Gratiæ gratulemur, eosque quod decet Veritatis studiosos, ad tendendum plus ultra inviteamus. Dicebat Agesilaus Pharnabazo, *Talis cum sis, utinam nosser es*; Sed jam eousque saltem nostri sunt fortes illi in Papatu Gratiæ præcones, quod & in rei summa quoad hæc capita idem sentiant nobiscum, & ea ponant ex quibus plures in sua Communionem navos & errores, si seiplos modo audiverint, necessariò debeant agnoscere. *Qui contra nos non est pro nobis est* Luc: 11, 30.

Igitur haud abs re me facturum existimavi, si exhiberem Summarium ejus quam proponunt doctrinæ circa Gratiam & annexa capita, prout breviter & populariter hoc continetur libello quem superiori anno in Galia mea Gallico idiomate emiserunt, eum Latinitate donando in aliarum Nationū gratiam, & illustrando brevibus Scholijs ad singula Erotemata, quibus vel Authoris mentem explicem dilucidius sicubi obscurius loqui videbitur, vel quod dixit confirmem quantum opus fuerit, vel ipsum fortè alicubi lapsantem, aut sensa sua dissimulantem ex professo, erigam ex suis suorumq; veris principijs. Quo autem major huic opusculo constet Autoritas, non dissimulabo Authorem illius vulgò censei Curionem sive Parochum ad S. Mederici, Lutetiæ; adeoque & Theologum graduatum in Sorbona illum esse, & eo ipso celebriorem quod hæc illius Parochia inter Urbis amplissimas solet annumerari; Nec desunt in alijs Parochijs viri cordati & eruditi qui idem sentiant. Scripserunt nonnulli in Papatu, ut nominatim Brerleius Anglicus, *Apologias Protestantum pro Romana Ecclesia*; Liceat ergo nobis hac occasione edere Apologiam Catholicorum, ut volunt appellari,

appellari, pro Ecclesia Reformata, saltem circa specialia illa capita de quibus hic agitur; quandoquidem meliores ac doctiores illius Communionis hac in parte ἑμμελῶς tam prolixè & evidenter habemus. Quod si ulla partium in Religione dissidentium Reconciliatio, semper optanda bonis, unquam speranda veniat, hac viâ debet procedere. Ubi Gratiâ & Veritate prævalentibus, ea dogmata quæ hic proponunt & propugnant Jansenitæ cum illorum annexis & necessario consequentibus, publicâ autoritate suppressis Erroribus Jesuitarum πικαρανίζοντων quibus opponuntur, constabiles erunt, & processum fuerit pari pede in alijs capitibus inter nos controversis, practicis potissimum, restitutâ scilicet integrâ Communione Eucharisticâ, sublatâ ἀρτολόγια & omni Creaturarum invocatione, everso Imaginum cultu, & in sacris publicis usu linguæ peregrinæ ac vulgo ignotæ, ad eorum Communionem haud gravatè accedemus.

Hic autem Jansenitarum libellus, primùm editus fuit sub titulo *Catechismi Gratia*, sub quo nuper eum percurrebam Hagæ-Comitis, apud Illustrem Virum D. Baronem à Gent, qui illum secum Lutetiâ anno superiori attulerat: Sed, fortè quod eum *in forma & sub nomine Catechismi* editum fuisse improbasset Inquisitio Romana, & ideo inter cæteras causas illum publicè proscripseret eo Programme subreptitio, uti perhendunt Jansenitæ, quod ad calcem adjiciam, postea mutatâ inscriptione recusus fuit sub hoc titulo, *Elucidationes quarundam Difficultatum de Gratia*, sub quo mihi fuit concessus à R. & Doctissimo Viro D. Tobia Sellio Dantiscano, qui honestis suis precibus haud ægrè à me obtinuit ut eum Latinè redderem, & notulis quibusdam illustrarem. Sed ad rem ipsam veniamus; Authoris textus per Erotemata proponitur, & crassiori charactere etiam exprimitur, ac notas numerales habet præfixas. Nostri verò Scholia charactere minori expressa, eo ipso satis evidenter ab Authoris Jansenitæ textu, quem bona fide retulimus, distinguuntur.

CATECHISMI GRATIÆ,

Sive

ELUCIDATIONUM QUARUNDAM DIFFICULTATUM
DE GRATIA,

Caput Primum.

DE GRATIA.

1. Quid est gratia?

Est inspiratio amoris divini effusi in cordibus nostris per Spiritum Sanctum, ut cum delectatione præstemus bona per legem cognita. *S. Aug. lib. 4. ad Bonif. cap. 5.*

† *Est inspiratio*] Hæc descriptio non est Gratiæ Divinæ, ut sonat gratuitum & indebitum favorem Dei erga homines peccatores, quo sensu & merè *objectivè* nos habemus ad Dei Gratiā, & Gratiæ nomen frequentius usurpatur in Scripturis, ut pote cui nostra electio, vocatio, justificatio, salus in solidum, adscribitur, Rom: 111, 23. x1, 5. 6. 1. Cor: xv, 10. 2. Cor: x11, 10. Ephes: 1, 5. 6. 2. Tim: 1, 9. Tit: 11, 11. Sed hîc describitur Gratiā quæ vulgò habitualis dicitur, quamvis aliquid sit amplius, & sonat in Scholis Theologicis ex singulari & indebito Dei favore additum divinitus naturalibus animæ nostræ facultatibus principium sive auxilium morale ad eas integras regendas, aut corruptas corrigendas, & dirigendas in vijs Domini: atque ad hanc Dei gratiam in nobis habitantem & operantem, nos *subjectivè* habemus.

Amoris divini effusi] Allusio est ad locum Pauli Rom: v, 5. Amor enim ille Dei apud Apostolum ita significat eum quo nos dilexit in Christo, cujus certitudinem, fiduciam & sensum excitat in suorum cordibus per Spiritum Sanctum, ut etiam, prout amoris pretium amor est, importet

C A P V T I.

est, importet, exigit & efficiat eam dilectionem quâ Deum diligimus, & quæ dicitur finis mandati 1. Tim. 1, 5.

Per Spiritum Sanctum] Hinc collige ita Spiritum Sanctum communicari pijs ad fidem & studium bonorum operum, ut & illius præsentiam ac operationem sentiant in cordibus suis quotquot sunt in statu gratiæ, ut vulgò loquuntur, & falsò nobis imputetur *Enthusiasmus* & *Spiritus particularis*, cum in Spiritum Sanctum refundimus fidei nostræ *πληροφορίαν*, tum de origine & autoritate Divina Scripturarum, tum de nostra salute 1. Cor. 11, 12.

Ut cum delectatione] Hæc delectatio plena erat in statu innocentix; sed in statu reparationis per Christum tantum inchoata est in regenitis & quoad interiorem hominem, ut loquitur Paulus Rom: vii, 22. Eò spectant quoque loca Matth: xi, 30. 1. Joh: v, 3.

Præstemus] Ostendit enim Lex quid debeamus, sed ut id quoquomodo præstemus Gratia operatur; Domine fac quod jubes & jube quod vis; Ideo Augustinus loco hic citato Viro docto, ita loquitur; *Verum dicit lex, Qui fecerit ea vivet in illis; Sed ut faciat ea & vivat in eis, non lex qua hoc imperat, sed fides est necessaria qua hoc impetrat*; Et ibidem in Pelagianos invehitur quod *Egrem* velint intelligi *Gratiam*, ut scilicet à Domino Deo adiutorij cognitionis habeamus, quo ea qua facienda sunt noverimus, non inspirationem dilectionis, ut cognita sancto amore faciamus, qua propria Gratia est.

2. *Omnis-ne gratia datur per merita Jesu Christi?*

Non; nec enim Gratia data Angelis & primo homini in statu innocentix, ipsis per merita Jesu Christi obveniat.

3. *Quare?*

Quia Gratia Jesu Christi est Gratia Servatoris, Liberatoris, Redemptoris: Nihil autem servatur, liberatur, redimitur, nisi quod perditum, captivum, miserum sit. At Angeli & primus homo in statu innocentix, nec perditum erant, nec captivi, nec miseri; adeoque nec Servatoris, Liberatoris, Redemptoris, Gratia erat ea quæ illis obtinebat.

† Non; nec enim] Meritò hæc distinctio proponitur, quò melius intelligatur

intelligatur Gratia liberatricis efficacia & necessitas, & distinctius percipiatur nos revera amplius in Christo recuperasse quem amisimus in Adamo.

4. *In quo nam statu creati sunt Angelus & primus homo?*

Fuerunt creati in statu sanctitatis & iustitiæ, cognitionis & amoris divini: Deo simul formante naturam & suam gratiam conferente.

† *Fuerunt creati*] Adeoque 1. illa iustitia, sanctitas & rectitudo primi hominis, non fuit simpliciter *Donum supernaturale*, ut pertendit Bellarminus contra nostros *de grat. primi hom. cap. 5.* sed fuit ei connaturalis; quamvis suo sensu *Gratia* dici posset, quatenus Dei indebito favori & suum esse & ei indivulso ac necessario nexu conjunctum suum bene esse acceptum ferre debuit. 2. Fuit eadem iustitia & sanctitas originalis, naturæ integræ intrinseca perfectio moralis & ornamentum, non *frantum extrinsecus* superadditum *ad motus inordinatos concupiscentiæ* coercendos, nec *remedium adhibitum morbo seu languori naturæ humanæ*, qui *ex conditione materiae* oriebatur, ut ibidem & *cap. 6.* per evidentem Manichæismum idem asserit Bellarminus.

5. *Poterant-ne in alio statu creari?*

Non: quia Deus nihil potest facere, quod in suo ordine non sit; Inordinata autem foret Creatura intellectualis, nisi in statu Gratia crearetur; & illius inordinationis solus Deus author esset; adeoque non aliter quam in hoc statu creari potuit.

6. *Quare Creatura intellectualis esset inordinata, nisi creata foret in statu Gratia?*

Quia ordo illius essentialis est ferri in Deum, seu suum centrum & suam originem. Eò autem tendere non potest, nisi per auxilium quod à Gratia consequitur; & per consequens extra ordinem suum foret, si innocens destitueretur Gratia.

[Non; quia Deus] Sic ergo rejicitur commentitium Scholasticorum *παραφασιστικόν* maximè vero Jesuitarum inventum de statu *purae naturae*, ut loquuntur, juxta quem homo in *puris naturalibus* constitutus, nec peccator sit, nec justus, nec aliter differat ab homine lapsò *quam nudus à spoliato*, juxta regulam Bellarmini *cap. 5. de gr. primi hom.* & in quo vel hominem de facto creatum fuisse, superadditâ deinde chlamyde Justitiæ originalis, vel saltem potuisse creari, ad ravim usque vociferantur: Hunc Jesuitarum errorem & *purae naturae* statum imaginarium fuisse debellat ipse Jansenius *tribus de statu pura naturae libris* quibus clausit tomum 2. sui *Augustini*. Et qui statum illum *purae naturae* vel actu vel possibilem tuentur, (quos inter ex Jesuitarum & Pelagianorum placitis nuper quidam Philosophaster Leydenſis in libello suo contra nos edito ad alia sua monstra propugnanda professus est nomen suum, non sine probro Academiæ in qua docet & offensa suorum Superiorum, qui illum impotentem animi sui deliri fœtum unâ cum opinionum quas fovet portentis suppressi voluerant,) debent transire in Socinianorum castra, qui doctrinam Catholicam de Justitiâ originali primo homini in sua creatione & per illam collata naso suspendunt adunco, ut apud ipsummet Socinum videre est *praefat. suarum cap. 3.*

[Nisi in statu gratiae] Appellat author hunc statum integritatis primæ *statum gratiæ*, non quod justitiâ & integritas non fuerit homini connaturalis & jure suæ creationis ipsi debita, sed quo removeat illum statum *purae naturae* quem & re & nomine Jesuitæ ex Pelagio hauserunt, ut docet & probat Jansenius *lib. 1. de st. pura nat. cap. 1.*

[Si innocens] Id est si ante contractam peccati noxam, (per quam excidit originali suâ justitiâ,) sapientiâ, sanctitate & rectitudine debitâ careret.

7. Quid differt Gratia illis collata in eo statu ab ea quæ obtinetur per merita Jesu Christi?

Gratia quæ datur per merita Jesu Christi agit potentiori modo: Nam in statu innocentiae, voluntas cum sana & libera esset applicabat & determinabat gratiam: sed nunc Gratia applicat, de-

terminatque voluntatem, eam subijcit suæ virtuti, domat Concupiscentiæ rebellionem, superat omnes nostras resistentias, & sanat omnes nostras infirmitates.

† *Gratia qua datur*] Multæ inter utramque differentiæ possent observari; Prior enim erat homini connaturalis; Posterior est simpliciter & absolute supernaturalis: Prior naturam proximè consequebatur & ad illius perfectionem moralem pertinebat; Posterior ex Christi Servatoris meritis & Redemptione simpliciter pendet: Prior erat suo sensu debita, ut paullo post videbimus; Sed posterior est simpliciter & omnimodè indebita, adeoque omnibus numeris gratuita, juxta illud Augustini contra Pel. & Cælest. lib. 2. cap. 24. *Gratia Dei non erit gratia ullo modo, nisi gratuita fuerit omni modo.* Sed præsertim magni momenti est differentia quæ hic ab authore notatur, hausta ex ipso Augustino passim, præcipuè de corrept. & grat. cap. 12. Is enim propositâ adjutoriorum, uti ea vocat, distinctione, *Aliud est, inquit, adjutorium sine quo aliquid non fit, & aliud quo aliquid fit; & paullo post; Primo homini qui in eo bono quo factus fuerat relictus, acceperat posse non peccare, posse non mori, posse ipsum bonum non deserere, datum est adjutorium perseverantia, non quo fieret ut perseveraret, sed sine quo per liberum arbitrium perseverare non posset; Nunc vero sanctis in regnum Dei per Gratiâ prædestinatis, non tantum tale adjutorium perseverantia datur, sed tale ut eis perseverantia ipsa donetur, non solum ut sine isto dono perseverantes esse non possint, verum etiam ut per hoc donum nonnisi perseverantes sint.* Et idem cap. præced. dixerat; *Nec ipsum, nempe Adamum, Deus esse voluit sine sua Gratia quam reliquit in ejus libero arbitrio; quoniam liberum arbitrium ad malum sufficit, ad bonum autem nihil est nisi adjuvetur ab omnipotenti bono; quod adjutorium si homo ille per liberum non deseruisset arbitrium, semper esset bonus; sed deseruit & desertus est.* Tale quippe erat adjutorium quod desereret cum vellet, & in quo permaneret si vellet, non quo fieret ut vellet. Hac est prima Gratia qua data est primo Adam; sed hac potentior est in secundo Adam; Prima est enim quâ fit ut habeas homo justitiam si vellet; Secunda ergo plus potest, quâ etiam fit ut velit, tantoque ardore diligat ut carnis voluntatem contraria concupiscentem voluntate Spiritus vincat. Nec illa quidem parva erat quâ demonstrata est etiam potentia liberi arbitrij, quoniam sic adjurabatur, ut sine hac adjutorio in bono non maneret, sed hoc adjutorium si vellet

vellet defereret. *Hac autem tanto maior est ut parum sit homini per illam reparare perditam libertatem, parum sit denique non posse sine illa, vel apprehendere bonum, vel permanere in bono si velit, nisi etiam efficiatur ut velit.* Hinc autem liquet 1. Jesuitas, Remonstrantes & alios patronos Apostasie Sanctorum, frustra urgere exemplum Angelorum & primorum nostrorum parentum qui defecerunt & lapsi sunt, quo argumento pugnat inter ceteros Bellarminus lib. 3. de iustif. cap. 14. Cum illi recti quidem creati, relictī verò in manu sui consilij & præditi duntaxat Auxilio sine quo non perseverare potuissent, non tamen consequuti fuissent auxilium quo certò & infallibiliter perseverarent, quale datur Sanctis & iustificatis per Christum: Unde illud Apostoli tam certum Rom. viii, 30. *Quos iustificavit eos etiam glorificabit.* 11. Falsam esse definitionem liberi arbitrij quam mordicus tuentur Jesuitæ, Sociniani & Remonstrantes, quod sit facultas naturalis quā homo positus omnibus ad agendum præquisitis possit agere vel non agere; Siquidem ea est vis & efficacia Gratia liberatricis in Christo, ut ipsam voluntatem sibi subiciat, & determinet potenti tractione & persuasione suavissimā ad agendum; Nec enim Gratia Dei efficit tantum ut possimus velle, sed ut actu velimus Phil. ii, 13. imò *ut velimus sine nobis operatur*, inquit Augustinus de grat. & lib. arb. cap. 17. non utique cogendo nolentes, sed ex nolentibus volentes reddendo. 111. Perperam fingi à Molina, Lessio, Suarezio & alijs Jesuitis, Gratiam omnibus dari sufficientem, cujus efficacia ex ultronea liberi arbitrij determinatione suspendatur; Sic egim è contrario arbitrium per Gratiam determinari, ut totum Deo dandum sit, qui hominis voluntatem bonam & præparat adjuvandam & adjuvat præparatam, inquit Augustinus Enchir. cap. 32. & hoc ipsum luculenter docet Paulus magnus ille Gratia præco 1. Cor. iv, 7. 1v. Meritò Synodum Nationalem Dordracenam erroribus ex Ecclesia rejiciendis & quos hauserant Remonstrantes ex lacunis Jesuitarum *παραγινώσκοντων*, annumerare sententiam de conversione per suasionem merè moralem, & talem duntaxat Gratia operationem cui homo & resistere possit & actu sæpè resistat, aded ut Deus regenerationem ipsius intendens suo fine excidat; Cap. 3. & 4. Doct. In reject. Err. §. 7. & 8. Sanè insuperabilem & suo sensu irresistibilem hanc Gratia operationem, in Sanctis &

Electis Dei, & comprobatur Scriptura Ezech: xxxv 1, 26. Eph: 1, 19. 2. Thess: 1, 11. 1. Pet: 1, 5. 2. Pet: 1, 3. & jam olim agnovit Augustinus; Deo volenti, inquit, saluum facere nullum hominum resistit arbitrium. Sic enim velle aut nolle in volentis aut nolentis est potestate, ut divinam voluntatem non impediat, nec superet potestatem; de corr. & grat. cap. 14.

8. Si Deus Gratiâ non dedisset Angelo & primo homini, fuisset-ne eorum lapsus cum reatu conjunctus?

Non. Cum enim nondum Deum offendissent non poterant Gratiâ privari, quandoquidem nihil aliud potest esse talis privatio, quam pœna peccati; Et si lapsi fuissent defectu Auxilij necessarij, non fuissent rei illo suo lapsu, quem non poterant absque hoc auxilio evitare. S. August. lib. de corr. & grat. cap. 11.

9. At nunc?

Quum peccato nostro originali, vel etiam actuali, sumus commeriti ut Deus suas Grâcias nobis non largiatur, sumus rei omnium nostrorum lapsum, quamvis eos absque Gratiâ vitare non possimus; quoniam nostrâ culpâ in hunc statum incidimus; ut qui suâ culpâ factus est non solvendo, non definit obstrictus esse suis creditoribus: Quin in ipso foro creditur illi quandam pœnam justè infligi posse.

† Non; Cum enim] Hoc totum sic expressit Augustinus l. c. Si hoc adjutorium vel Angelo vel homini quam primum facti sunt defuisset, quoniam non talis natura facta erat, ut sine Divino adjutorio posset manere si vellet, non utique suâ culpâ cecidissent; Adjutorium quippe defuisset sine quo manere non possent. Nunc autem quibus deest tale Adjutorium, jam pœna peccati est. Non ergo peccarunt & lapsi sunt Deo subrahente illis Gratiâ quâ stabant & stare possent, etsi non illis dederit indebitam Gratiâ immutabilitatis, quâ infallibiliter permanerent.

Sumus rei omnium] Perditio tua ex te ô Israel, tantummodo in me auxilium

me auxilium tuum Osee xlii, 9. Et hinc liquet quam perperam Jesuitæ & alij ejusdem furfuris homines, ut propugnent in homine corrupto liberi arbitrij vires non tantum ad moralia qualiacunque, sed etiam ad supernaturalia, inde colligunt argumentum quod talia imperent, mandent, exigant Sacre Scripturæ; nec possit Deus justè punire nolentes obedire & credere, nisi credere & obedire sit in eorum potestate. Quo argumento pugnat nominatim Tiranus meus *Cont. xlii. n. 4. & 7.* pugnat & Episcopius *cap. 1. de lib. arb.* Sunt enim Dei mandata officij nostri norma, non virium nostrarum mensura: & cum illa benè agendi impotentia sit malum *ἡσυχαστήριον*, eo ipso culpabilis est & digna pœnâ.

10. *Deus ergo debebat dare Gratiam in statu Innocentiæ, quandoquidem nec Angelum nec primum hominem aliter creare poterat?*

Ad id non tenebatur ullo intuitu meritorum Creaturæ quæ nondum erat & ex consequenti nullum habebat meritum: Sed quemadmodum non poterat facere corpus integrum, quod omnes suas partes non haberet, ita non potest creaturam intellectualem ex ordine facere quin illi suam Gratiam largiatur.


‡ *Sed quemadmodum*] Quid quod non poterat homo creari, quin crearetur ad imaginem Dei, aliàs homo non futurus; nec donari imagine Dei, quin justitiâ & sanctitate ornaretur? Adeo frustra sunt Patroni puræ naturæ, ut suprâ monui. Porro quod debitam dicimus Angelo & Homini dum crearentur justitiam originalem, benè explicatur ab Authore: Nam debitum quandoque est *μνοπλιον* & improprie dictum, quod se habet tantum ex parte præstantis vel promittentis, & in illius fide, aut constantia, aut veritate, aut sapientia & natura situm est. Ita vulgò dicitur quod omne promissum transeat in debitum. Ita Deus debet semper facere quod est optimum & quod convenit illius rei naturæ quam intendit, ne videatur simul idem velle & nolle. Hoc sensu extensio ac divisibilitas debentur corpori, & rei integræ omnes illius partes, & homi-

ni ubi immediatè conditur ab eo qui nequit esse author peccati, fana ratio & imago Dei quæ in iustitia & sanctitate consistit: Quandoque vero debitum est διπλοῦς propriè & accuratè, quod ita se tenet ex parte debitoris, ut fundetur in aliquo reali ex parte creditoris: Ita emptor debet venditori pretium rei quam sub hoc pretio alienavit, & transtulit in illius dominium: Ita Pater-familiàs debet operarijs quos adhibuit pactam cum illis mercedem: Ita merces propriè dicta & meritum sunt relata quæ se mutuo ponunt & tollunt. Atque hoc sensu Gratia Christi sic est indebita, ut omne meritum excludat Rom: iv, 4. xi, 6. unde illud Augustini in Ps. 31. Si vis esse alienus à Gratia jasta merita tua, & istud Bernardi Serm. 67. in Cant. Non est quò Gratia intret, ubi jam Meritum occupavit; deest Gratia quicquid Meritis deputas.

Caput 11.

DE GRATIA JESU CHRISTI.

I I. Quid est Gratia Iesu Christi?



St Gratia interior, quæ cor occupat, duritiem ejus frangit, & abruptit vincula, illi victoriam confert de suis affectibus, ejus sanat vulnera, & tandem facit ut velit & operetur quod bonum est, secundum beneplacitum Dei.

† Interior, quæ cor] Etenim benè supponitur hæc Gratiā aliam esse externā, quæ formaliter loquendo nihil ponit in voluntate creata, & elucet in publico Verbi ministerio, suasionibus, minis, promissis, correptionibus, ac similibus; aliam internā, immediatè profluentem à Deo, & per quam iticus cor alloquitur, intellectum illuminat, flectit voluntatem, affectus subigit, ut homo fidei semen & fructum efficaciter recipiat: De hac distinctione agit Augustinus de Sp. & lit. cap. 34. Prosper contra Collatorem cap. 14. & ex utroq; Didacus Aluarez Archiepiscopus Tranensis, in præmio operis sui de Auxilijs, & disp. 112. §. 4.

Et tandem facit] Hoc docet Scriptura evidenter Phil: 11, 13. & accuratè explicat Didacus Aluarez modò citatus Disp. ult. de Aux. propos. 15. quæ sic habet; *Auxilium efficax præuenientis seu præoperantis Gratia, movet liberum arbitrium hominis ad benè operandum, non solum suadendo, alliciendo, invitando, aut aliter etiam interiùs moraliter attrahendo, sed etiam efficaciter & verè efficiendo, ut ipsum arbitrium à Deo motum & excitatum, se determinet ad benè operandum & operetur.* Huc pertinet canon 9. Concilij Arausici 11. *Quoties bona agimus, Deus in nobis atque nobiscum ut operemur operatur;* Huc spectat quoque illud Augustini de grat. & lib. arb. cap. 16. *Certum est nos facere cum facimus, sed ille facit ut faciamus, præbendo vires efficacissimas voluntati, qui dixit, Faciam ut in justificationibus meis ambuletis;* & istud lib. 1. contra duas epist. Pel. cap. 19. *Trahitur miris modis ut velit, ab illo qui novit intus in ipsis ho-*

minum cordibus operari, non ut homines, quod fieri non potest nolentes credant, sed ut volentes ex nolentibus fiant.

12. *Est-ne huic Gratiae proprium efficere ut impleamus Legem?*

Ita: Nam in ea infirmitate in quam per peccatum incidimus, non sufficit Deum nobis dare posse implere legem si velimus, sed oportet ipsum efficere ut eam impleamus, faciendo ut velimus, auxilio potenti victricis Gratiae. S. *Aug. lib. de corr. & gr. cap. 12.*

† Ita; Nam] Hoc enim pertinet ad illud discrimen Adjutorij sine quo non, & Adjutorij quo, quod suprà retulimus. Porro cum hic agit Author de Gratia implendi, sive perscuiendi legem, nam usus est Gallicè verbo *accomplir*, id non est intelligendum Legaliter, quasi fingat quemquam pium in hac vita ad perfectionem, impeccantiam & ἀναμαρτυρίαν Pelagianam, quam & ipsi Jansenitæ in Jesuitis damnant, posse conscendere, nullo eorum omisso quæ Lege præcipiuntur, nullo commisso eorum quæ eadem prohibentur; Nam & Author contrarium docebit infra Eros. 17. & proculdubio meminerat à Concilio Milevitano, ita Can. 5. definitum fuisse quod, ut est Canonis lemma, Gratia Dei præstet ut lex impleatur, non sicut ait Pelagius facile, quasi sine Gratia Dei possit, ut Canonibus 6. 7. 8. nihilominus statuatur, Quod juxta sententiam Iohannis Evangelistæ, Nemo sit qui esse possit sine peccato; Quod unicuique etiam iusto, (idque etiam pro seipso, non duntaxat pro alijs qui sunt in populo peccatores) dicere oporteat, Dimitte nobis debita nostra; & Quod à sanctis veraciter (non humiliter tantum) id quotidie jure dicatur. Hinc Augustinus de Civit. Dei, lib. 19. cap. 27. Iustitia nostra quamvis vera sit, propter veri boni finem ad quem refertur, tamen tanta est in hac vita, ut potius remissione peccatorum constet, quam perfectione virtutum: Sed Author est hic intelligendus de impletionem Legis sensu Evangelico, magis adfectiva quam perfectiva, quæ potius est in voto quam in re, in conatu quam in effectu, & si quid habet perfectionis, id magis est parvum quam graduum, magis quoad principium & finem operandi, juxta Paulum 1. Tim. 1. 5. quam quoad integram operum texturam & substantiam.

Substantiam. Ideo Adrianus de Traiecto postea Pontifex Maximus in 4. sent. referente & laudante Cassandro Colonienſi Theologo in Conſult. ſua ad art. 6. Conf. Aug. ſic loquitur; Sunt (inquit) merita noſtra veluti baculus arundineus cui dum quis innixus fuerit, confringit & perforat manum innitentiſ; & quaſi pannus menſtruata ſunt omnes juſtitia noſtra; Iu- giter igitur ſuper pannum bona vite quem juſtitia operibus teximus, ſtillamus ſaniem diverſorum criminum &c.

13. Eſt-ne hæc Gratia ſemper efficax?

Ita. Semper enim producit effectum quem Deus per illam vult producere.

14. Ergo non poteſt hæc Gratia rejici?

Posſet quis eam rejicere, ſi vellet: Sed proprius effectus hujus Gratiæ eſt nobis adimere voluntatem eam rejiciendi, adeoque impediendi ne hæc potentia in actum tranſeat. Quandoque etiam ei reſiſtitur; ſed cum victrix ſit hæc Gratia, tandem noſtram reſiſtentiam luperat.

+ Ita: Semper] Sic corruiſt inepta & importuna Jeſuitarum & aliorum Gratiæ diſtinctio in Sufficiens & Efficacem, circa quam hærent mille difficultatibus impliciti, dum anxie inquirunt quid auxilium efficax addat ad ſufficiens: Sanè ſufficiens Gratia non erit ſimpliciter addat ad ſalutem, ſi quid ei quid adhuc adſcisci debeat in genere Gratiæ ut noſtram ſalutem efficiat; nec Gratia Chriſti dici debet, niſi Victorix & Liberatrix fuerit.

Posſet quis] Hoc ſibi volunt qui ſtatuunt etiam poſitis ad agendum prærequiſitis ſimultatem potentia ad agendum vel non agendum eſſe concedendam, licet non potentiam ſimultatis. Huc ſpectat Propoſitio 19. Aluarezij V. S. Auxilium efficax & potentia diſſentiendi ſimul compatiuntur & componuntur in eodem arbitrio. Hæc potentia tamen ab alijs non niſi remota conceditur; unde Vir Ampliſſ. Gilbertus Mauguin, tomo 2. Vind. Prædeſt. & Gratiæ, cap. 21. Hiſt. & Chron. diſſ. ſtatuit eos cum Pelagio & Iuliano ſentire, qui libertatis eſſentiam ita in indiſſerentia & æquilibrio conſtituunt, ut aſſerant voluntatem eo ipſo tempore quo peccat poteſtatem (pro-

ximam) habere recedendi à malo & faciendi bonum. Tum illud, Si, est conditionatum quod nihil ponit in esse, maximè quoniam in sensu composito, & positâ gratiâ efficaci, tam impossibile sit hominem velle eam abjicere, quam necesse est illam voluntatem ipsam regere, in obsequium Dei determinare & flexere, ac, ut loquitur Augustinus de corrept. & grat. cap. 12. *indeclinabiliter & inseparabiliter* agere. Porro non est quod Universalis Gratię Patroni suum hinc *è propria* constabiliant, quo statuunt datum omnibus posse credere si velint, licet ut velint non omnibus detur: Nam potentia ad oppositum, quę censetur remanere positâ Gratiâ efficaci, videtur esse de interna & intrinseca constitutione voluntatis, quam Gratia non debet abolere; Sed potentia credendi per Gratiā universalem, est juxta hos, beneficium supernaturale & adventitium, quod tamen planè frustraneum censi debet: Quid enim prodesset hominibus posse credere si vellent, quum nunquam id ipsum ex seipsis velle possint?

Quandoque etiam] Ad tempus scilicet, & quoad ejus particulares qualdam inspirationes & motiones; Sic tamen ut tandem bona causa triumphet, & in captivitatem redigatur omnis cogitatio nostra ad obediendum Christo 2. Cor. x, 5. Ita humor peccans ad tempus resistit medicamento cathartico, quod illi expurgando & expugnando destinavit Medicus: attamen eum tandem domat & educit.

15. An igitur hæc Gratia nos semper convertit?

Non; Licet enim semper aliquem producat effectum, non tamen semper producit perfectam conversionem: prout Medicina tempestivè propinata in morbo vehementi non semper sanat ægrum, quoniam resistit ipse morbus; Non desinit tamen illi prodesse, quoniam eum disponit ad sanitatem, imminuat vi morbi. Sic quamvis Gratia non semper convertat, non ideo tamen desinit semper aliquem bonum effectum producere, Concupiscentiam imminuendo & animam præparando ad perfectam conversionem.

16. Quando-nam ergo convertit Gratia?

Quum Cupiditate fortior est; quum ex corde revellit prædominantem,

minantem amorem creaturæ; quum efficit ut Dei amor fiat vehementior & potentior nostrorum affectuum; uno verbo, quum facit ut Creatorem præferamus Creaturæ, non solum in aliqua particulari actione, sed in ipsis voluntatis penetralibus & universo regimine vitæ nostræ.

† *Non tamen semper*] Non quod tandem semper & infallibiliter eam non conficiat, sed quod non semper ea sit vis & efficacia motionum suarum priorum, ut ultrò & planè peccator se illis subiciat: Ea enim est cordium nostrorum durities, ut repetitis ictibus, magis quam rupes deserti, debeant hac Dei virgâ percuti, priusquam ex illis plenioris resipiscentiæ & conversionis aquæ educantur.

Animam præparando] Si qui igitur actus antecedanei sunt admitendi ad conversionem, de quibus & nos aliquid monemus in nostro *Systemate Theol. loco. xi. §. 15.* si quæ præviæ ad fidem & resipiscentiæ salutarem dantur dispositiones in nonnullis, illæ nec arbitrij humani viribus sunt adscribendæ, nec debent referri ad *merita de congruo* Jesuitarum, quæ profligavi contra Tirinum *tom. 2. Theol. Elenchi. cont. 16. n. 2.* sed tribui debent speciali Dei Gratiæ suum opus inchoanti; prout Sol incipit in diluculo radios quosdam spargere supra Horizontem nostrum, antequam ortus sit vel illum stringat. Non ergo Gratia conceditur uni præ alijs quod ex sese melius sit dispositus ad illam recipiendam; Universalis est & contrario omnium ineptitudo, indice Paulo 2. Cor: 111, 5. Sed si quis videatur melius dispositus quam alij, id totum est adscribendum Gratiæ discriminanti, primam suam efficaciam sic explicanti, ut gradatim rem totam perficiat: Sunt enim dona Dei & ipsius vocatio *ἀποταμίευτα* Rom: xi, 29. Unde Paulus Phil: 1, 6. *Persuasum*, inquit, *habeo fore ut qui bonum opus in vobis incæpit, perficiat usque ad diem Iesu Christi.*

Quum cupiditate] Nempe primò conversio & regeneratio potest considerari, vel *inchoativè & in fieri*, vel *complete & in facto esse*. Prioris ordinis censerì potest ea quæ Authori dicitur *non perfecta conversio*; Posterioris illa quæ hoc *Erotemate* 16. tam graphicè describitur. Sic etiam Apostolus uno verbo ad eam exigit mortificationem veteris hominis, & vivificationem novi. Præterea hæc omnia quæ in conversione, per Gratiâ ab Authore requiruntur, conveniunt ve-

rè pijs qui carnem crucifixerunt cum suis cupiditatibus, 1. Quoad perfectionem partium, licet non graduum; 2. Quoad habitum virtutum Theologicarum & Moralium, sed non quoad omnes & singulos suos actus personales, quasi in nullo amplius impingerent; 3. Studio saltem & affectu in hac via, licet res ipsa & plenus effectus ad patriam duntaxat pertineat. Cæterum quæ hic describitur Conversio, illud Gratiae beneficium notat, quod in Scholis & Ecclesijs nostris exprimimus nomine *Sanctificationis*, quæ à nostra Justificatione per fidem in Jesum Christum sic debet distingui, ut illitamen inseparabiliter adhæreat, & eam necessariò ac infallibiliter consequatur. Verum cum necdum isti Patroni Gratiae in Communione Romana satis hæc distinguere vel ausi fuerint vel didicerint, aut sint assequati propriam rationem nostræ Justificationis gratuita coram Deo per fidem in Jesum Christum, minus mirum est quod tria distincta effecta Gratiae efficaciae, nempe Vocationem, Justificationem & Sanctificationem, hîc quadantenus synecdochicè per unam Sanctificationem sub nomine Conversionis voluerint exprimere.

17. *Non-ne potest Concupiscentia totaliter destrui in hac vita?*

Non; Ea quidem potest imminui ac debilitari, sed non annihilari, & omnis noster progressus in pietate consistit in imminuendo pondere Cupiditatis, ad corroborandum pondus Charitatis, & amorem Dei super ruinis amoris nostri constabiliendum. Quùm autem ille amor nostri semper habet, licet non semper regnet, in nobis, Charitas nondum perfecta est, nec potest esse quin hæc mors in victoria absorbeatur, & novus homo annihilaverit veterem; quod demum in cælo obtinebit.

‡ *Eam quidem possumus*] His paucis verbis multi errores Jesuitici & Papistici rejiciuntur. Hinc enim constat 1. Graviter errare Tiranum nobis refutatum tom. 2. Autitirini, cont. 14. n. 16. & 18. cum statuit, fretus etiam autoritate Concilij sui Tridentini sess. 6. can. 11. & 18. cum qui est in statu Gratiae, posse omnia præcepta implere, omnia nova peccata

peccata mortalia vitare, (imò & omnia venialia, licet non tandiu,) quasuis tentationes superare & ita perseverare usque ad finem; quod nihil aliud est quam in statu viæ & imperfectionis, Angelicam & Patriæ perfectionem possibilem ineptè comminisci. 11. Non admittendam meritorum, uti ea malè vocantur, *condignitatem*, quam idem Tirinus cum omnibus Pontificijs propugnat perperam *Cont. 16. n. 1. & 5.* Si quidem semper imperfecta nostra charitas nunquam potest esse *condigna* gloriæ perfectæ quæ in nobis est revelanda Rom: VI II, 18. 111. Nunquam eos de operibus *supererogationis & perfectionis Euangelicæ*, per quæ plus boni præstent quam tenebantur, gloriaturos, qui suæ Charitatis quæ summa Legis est, imperfectionem & defectum seriò agnoverint. 1v. Concupiscentiam quæ est ex peccato & inclinatur ad peccatum & ipsa propriè peccatum est, ut in se disertis verbis agnoscit Apostolus Rom: VII, 7. transire quidem *reatus* in baptizatis & fidelibus, ut postea videbimus amplius, sed tamen manere *actu*, ut docet Augustinus *lib. 1. de nupt. & conc. cap. 27.* adeoque tam benè nos statuere cum Augustino eodem *ibid. cap. 25. dimitti concupiscentiam carnis in Baptismo non ut non sit, sed ut in peccatum non imputetur*, quam vitiosè & præpostere Concilium Tridentinum definivit *sess. 5. can. 5. in Baptismo tolli totum id quod veram & propriam peccati rationem habet*, & eos percudit anathemate qui dixerint illud *tantum* baptizatis *non imputari*.

Semper habet] Id de se profitetur Paulus Rom: VII, 18. Et inde distinguunt Theologi inter peccatum *habitans & regnans*; quorum illud est fidelium & regnitorum, hoc vero eorum deum qui Gratiâ Dei sunt destituti. Hæc enim adveniens Regiam illi quâ ante grassabatur auctoritatem aufert.

Quin hæc mors] Ideo Apostolus ut ut regenitus, sub illius suæ corruptionis residuæ onere gemens exclamabat Rom: VII, 24. *Ærum-nosus ego homo, quis me eripiet ex isto corpore mortis?*

18. *Non-ne victoria quam Gratia refert de Voluntate, ejus ledit libertatem?*

Non; Cùm enim Deus interior sit voluntati nostræ quam ipsa sibi, cognoscens perfectè ejus naturam, & res quælibet gubernans conformiter earum naturæ, efficit ut voluntas ceu libera agat

ra agat liberè; prout movens causam naturalem ad agendum; facit eam naturaliter agere.

19. Quomodo non leditur libertas?

1. Nunquam liberior est voluntas quam dum agit, quandoquidem actio est exercitium suæ libertatis; Deus autem facit ut agat, siquidem eam velle facit. 2. Ut subditus nunquam est liberior, quam cum magis subest legitimo suo Principi; sic nunquam liberior est voluntas quam cum Deo subest. 3. Ut captivo non auferitur libertas cum ejus vincula franguntur & ipsè ex carcere educitur; ita non auferitur sed confertur libertas voluntati, cum exsolvitur vinculis concupiscentiæ & ex ista servitute liberatur.

† *Cum enim Deus*] Ita videmus hic 1. Jesuitas & assertores Scientiæ mediæ, omnesque hodiernos Pelagianismi aut Semipelagianismi sectatores, qui dum *homines volunt facere liberos faciunt sacrilegos*, ut loquitur de Cicerone Augustinus lib. 5. de Civit. Dei cap. 9. frustra velle subducere voluntatem humanam Dei regimini & determinationi, quo voluntas maneat libera & illibata; Nam Deus omnia quæ creavit sic administrat, ut ipsa suos etiam exercere & agere proprios motus sinat, inquit Augustinus lib. 7. de Civit. Dei cap. 30. 11. Non quamlibet necessitate in repugnare intrinsecæ libertati voluntatis, sed propriè & maximè coactionem; ut etiam sensit Lombardus lib. 2. sentent. dist. 25. lit. I. contra quam operosè disputat Bellarminus lib. 3. de gr. & lib. arb. cap. 4. 5. & 6. requiri ad liberum arbitrium libertatem non solum à coactione, sed etiam à necessitate omni. 111. Errare graviter Bellarminum, dum lib. 4. de gr. & lib. arb. cap. 6. insignis temeritatis notam nostris inurit, quod *nomen liberi arbitrij in Servi arbitrij mutaverint*, quandoquidem illa servitus arbitrij sub peccato, hic etiam merito agnoscitur, tum ex usu Scripturæ, Joh: vii 11, 34. Rom: vi 20. 2. Pet: ii 19. tum ex sensu Antiquitatis Catholicæ; nam Augustinus lib. 1. Retract. cap. 9. sic loquitur; *Voluntas ipsa nisi Dei Gratia liberetur à servitute quâ facta est serva peccati, & ut vitia superet adjuvetur, rectè præque rivi à moralibus non potest*. Ita nempe hic noster Author, iisdem quibus

dem quibus nostri nixus principijs, longè expeditiorem & faciliorem rationem proponit Concordiæ Gratiæ & Liberi arbitrij, quam Scientiæ Mediæ assertores & quotquot Voluntatis humanæ Independentiam à Deo mordicùs audent propugnare; cùm tandem plerique ex illis, qui receptam hæcenus inter suos sententiam tueri volunt, de ratione illius Concordiæ reperienda in hac vita cùm Cajetano omninò desperent. Hinc M. Antonius de Dominis, *lib. 7. de Rep. Eccl. cap. 11. n. 10.* has omnes Controversias *indefinibiles* esse pronunciat, eo magis quod in Pelagianismi & Semipelagianismi virus longè propensior est.

20. *Lex, prædicatio verbi, pulcher ordo universi, nonne sunt Gratiæ sufficientes ad nos convertendum?*

Non: Nam hæ Gratiæ merè sunt externæ: & solos feriunt sensus, aut ad summum intellectum replent, sed cor ipsum non attingunt. Attamen cum Deo placet illis conjungere Gratiam internam, eas adhibet ceu eximia media ad expugnandam nostram concupiscentiam, & superanda omnia obstacula quæ nostram Conversionem remorantur.

† Non; Nam hæ] Optimo jure hæc observantur, ne vel Gratiæ Universalitatem ex istorum beneficiorum qualicunque extensione colligamus; vel, ut plerique ingratorum hujus ævi perperam faciunt, ex sufficientia secundum quid mediorum externorum, qualis celebratur Esaïæ v, 4. Gratiam simpliciter sufficientem inferamus; vel efficaciam Gratiæ ex natura mediorum in quibus & per quæ se exerit æstimantes, meram suasionem moralem in ea concipiamus. Porro quod *ordini universi* suis conceditur locus inter media externa ad conversionem nostram, id debet intelligi de illo conjunctim cum *lege & prædicatione verbi*; quoniam aliàs voce Creaturarum & libro naturæ ad Deum Creatorem evocamur, non vero ad Deum Redemptorem: nec alij rei sufficit τὸ πρῶτον Dei naturale quam hominùm inexcusabilitati Rom: 1, 20. Fides vero est *ex auditu* verbi Divini Rom: x, 17. quod propriè loquendo solum est Potentia Dei ad salutem omni credenti Rom: 1, 16.

D E L E G E.

21. *Quomodo vocas eam Legem quam Dominus noster Iesus Christus venit allatum in mundum?*

Hæc duo præcipuè sortitur nomina, Legis Novæ, & Legis Gratiæ.

22. *Quare eam vocas Legem Novam?*

Ad eam distinguendam à Veteri Lege diu ante Israelitis latæ ministerio Moſis ſervi Dei. Dicitur quoque Lex Nova, quoniam continet Gratiā cujus proprium nos renovare in ea juſtitia & ſanctitate quam amiſimus.

23. *Quare eam vocas Legem Gratiæ?*

Quia confert Gratiā quam Vetus promittebat.

† *Hæc duo*] Quamvis notiones & termini quibus Author ſuos hic conceptus exprimit, aliquid videantur in Scholis noſtris ſonare incommodi & peregrini, dum nempe ſtudet loqui cum vulgo ſuæ communionis, ſed ſapere cum melioribus; attamen in reipſa nihil eſt quod commodè non poſſit explicari; ſi duorum meminerimus; Primò quidem nuſquam Fœdus Gratiæ vel Euangelium, vocari in Scripturis *Legem Novam* vel *Legem Gratiæ*; cū e contrario novitas Spiritus literæ Legis, & frequentiffimè Legi Gratiā opponatur; ſed tamen Fœdus Evangelicum & Gratiæ, appellari ſæpè Fœdus & Testamentum Novum; quandoque etiam *perfectam Legem libertatis* Jacob. 1, 25. *Legem Spiritus vita* Rom: v 111, 2. *Legem fidei* Rom: 111, 27. Non eſt igitur cur per *Legem Novam* & *Gratiæ*, ex ſtylo Scholaſticorum & Veterum, id ipſum non intelligamus quod aliàs in Scripturis Euangelium & Novum fœdus oppoſitè ad *Legem* & *Vetus Testamentum* ſolet appellari. Modò enim viteamus Legis & Evangelij confuſionem, quæ iudice Luthero, fuit cauſa ſummæ corruptionis

tionis in doctrina Gratix & Iustificationis, satis erit. Secundò Gratix & Novi fœderis ad Legem Veterem sive Vetus Testamentum, duplicem oppositionem esse distinguendam; Alteram absolutam inter Legem fidei & Legem operum, quæ constituebat prius illud fœdus quod cum Adamo pactum, per peccatum fuit violatum, & sub quo quotquot sunt, sunt sub maledictione; Alteram secundum quid, inter Oeconomiam Euangelicam quæ sequuta est incarnationem Christi, & Mosaicam sive Legalem quæ eam præcesserat; Etenim cum hæc Oeconomia Mosaica bifrons quadantenus fuerit & duplicem habuerit *χρῖον*, alteram ad Legem operum, quatenus illi urgendæ ad peccatorum convictionem & confusionem destinabatur; alteram ad Euangelium Gratix, quatenus erat pædagogus ad Christum, eumque variè adumbrabat; hinc fit quod ex usu Scripturæ aliter & aliter de Lege Veteri loquendum sit. His præsuppositis quæ fusiùs ex Scripturis possent deduci, nisi studeremus brevitati, Authoris mens in ijs quæ sequuntur faciliùs innotescet.

Ad eam distinguendam] Distinguitur autem à Lege Veteri, sive Mosis, duplici illo quo dixi respectu, & quatenus Lex Mosis describebat & urgebat fœdus operum, quod alijs fœdus naturæ dicitur, quo homines peccati & maledictionis convincerentur: & quatenus Christum venturum adumbrabat; Hinc est quod uni legi per Moysen latæ, hæc duo opponuntur, *Gratia & Veritas* per Jesum Christum Joh: 1, 17. Nam per Gratiam Christi, iustitiam & vitam obtinemus, quam per opera & Legem operum consequi impossibile erat Rom: viii, 3. Atque huc pertinet illud Augustini in *Psal. 118. conc. 16. Quod Lex imperat, fides impetrat.* Fide enim in Christum & gratuitâ nostri iustificatione per illius sanguinem, postulatum & *δικαίωμα* Legis completur in nobis Rom: viii, 4. In Christo quoque umbrarum & figurarum Legalium Veritatem & corpus consequimur Col: ii, 17.

Dicitur quoque] Et id convenit fœderi Gratix oppositè ad fœdus operum, quo per Adamum violato, & *Iustitiâ* apud Deum & *Sanctitate* omni in nobis ipsis, excideramus; Nam in Christo Liberatore per Gratix fœdus consequimur 1. Plenam quâ coram Deo nitamur iustitiam; quæ dicitur *iustitia Dei, non quâ iustus est*, inquit Augustinus de Sp. & lit. cap. 8. *sed quâ induit hominem quum iustificat impium; iustitia Dei per fidem Iesu Christi, hoc est per fidem quâ creditur in Christum.* Eam

autem Fidei iustitiam bona opera non præcesserunt, quam bona opera consequuntur, inquit idem in Psal. 30. Etenim, ut ait Bernardus de sepulchro ad milites templi, Mors in Christi morte fugatur & Christi iustitia nobis imputatur. Quin, ut idem habet epist. 190. Assignata est homini aliena iustitia qui caruit suâ; Homo qui debuit, homo qui soluit; Satisfactio unius omnibus imputatur, sicut omnium peccata ille unus portavit. 2. Satisfactionis & Regenerationis Spiritum, cujus leni quidem sed efficaci operatione renovamur in spem vivam ad imaginem Dei, ac nitor ille qui per peccatum nobis perierat, paulatim reparatur.

Quia confert] Christus confert Gratiâ 1. quâ carebat Fœdus operum, etiam dum vigeret: Suprà enim vidimus multo ampliora beneficia nos in Christo recuperare, quam amiseramus in Adamo: hic nobis domum lateritiam evertit; eam nobis ille restituit marmoream. 2. Quâ idem operum fœdus in se omnino destituebatur post primas ejus tabulas fractas per peccatum, & cum in literam occidentem Lex abierat. 3. Quam promittebat & adumbrabat œconomia Mosaica ut Christum significabat & *ΧΕΤΙΩΝ*; ipsum respiciebat. Etenim certum est Legem operum in suo formali non promississe Gratiâ Christi, cum unica hæc esset illius sanctio, *Hoc fac & vires*, Item, *si vis ingredi in vitam serva mandata*, Item, *Maledictus qui non permanferit in omnibus ijs quæ scripta sunt in libro legis ut ea faciat*.

24. *Quæ-nam sunt præcipuæ differentiæ inter Legem Veterem & Novam?*

Tantum est discriminis inter Legem Veterem & Novam, quantum interest differentiæ inter corpus exanime & corpus animæ suæ conjunctum; inter umbras & lucem; inter nubes & solem; inter promittentem & dantem: Cùm Lex vetus nihil aliud fuerit quam corpus, cujus nova spiritus est; & umbræ quas lux Evangelij erat dissipatura; & nebula quæ nobis occultabat Christum qui venit datum toti mundo, quod Lex nonnisi solis Judæis promittere videbatur.

‡ *Tantum est discriminis*] Quamvis id per se parum faciat ad quæ-
stiones

stiones de Gratia & libero arbitrio, tamen rem omnem paucis explicabo; Lex vetus dicitur *corpus exanime*, quod Lex operum post peccatum, nullam habeat Spiritus Sancti adjunctam efficaciam, per quam in obsequium Deo debitum flectamur; Hæc enim efficacia ad fœdus Gratia & Euangelium pertinet, uti iquet ex 2. Cor: 111, 6. 7. 8. Huc istud spectat Augustini de Sp. & lit. cap. 20. *Propter Veteris hominis noxam qua per litteram iubentem & minantem minimè sanabatur, dicitur illud Testamentum Vetus, hoc autem Novum, propter novitatem Spiritus qua hominem novum sanat à vitio vetustatis*; quod deinceps probat loco celebri Jerem: xxxi, 32. 33. 34. Oeconomia vero Mosaica ac Levitica, *umbris & nebula* benè confertur, comparatè ad Euangelij lucem; quo sensu etiam Legi cæremoniarum *σκία*, Euangelio *ἡκωρ*, idest expressior imago tribuitur Heb: x, 1. utraque tamen, si fides Chrysostomo & Theophylacto, oppositè ad *ἀληθείαν* quæ in cœlo obtinebit: Ac inde factum quod sole iustitiæ Christo in suo meridiano constituto istæ legales umbræ evanuerint, & discussæ fuerint hæ nubes cùm exclamavit in cruce *Consummatum est*; unde & ipsum Templi *καταπίτασμα* discissum fuit à summo ad inum, ut nubibus cæremoniarum discussis, & disiecto pariete intergerino, *mysteria publicarentur*, quæ usque ad adventum Domini rationabiliter fuerant occultata, inquit Origenes in *Catena Thoma*, ad Matt. 27. Interea tamen fideles sub V. T. solis radios & influxus per has nubes percipiebant, licet refractos, & in illis suis umbris, Mathematicorum instar, contemplabantur fide corpus ipsum ac bonorum cœlestium magnitudinem metiebantur. 2. Prout cæremoniæ Veteres Legi operum subserviebant & erant per suam *ἡσίαν* legalem comparatæ ad illius *δικαιοσύνην* urgendum. Eò enim respectu magis inserviebant occultando quam manifestando Christo; prout parabolæ quibus utebatur Christus duplicem habebant usum, ut janua in suis cardinibus, claudendi Judæis & aperiendi discipulis mysteria regni cœlorum Matth: x111, 10. 11.

25. *Nullum-nè Lex Vetus Gratiam conferebat quæ animam sanctificare posset?*

Nullam illa Lex conferebat; Deus tamen quibusdam sub ea Lege agentibus talem conferebat Gratiam, non vi illius Legis,

sed vi Legis novæ ad quam pertinebant; Sancti qui illo erant tempore, respiciebant ad Jesum Christum venturum, ut nunc nos ad Jesum Christum qui venit, & sperantes suam per ipsum Redemptionem ejus meritum suscipiebant, & cum Judæi nomine tenus essent, revera erant Christiani; utpote quum fides in Jesum Christum semper fuerit necessaria ad salutem.

† Nullam illa Lex] Id tam de Lege operum verum est, quam de Lege Cæremoniarum, prout illi ancillabatur & *πρὸ διακρίματος* ejus inculcando erat destinata.

Sancti qui illo] Primò igitur non fuerunt illi Veteres destituti promissionibus spiritualibus, ut nonnulli Scholastici videntur statuere, qui docent Legem Mosaicam ab Evangelica differre *respectu promissorum*, quod nonnisi bona temporalia Lex promitteret, Evangelica vero vitam æternam, ut asserit Puteanus Augustinianus Monachus in 1. 2. *Thoma*, q. 97. dubit. 2. Quem errorem ab Anabaptistis & Socinianis adoptatum, contra Volkeliū refutavimus lib. 2. de vera Relig. cap. 19. Secundò idem debuit esse effectus fructusque fidei suæ in Christum exhibendum, quæ nostræ in Christum exhibitum; Ut primò fide in suis Sacramentis eandem *esam spirituatē* nobiscum manducarint, licet corporalem alteram, inquit Augustinus tract. 26. in Iob. Nam quotquot in manna Christum intellexerunt, Christum etiam manducaverunt; non ore utique, ut nec nos, sed fide, juxta illud Augustini quod etiam Gratianus retulit in Decretum suum, dist. 2. de consec. can. 47. *Vi quid paras dentes & ventrem, Crede & manducasti; Credere enim in eum, hoc est panem vivum manducare; Qui credit in eum manducat eum; invisibiliter saginatur, quia invisibiliter renascitur; Deinde cum signo fidei decedentes, eo ipso finem fidei suæ reportarint nempe salutem æternam* 1. Pet. 1, 9. non vero fuerint detrusi in nescio quos subterraneos & perobscuros carceres, in quibus per multa sæcula captivi attinerentur; dicente tam expresse Augustino lib. 1. de peccat. merit. & remiss. cap. 28. *Non est ullus ulli medius locus, ut possit esse nisi cum diabolo, qui non est cum Christo.*

Ejus meritum] Igitur ut omnis nostra Redemptio nititur solius Christi merito, ita in illius sui meriti susceptione & apprehensione, præcipuè

præcipua & potissima fidei salvificæ operatio sita est: Unde liquet quo sensu fidei iustificemur, nempe quatenus verâ, vivâ & salvificâ fide Christi meritum nobis gratuito imputatum & remissionem peccatorum in ipsius sanguine suscipimus & apprehendimus, nobisque salutariter applicamus: Sic enim Hilarius de paralytico in *Catena Thome ad 9. Matth.* loquitur, *Huic remittuntur anima peccata, quæ lex laxare non poterat; fides enim sola iustificat.*

Revera erant Christiani] Quia Christus idem heri, hodie & in æternum Heb. xi 11, 8. Benè enim monet Gregorius hom. 17. super *Ezech.* tam ipsos qui præibant quam illos qui sequebantur, haud aliter salutem fuisse consequutos, quam clamando *Hozanna filio David.*

Vt pote quom fides] Verè enim Irenæus lib. 3. cap. 21. Ignorantes eum qui ex Virgine est Immanuel, privantur munere ejus qui est vita æterna: Nittitur hoc axioma dicto Petri Act. 1v, 12. ac jugulum petit erroris eorum, qui statuerunt in communione Romana salutem possibilem absque fide in Christum ejusque cognitione; De quibus videatur Prideaux *Leç. Oxon.* 8. & ad quos accessisse D. Amyraldum referunt & monent, D. Molinæus è nostris qui improbat in *Elucidatione Contr. Salmur. Sect.* 7. & in *Apologia pro Dei Miseric.* & Sap. lib. 2. cap. 9. & 10. è Remonstrantibus Curcellæus qui propugnat in suo *Judicio de doct. Amyraldi & Test.* cap. 13. Sed cum unusquisque sit interpret sverum verborum, nolim Viro illi Celeberrimo, utut quandoque incommodiùs sit loquutus, dum studet suæ *ἑσθίας δαλεύειν*, tam enormem errorem impingere, cum ipse & D. Testardus nunc *ἐν ἀγίοις* conceptis verbis in Synodo Nationali Alençonienſi agnoverint, impossibile esse quemquam converti aliter quam per Dei verbum quod est semen nostra regenerationis, vel siue cognitione aliqua Redemptionis per Christum; & statuerint ceu extra dubium, quod nunc sub Novo fædere explicita cognitio Iesu Christi est adulus absolutè necessaria ad salutem; Anathema pronunciando cuilibet credenti aut docenti hominem posse servari aliter quam per meritum Domini nostri Iesu Christi, aut in alia religione quam Christiana. Et sanè cum non idem gradus cognitionis Christi viguerit sub V. T. qui obtinet sub Novo, hætenus quidem magis explicita fides in Christum requiritur ad salutem sub N. T. quam sub Veteri; verumtamen eâ omninò non potuerunt carere qui olim sub Veteri ad salutem pervenerunt. Sed & cum sine illa in Christum fide, nihil boni queant homines operari

Roum

Rom: xiv, 23. vel indeliquet quid de Virtutibus Ethnicorum sit statuendum, eas videlicet bonis operibus perperam à Jeluitis annumerari, apud Bellarminum lib. 5. de grat. & lib. arb. cap. 4. & seqq. Tolletum ad 15. Job. annot. 9. & Tirinum Cont: xii. n. 5. & xiii. n. 4. Absit enim, ut loquar cum Augustino lib. 4. contra Jul. cap. 3. ut sit in aliquo vera virtus nisi fuerit justus; absit ut sit justus verè nisi vivat ex fide; &c. Imò ut ibidem idem loquitur, Quicquid boni fit ab homine & non propter hoc fit propter quod fieri debere vera sapientia præcipit, etsi officio videatur bonum, ipso non recto sine peccatum est.

26. Quid differt Spiritus Veteris Legis à Spiritu Novæ?

Spiritus Veteris Legis erat Spiritus servitutis & metus; At Spiritus novæ est Spiritus libertatis & dilectionis. Egit Deus cum Judæis, tanquam cum mancipijs, nobiscum vero tanquam cum filijs. Ideo juxta S. Paulum, servus hæres esse nequit, sed tantum filius. Judæus quæ Judæus, nihil habet juris in Regnum Dei, sed solus Christianus; Itaque ut servetur, ex servo filius debet fieri, ejusque timor mutari in amorem, ipseque per Moysen & totam Legem quasi manu duci ad Jesum Christum & novæ Legi addici.

† Spiritus Veteris Legis] Id discrimen proponitur à Paulo Rom: vii, 15. potestque intelligi hic Spiritus Servitutis tum absolute & simpliciter de ijs qui sunt sub Legis maledictione; tum comparatè & secundum quid de ijs qui sunt sub œconomix legalis rigidiori disciplina, prout dictum à Paulo Gal: iv, 1. quod hæres quamdiu infans est nihil differt à servo, licet sit Dominus omnium.

Egit Deus] Sic egit cum illis 1. Absolute, quatenus Legis suæ divini-
ωμια urgebat ac Legi Operum ancillabatur Lex Cæremoniarum :
2. Comparatè ad nos, eos sub longè duriori disciplina habendo & quasi in servitutem compingendo sub elementis mundi Gal: iii, 23. iv, 3. Nec enim tam lenem & suavem sensum suæ adoptionis ipsis indulgebat ac nobis, per Spiritum illum dilectionis qui clamat in cordibus nostris Abba Pater, & una cum Spiritu nostro testatur nos esse filios Dei Rom: viii, 16. Gal: iv, 16. Eph: iv, 30.

Ideo iuxta] Paulus juxta hæreditatis arcessitâ nostrâ filiatione Rom: vii, 17. & negat hæredem futurum filium ancillæ Gal: iv, 30.

Quâ iudæus] Qui talis in litera non in Spiritu Rom: xi, 29. quique ignorans Dei justitiam, propriam studet constabilire Legis cæpibus Rom: x, 3.

Itaque ut seruetur] Hoc est, nullus etiam sub Legali œconomia fuisse servatus per Legis opera & justitiam Legalem, sed solummodo per Domini nostri Jesu Christi Gratiam sicuti nos Act: xv, 11. Nihilque tota illa Oeconomia legalis cuiquam profuit ad salutem, nisi ijs qui illius pædagogîâ & operâ adducti fuerunt ad Christum, qui finis est Legis ad salutem omni credenti Gal: iii, 24. Rom: x, 24. Tota hæc doctrina fuscè posset confirmari ex Augustino passim, præsertim ex libro de *Spiritu & litera per totum*; sed in re perspicua & evidentibus testimonijs Scripturæ nixa, alijs testibus opus non est.

27. *Erat-ne Lex Vetus bona Lex?*

In sese bona erat, cum haberet Deum authorem, qui mali author esse nequit; sed quod in se bonum erat, fiebat occasionaliter causa peccati; ut cibus qui in se bonus est mortem operatur si in stomachum ægrum ingestus fuerit.

† *In sese bona*] Hoc ipsum docet Paulus conceptis verbis Rom: vii, 7. 8. 9. 10. 11. 12. 13. Sic nempe *nimur in vetitum semper*; Estque concupiscentia similis calci, quæ assulâ aquâ, utut naturâ suâ ad incendium destinatâ, accenditur non restinguitur. Et hinc lux fœnerator dicto Ezechielis xx, 25. ubi Deus dicit se statuta dedisse Israelitis non bona, & jura per quæ non viverent. Nam per accidens ratione eventus non bona, erant sed lethalia; siquidem Lex nihil ἐπιείκως Heb: vii, 19. Quamvis etiam comparatè ad *superintroductam spem meliorem*, inala dici poterant, quia minus bona; Melioribus Novi Testamenti præceptis subsequentibus, præcepta bona qua rudibus data sunt non bona esse memorantur, inquit Gregorius Moral. lib. 28. cap. 17.

28. *In quo consistebat difficultas illius Legis?*

In duobus; 1. In observacione præceptorum Cæremonialium quæ maximo erant numero & difficillima. 2. In eo quod Le-

gem moralem non comitabatur Lex Jesu Christi, quæ sola potest efficere ut impleatur secundum Deum & per verum Spiritum per quem impleri debet.

‡ *In duobus*] De Legis difficultate, sive potius impossibilitate, uti dicitur Paulo Rom: vii 11, 3. eaque non morali & secundum quid, sed absoluta, disputavi contra Volkeliū Socinianum lib. 2. cap. ult. Nec aliam quam totalem & absolutam impossibilitatem hic nostrum Catechistēm propugnare, patet ex ijs quæ ampliùs dicit infrà cap. 4. de absoluta Gratiz necessitate, non tantum ut faciùs, quod erat dogma Pelagij, sed simpliciter ut benè agamus.

In observatione] Nec tantum valdè difficilè fuisset, ne dicam impossibile, omnes illas minutias cæremoniales ad unguem observare in nulla impingendo, quoad operis substantiam; sed nemo potuit unquam reperiri, qui eas præstaret quoad eum modum operandi qui requirebatur: Quin illa ipsa onerosa multitudo earum in sua χείρ Le-gali, interviebat convincendo homini suæ impotentiz & insolvabilitatis; unde Lex Cæremonialis dicitur Paulo χερόζευκτος quod erat nobis contrarium Col: ii, 14. quatenus peccatores in victimarum suarum morte, suum agnoscebant reatum, & videbantur illarum sanguine descriptam syngrapham Deo exhibere quâ se reos debendi agnoscebant & filios mortis.

In eo quod Legem] Hæc Legis operum impossibilitas in carne ex inhzrente nobis corruptione enata, talis est ut nihil verè boni & Deo grati juxta Legis moralis præscriptum ab homine irrogenito & Gratia Christi destituto proficisci queat: Quo sensu autem illud vocabulum *implendi* sumi hic debeat diximus suprà ad Erotema 12. Ac sicut per Gratiam sanctificationis dirigimur in verum Dei obsequium, cujus norma nobis est Dei Lex, ita etiam per justificationem gratuitam in Christi sanguine, ejusdem Legis δικαιωµα in nobis impletur, eo quod in Christi merito & satisfactione eam consequamur justitiam plenissimam quæ Lege præscribebatur; cum sit factus peccatum pro nobis ut essemus justitia Dei in ipso 2. Cor: v, 21.

29. Quid movit Deum ut tam severè ageret cum hoc populo?
Hominum illorum superbia, quæ in ipsorum corde propria-
rum

rum virium fiduciam producens, ipsis persuadebat quod ex se-
 ipsis possent implere Legem, qualemcunque eam ferre placeret
 Deo. Sed ad illorum convincendam vanitatem Deus illis tulit
 Legem ita difficilem, ut suos morbos frequentia suorum lap-
 suum discerent & propriam infirmitatem agnoscerent; atque
 sese humiliando ex toto corde medicum expeterent.

† *Hominum illorum*] Id argutè dicitur, ut insinuetur Judæos, *na-
 turaliter* Pelagianos & Molinistas sive Jesuitas fuisse: Nam etiam
 quam multa & hi jactent de suis viribus in Dei Lege servanda & im-
 plenda, est in propatulo: Sed tamen cum illa jactantia & superbia vi-
 tium sit omnibus insitum & commune, uti liquet ex Paulo Rom: 1, 30.
 illius consilij Divini erga Judæos (quibus natura meliores non su-
 mus) alia quoque ratio reddi potest, nempe quod Deus sic egerit
 in Fœderis sui dispensatione, ut Legis ἀνευβόδιασιν proposuerit per
 œconomiam Mosaicam, priusquam per œconomiam Evangelicam
 Gratia suæ offerret solamina, quo hanc adhuc gratiorem & accep-
 tiores nobis redderet. Ita cum Deus Eliam voluit alloqui ventus
 vehemens, concussio & ignis, præcessit vocem silentio tenuem, in
 qua sola erat Jehova 1. Reg: xix, 12. Et in nuptijs Cana, vinum
 generosius quod Christus ipse subministravit, non nisi in fine con-
 vivij fuit exhibitum Joh: 11, 10. Id debuit esse discriminis inter
 Mosè famulum & totius domus Dominum Jesum Christum: Nam
 & sic Reges suis Ministris & Officiarijs, Justitiæ & Severitatis admi-
 nistrationem commendant, servato sibi Abolitionum & Gratiarum
 concedendarum jure. Quo illud spectat Augustini tract. 3. in Joh.
*Per servum Lex data est, eos fecit: per Imperatorem indulgentia data est,
 eos liberavit.* Adhæc, illâ austeritate debuit regi Ecclesia in sua infan-
 tia, ut suprâ visum ex Paulo; & sic in Ecclesiâ Universalis typo & re-
 gimine voluit Deus docere quomodo regulariter agat in singulorum
 suorum electorum conversione, quos prius deprimit & atterit Legis
 suæ terroribus & minis, dein Gratia suæ opobalsamo sanat, quo sic
 exsulent ossa quæ ipse contriverit Psal: li, 10. Utat sit, certum est
 Legem non eo fine latam fuisse post peccatum ut illius operibus per
 nos ipsos præstitis justificaremur; sed partim ut nos peccati nostri

convinceret, partim ut nos miseros & peccatores com pelleret ad Christum, eodem impetu quoferat in Creta capræ dictaminum quæ-
runt *quum tergo volucres hasere sagitta*, ut inhærens visceribus ferrum ex-
cutiant, & ex vulnere cæteroquin lethali convalescant; partim ut
tùm ex illa existimemus quantum pro nobis præstiterit Christus, tùm
ad illam sub ductu & regimine Gratiz sanctificantis, ex gratitudinis
debitæ officio vitam nostram deinceps componamus.

30. *In quo-nam Lex Nova, dulcior est Veteri?*

In eo dulcior est quòd nos liberet ab ingenti illo numero ritu-
um & observationum exteriorum; quòd tota dilectione Dei &
proximi contineatur; & quòd conferat Gratiam quam solum Lex
Vetus promittebat.

† *In eo dulcior*] Hic equidem non omnia explicitè dicuntur; Nam
in eo quoque & potissimum præpollet Evangelium Christi, quod
Lex sit ministerium mortis, Evangelium Spiritus & vitæ, & eam justi-
tiam quam frustra Lex exigit à nobis, naturâ ineptis ad omne bonum,
proclivibus ad omne malum, Evangelium plenam & omnibus numeris
absolutam suppeditet in obedientia Christi, & Evangelio conjuncta sit
efficacia Gratiz regenerantis quâ desinitur litera Legis. Sed interea
tamen vera sunt quæ hic dicuntur: Nam & Christum ejusque Gra-
tiam in Evangelio consequimur, quò ducebat & varijs typis adum-
brabat æconomia Moïsis; Et in genere morum nihil aliud exigitur à
nobis sub Novo Fœdere præter eam Dei & proximi dilectionem, ad
quam paulatim per Spiritum dilectionis & adoptionis præformamur;
Ac manemus liberi à tot Rituum Cæremoniarumque scrupulosa ob-
servatione quæ vigeat sub æconomia Legali: Non semel enim mo-
net Augustinus, quod Christus loco operosæ illius cæremoniarum le-
galium multitudinis, Sacramentis numero paucissimis, observatione facil-
limis, significatione præstantissimis, societatem novi populi colligavit, lib. 3. de
doct. Christ. cap. 9. lib. 19. contra Faust. cap. 13. in Psal. 73. Id si bene re-
putaretur in Papatu, non premerentur ibi conscientiz longè graviori
jugo cæremoniarum & rituum, quam fuit Mosaicum; Pontificij enim
Ipsam religionem, quam paucissimis ac manifestissimis celebrationum Sacra-
mentis misericordia Dei liberam esse voluit, servilibus oneribus premum, ut so-
le, abiliior

terabilior fuerit conditio Iudeorum, qui tamen Divinis legibus non humanis subditi erant; Verba sunt Augustini epist. 119. quæ suæ communionis hominibus paucis ab hinc annis liberè applicavit D. Joly Canonicus Parisiensis, in eo Opusculo quod suppresso suo nomine edidit *de Reform. Horis Canon. cap. 2.* ubi fusè queritur de Rituum & Cæremoniarum operosa multitudo inter suos.

31. *Quomodo potes dicere Legem Novam esse leniorem Veteri, quandoquidem Dominus ait Regnum cælorum esse arduum, & viam eam angustam esse quæ ducit ad salutem?*

Lenitas sive dulcedo Novæ Legis non consistit in eo ut possimus latam viam amplecti; cùm dixerit Dominus, Viam esse angustam, debere quemlibet seipsum abnegare, quotidie suam crucem bajulare, & omnibus ijs quæ possederit renunciare: Sed in eo hæc Lex dulcis est quòd lenit præcepta per Spiritum dilectionis & Gratiæ, quæ Jesus Christus copiosè effundit in cordibus nostris.

‡ *Debere quemlibet*] Et hîc generosi isti Gratiæ Divinæ Athletæ, ex indirecto Monachorum deprimunt supercilium, & imaginaria Consilia perfectionis Evangelicæ subruunt; Si enim ad hæc quilibet ex officio tenetur, utique Præcepti erunt, non tantum Consilij; neque hæc renunciatio consistet in claustrali proprietatis abdicatione, ut fusè ostensum à Camusio Bellicensi Episcopo, quem hodie Monachorum tormentum haud immeritò dixeris, maximè in gemino suo opere Gallico, quorum alterum *de Paupertate Evangelica*, alterum *de Expropriatione Claustrali* inscribitur; sed in affectuum nostrorum à rebus hujus mundi subductione, ad quam obligantur quotquot salutis suæ sunt studiosi; quòd redit Pauli monitum 1. Cor. VII, 29. 31.

Sed in eo] Et in eo quod hic notatur, quatenus per regenerationis Gratiæ quoad hominem interiorem delectamur Lege Dei Rom. VII, 22. eoque alacrius studemus Virtuti & Pietati, quòd confidimus Deum in Christo nobis placatum debiles nostros conatus admissurum, eorumque *ἁγίσματα* & defectus purpurâ meriti Christi contesturum; Et in eo quoque, vel maximè, quod eam justiciam & perfectionem quam Lex exigit apud Deum, in Christi satisfactione

& obedientia per fidem apprehendenda & conscientijs nostris applicanda contra Legis terrores & minas, certissimè consequamur. Sed Catechistes Gratiæ videtur consultò silere de hoc nostro Justificationis beneficio apud Deum, tùm quod voluerit potissimùm agere de ea Gratia ad quam nos habemus *subjectivè*, quæ est Gratia Regenerationis sive Sanctificationis, cùm ad Gratiàm justificantem, idest nobis nostra peccata remittentem per & propter merita D. N. J. C. nonnisi *objectivè* nos habeamus; tùm quod Gratiâ vindicatâ quoad nostram Sanctificationem, eo ipso asseratur & in arce reponatur in opere Justificationis nostræ coram Deo, unde tam frequens fidei & meritum Christi mentio occurrit in Catechista. Eò spectat ingeniosum drama quod cuidam Francisco Nigro Bassanenſi tribuunt eruditi. *Librum*, inquit, *arbitrium, Voluntatis & Rationis filius*, & *Provinciæ humanarum actionum inter Ethnicos Princeps*; per *Lumen naturale*, summæ authoritatis inter Scholasticos *Doctorem & Professore*m, in *Romanam Ecclesiam* tanquam *hospes honorarius*, declinante Euangelij puritate, deductum fuit; ibidemque à Pontifice Romano *Operum bonorum & Spiritualium* regno præfectum: Habitabat tunc temporis Romæ *heroina opulentissima* nomine *Gratia de congruo*. Hanc proxeneta agente *Actu elicto*, Arbitrij hujus nutuant *Procuratore* vasserrimo, in uxorem duxit, ex eaque suscepit filiam unicam *Gratiàm de condigno*, formæ tam eximæ ut cœlicolas ipsos hac parte provocaret. Cumque diu nimium hanc regalem familiam ex fisco & vectigali, nomine *Meriti* aluisset, tandem dilapsa est è cœlo *Gratia justificans* quæ auxilium complicavit, & fallacissimum hoc iniquitatis *mysterium*, sub dio constituit. Sic enim videmus paulatim in medio Papatu revocatâ solidâ & consolatoriâ Gratiæ doctrinâ, Meritorum humanorum & Justificationis per illa nebulas dissipari, & viam sterni regiam ad illam de Justificatione gratuita per fidem Orthodoxiam quam Protestantes omnes amplectuntur.

Catechismi Gratiae Jansenitarum, cum Scho-
lijs ad illum,

Caput quartum;

DE NECESSITATE ET EF-
FECTIS GRATIÆ.

32. *Est-ne Christi Gratia necessaria ad credendum?*

NTa; Nam prout inquit S. Paulus, non sumus ex nobis ipsis sufficientes, vel bonam cogitationem habere: Fides autem nulla est sine aliqua cogitatione bona. Insuper ait, Gratiam nos servare per fidem, neque id esse ex nobis, nam Dei donum est. Estque hoc unum ex primarijs capitibus hæreseôs Pelagianæ sustinere posse quem credere per vires suæ libertatis, absque auxilio Gratiae Jesu Christi: Liquet enim autoritate Sacrarum Scripturarum, debere Deum nobis cor aperire, præparare nostram voluntatem, uno verbo facere ut credamus.

† Prout inquit S. Paulus] Locus prior extat 2. Cor. III, 5. posterior Eph: II, 8.

Estque hoc unum] Bellarminus lib. 6. de grat. & lib. arb. cap. 1. non modò agnoscit, fuisse unum ex erroribus Pelagianorum posse hominem credere sine speciali Gratia Dei, sed monet in eodem errore fuisse Cassianum & alios quosdam in Gallia, qui propterea Pelagianorum reliquia dici meruerunt; ac tandem hunc fuisse unum ex erroribus Fausti Rhegiensis, perspicuum ait ex libris ejus de libero arbitrio. Jam autem eundem esse hodiernorum Jesuitarum errorem demonstrat Janfenius parall. sui notâ 54 55. 56. 57. ubi monet eos cum Massiliensibus, idest Semipelagianis, sibi tribuere initium fidei, credere, desiderare &c. sic tamen ut cùm Massilienses non nisi initium fidei & in ea perseverantiam sibi ascriberent, Jesuitæ omnes virtutes sibi tribuant; nec initium modò salutis, ut illi, sed totam suam pote-

stati vendicent, nullam post initium fidei *Gratiam actualem* agnoscendo, quam illi utcumque admittebant. Et si enim statuant Jesuitæ cum suo Concilio Tridentino *Sess. 6. can. 3.* neminem sine Gratia credere posse ut oportet, tamen eos in illa vocula niti baculo arundineo *ibid.* monet Jansenius, quandoquidem Lessius & Molina ipsi citati, asserunt posse homines auditâ prædicatione Evangelicâ, absque Gratia adjutorio, *salutaria* quæ probabiliter propoſita fuerint credere, & nudis naturæ viribus *concipere ingens desiderium beatitudinis, & petere à Deo ad illam perduc.* Ut non mirum sit Sirmondum Jesuitam *Historia Prædestiniana cap. 7. & 8.* tam operosam defensionem Concilij Arelatensis & Fausti Rhegiensis suscepisse, quod videret planè cum Fausto in Gratia Christi oppugnanda suos sodales conspirare; Sed qui se cordatè Sirmondo opposuit Ampliss. Præses Gilbertus Mauguin, in *Prædest. fab. confutatione, capp. 7. & 8.* fusè demonstrat Pseudo-Synodos illas Arelatensem & Lugdunensem, nihil aliud quam Fausti Regiensis, profunda calliditatis viri, commenta fuisse; neque ullam Prædestinatorum hæresim, sed Catholicam ipsam de Prædestinatione doctrinam, sub commentitiorum Conciliorum illorum nomine, tam in Epistolis quam in libris suis à Fausto damnatam. Et libros Faustî à summis Pontificibus jure proscriptos, à Synodis Catholicis legitime hæreseos damnatos fuisse.

Debere Deum nobis] Huc faciunt loca ad quæ alludit author Act: xvi, 14. Phil: i, 29. 11, 13. Ioh: v, 1, 44. Quibus plura alia addi possent.

Vno verbo] Non dat ergo solū posse credere si velimus, per imaginariam Gratiam sufficientem Jesuitarum, cujus dispar eventus ex solo hominum arbitrio pendeat, sed revera ut velimus credere & actu credamus.

33. *Hæc Gratia ad credendum necessaria, datur-ne omnibus hominibus?*

Non; Nam ut ait Scriptura, Fides non est omnium; & prout addit S. Paulus, Quomodo credent qui non audiverint? Et quandoquidem hæc Gratia est Gratia Jesu Christi quæ credere facit, tot hominibus non credentibus, palàm est eos hanc Gratiam non habuisse.

† Non: Nam] Locus prior extat 2. Thess: 111, 2. posterior Rom: x, 14. Et

x, 14. Et hic iterum primò Sufficiens & Universalis Jesuitarum & similium Gratia, quam propugnant nominatim Bellarminus *lib. 2. de Gratia & lib. arb. cap. 5.* ac meus Tirinus *Cont. 14. n. 11.* de ponte de-jicitur; Secundò ostenditur nec omnes ad fidem invitari præconio E-vangelij, nec ἡ γνῶσις τοῦ θεοῦ, uti ex libro *Creaturarum & Naturæ* hauritur, pro vocatione idonea & sufficienti ad Christi fidem haberi posse. Tertiò, benè ab eventu colligitur eos qui non crediderunt eo ipso Gratiam quâ creditur nunquam fuisse consequutos. Nec ideo tamen incredulitas eorum in Deum potest rejici; cùm Gratia fidei & nulli debeat, & nulli qui non sit commeritus eâ privari denegetur: Vide supra *Eretema 9.*

34. *Est-ne Gratia Iesu Christi necessaria ad orandum?*

Ita; Nam ut idem ait Apostolus, Spiritus est qui in nobis & pro nobis precatur, id est facit ut precemur; Et quandoquidem credere nemo potest nisi Gratia efficiat ut credat, ita nec precari quispiam poterit, nisi faciat Gratia ut precetur.

35. *Illâ Gratia necessaria ad precandum datur-ne omni-bus hominibus?*

Non; Quoniam enim omnes homines non accipiunt Gra-tiam credendi, sic neque recipiunt Gratiam precandi: Nam ut inquit Sanctus Paulus, Quomodo invocabunt eum in quem non crediderunt? Et quoad eos qui credunt, cùm nec omnes illi pre-centur, inde sequitur eos non habere Gratiam Iesu Christi ad precandum, quandoquidem proprius illius effectus est facere ut precemur.

† Nam ut idem ait] Locus extat Rom: viii, 26. cui suppar legi-tur Zach: xii, 10. ubi Deus promittit se in suos effusurum *Spiritum Gratia & deprecationum.*

Quandoquidem credere] Nam ad singulos bonos actus, cujuscunque sint ordinis, actualis & specialis Gratia Divina motio, inspiratio & determinatio requiritur, quò acti agamus, & uni Deo omnis bo-ni laudem, nobis vero omnis mali culpam adscribamus.

Quoniam enim omnes] Id benè inferitur, eo quod nequeunt esse preces Deo gratæ & acceptæ nisi fiant in fide Jac: 1, 6. v. 15. Hoc sale, sine quo impossibile est placere Deo Heb: xi, 6. omnis nostra oblatio condi debet.

Nam, ut inquit] Extat locus Rom: x, 14. ex quo & ijs quæ hîc obiter de pijs precibus annotantur, colligendum necessariò venit, non veras esse preces à Spiritu Gratæ & precum profectas, 1. Quæ homines in Papatu docentur fundere linguâ sibi ignorâ & peregrinâ; adeo ut & preces publicæ nonnisi Latino idiomate in cultu ordinario recitentur, contra Paulum 1. Cor: xiv, 14. 15. 16. 17. 18. 19. & ipsius Justiniani *Novellam* 137. cap. 6. & per Regulam iv. Indicis Expurgatorii Hispanici, non minus *Hora & earum differentia* (sic appellantur libelli precum quos vulgus terere solet,) quam Biblia sacra *quavis linguâ vulgari* prohibeantur; Sanè qui sic precantur ut non intelligant quod dicunt, nec in fide precantur, nec Spiritu Sancto directore: Tales labia vitulorum offerunt, non vitulos labiorum. 11. Quæ in eadem communione multò frequentius B. Virgini & Sanctis cœlitibus quam Deo offeruntur: Etenim cum credere debeas in eum quem vis invocare, eo ipso solus Deus erat religiosè invocandus, quod in illum solum credere oporteat Jerem: xvii, 5. 6. Manet enim ex mente Apostoli hæc regula, quam etiam imprudens annotavit Cornelius à Lapide Jesuita in *epist. ad Rom. §. 142. Nemo invocatur in quem non credit, quem non agnoscit, ut pote à quo nihil opis vel auxilij sperat.* Incipit proculdubio & hîc suis cordatis propugnatoribus affulgere Gratia Dei, ut sub illius lumine tacitè & indirectè suæ Communionis ritus hac in parte Superstitiosos & Idololatricos taxare & rejicere incipiant.

Et quoad eos qui] An ergo, inquires, juxta Doctissimum Catechistam Spiritus precum à Spiritu & Gratia fidei ita potest sejungi, ut hæc illum comitem nunquam habeat? Non putem hanc illius esse mentem: Siquidem Gratia à qua fides est, fides inquam viva & vera, & quæ per charitatem efficax est Gal: v, 6. ipsimet Authori est Gratia Christi, Gratia efficax, Gratia interior, victrix & liberatrix, quæ adeo cœptum in quopiam bonum opus suum non deserit, sed perficit usque in diem. Christi Phil: 1, 6. Nec duplici Gratiâ opus est, unâ ad credendum, alterâ ad precandum; sed utrumque uni Gratia salu-

tiæ salutari acceptum ferri debet. Quid quod hæc est natura veræ & salvificæ fidei, ut separatim à bonis operibus, charitate inquam & pietate, existere nequeat? Nam *fides quæ charitatem & bona opera non habet, fides est dæmonum non Christianorum*, inquit Anselmus, citatus & laudatus Cornelio à lapide ad Gal. 5. §. 127. Et credere verè, inquit Augustinus tract. 100. in Ioh. est credere quomodo credendum est, inconcussè, firmè, stabiliter, fortiter. Ac sicut fides *ᾠδὴ καὶ ἔργον* de qua Luc. 11, 13. nonnisi nomine tenus fides est, & cum herba solstitiali conferenda, ut cum Plauto loquar, quæ repentinè orta est & repentinò occidit, adeoque illud Publij Syri hic veniat usurpandum, *Fidem nemo perdit unquam nisi qui non habet*, 1. Joh. 11, 19. ita ea demum vera est & viva, quæ & Prædestinatis est propria, ex Act. 11, 48. & comites habet pietatem, resipiscentiam & charitatem. Huc facit illud Johannis 1. 11, 4. *Qui dicit se nosse Deum & mandata ejus non custodit, hic mendax est*; quem ad locum Lorinus. Iesuita id Bedæ citat; *Quisquis Deum non amat, profectò ostendit quia quam sit amabilis non novit; & quam sit suavis Dominus & dulcis gustare ac videre non didicit*, (quod tamen veræ fidei est) *qui ejus conspectibus placere continuâ dilectione non satagit*. Quare Augustinus de fide & operibus, cap. 22. sic loquitur; *Nequaquam mens incauta fallatur, ut se existimet Deum cognovisse, si cum fide mortuâ, hoc est sine operibus consueatur, more dæmonum; & ideo se jam non dubitet ad vitam æternam esse venturam, quia Dominus dicit, Hac est autem vita æterna ut te cognoscant unum verum Deum & quem misisti Iesum Christum; Venire quippe debet etiam illud in mentem quod scriptum est, In hoc cognoscimus eum si mandata ejus servaverimus*. Absit à fortissimis hisce athletis Gratia ut fidem mortuam & dæmonum, Gratia Christi, efficaci & victrici tribuant, aut ei aliam vindicent quam quæ est viva & Electorum Dei, uti dicitur Tit. 1, 1. & quæ per bona opera demonstratur Jacob. 11, 17. 18. Quid ergo? Videtur Vir Doctissimus hoc loco crypticè sic loquutus, quasi non sit alienus à doctrina in Papatu recepta quam propugnat Bellarminus lib. 1. de Injustis. cap. 15. statuendo *Fidem veram posse reipsâ à dilectione alijsque virtutibus separari*, cum revera hoc sibi tantum velit, insistendo suis principijs, vel quod qui incipiunt credere per lumen Gratia & fidei, non statim in pias & sanctas preces erumpant, Deo nonnisi gradatim illos eò deducente; vel quod qui jam credunt & fidei habitu inamissibili sunt donati, ut non

semper eliciunt actus fidei suæ, sic nec semper precentur, adeoque non semper actu moveantur per Spiritum precum; qui tunc deum formaliter talis dici debet, quum actu movet ad precandum. Quod si quos statuat Author dari de facto credentes, qui ultra generalem & historicum assensum non procedant in opere pietatis, utique illi erunt *credentes æquivocè*, nec volet eorum fidem temporariam Gratiz efficaci & victrici Christi, quæ semper plus ultra tendit, adscribere; sed potius eam annumerabit illis *gratiz transitorij* quæ cadunt in quosdam reprobos, de quibus agit intrà *Eros. 65.* ac sedulo distinguens inter paleam & frumentum, non obliviscetur ejus quod dicit Tertullianus *de præscript. cap. 3.* *Avolem quantum volent palea levis fidei quocunque afflatu temptationum, eo purior massa frumenti in horrea Domini reponetur.*

36. *Est-ne Gratia Iesu Christi necessaria, ut benè fiat quælibet actio?*

Ita: Nam bonum opus debet fieri propter Deum, & ad illius gloriam referri: aliàs inficitur veneno amoris proprii, ex quo propter nos fieret & nostri respectu. Quod si absque Gratia credi non potest, multò minus posset benè agi absque ejus auxilio.

† Ita; Nam] Conciliet qui poterit hoc verum assertum cum Anathematismo Tridentino *sess. 6. can. 7.* in eum vibrato qui opera infidelium, sive quæ ante justificationem facta fuerint, verè esse peccata & odium Dei mereri statuerit. Nam ut nihil boni vel benè potest fieri absque Gratia Christi Ioh: xv, 5. & fide in Deum Heb: xi, 6. Rom: xiv, 23. ita eo ipso peccatum esse debet quicquid malè fit, ex amore sui non Dei, cui Civitas Diaboli suam foundationem acceptam refert.

Quod si absque] Non quod facilius sit benè credere quam benè operari, sed quod ipsa bona operatio ex fide procedat, ut docemur 1. Tim: i, 5. Imò eidem Gratiz salutaris ac regenerantis, & fidei lumen & sanctificationis studium debet adscribi: Quæ Deus conjunxit homo non separet. Hic autem videmus quam Pelagianè, ingratiè & impiè, Pius v. in sua Bulla contra Michaellem Bajum Lovaniensem Theologum

Theologum pro Jesuitis emissâ, has optimi viri assertiones nigro notaverit calculo, *Omnia opera infidelium sunt peccata, & Philosophorum virtutes sunt vitia*; Item, *Omnis amor creatura rationalis aut vitiosa est cupiditas quâ mundus diligitur, quâ à Iohanne prohibetur, aut laudabilis illa charitas quâ per Spiritum Sanctum in corde diffusa, Deus amatur*; Item, *Liberum arbitrium sine Dei Gratia adjutorio nonnisi ad peccandum valet*; Quæ omnes assertiones, ut eminenter hic proponuntur à nostro Catechista, insuper habitâ Bullâ Papali, ita formaliter habentur apud Augustinum, ut ab ipso Iansenio observatum lib. 4. de statu nat. lapsa, cap. 26. & sparsim in suo opere probatum.

37. *Est-ne hæc Gratia necessaria ad superandas tentationes?*

Ita: Cum enim nemo ex se quicquam habeat præter peccatum & mendacium, poterit quidem homo peccatum per aliud peccatum superare, voluptatem exempli causâ per ambitionem; sed nunquam poterit superare peccatum per veritatem & iustitiam, nihil aliud habens in seipso quam quod illis opponitur: Estque necessarium, inquit Innocentius Papa, cum Deus sit qui nos reddit victores auxilio quod nobis dat, ut vincamur ipso hoc auxilium subducente.

† Ita] Et hîc doctrina vulgaris Jesuitarum notatur ac refutatur: Nam Bellarminus qui lib. 5. de Grat. & lib. arb. cap. 7. videtur in speciem sustinere, *Non posse natura viribus ullam veram tentationem superari*, Primò profitetur se loqui demum de vera tentatione, non verò de levisissima aliqua titillatione, quâ apud ipsam nomen tentationis propriè & absolute non meretur; Quasi quælibet carnis & concupiscentiæ suggestio ad tentationes non pertineat, aut leviores illas titillationes etiam nolimus deprecari, cum Deo dicimus, *Ne nos inducas in tentationem, sed libera nos à malo*. Secundò pertendit multas esse tentationes quæ per se non superant vires humanas; unde sequitur ergo multas dari ad quas superandas Gratia per se necessaria non sit. Tertiò agnoscit non deesse inter suos, auctores qui dicunt sine auxilio Dei aliquas tentationes vinci posse; quos secum posse:

cum posse conciliari autumat, quòd non semper requirat ad vincendas tentationes auxilium speciale propriè dictum, hoc est internam illustrationem, vel motionem supernaturalem, sed quodcunque auxilium Dei, sive consistat in eo quod Deus singulari providentiâ suâ removeat occasiones peccandi, sive in eo quod non permittat Diabolum servire quantum vellet, sive quocunque alio modo Deus nos juvet. At externa Providentiæ Divinæ dispensatio Gratia Christi dici non debet: & qui ad superandas tentationes veras non requirit auxilium speciale & supernaturale, ille eo ipso statuit natura viribus eas superari posse. Quinetiam inter alias Michaelis Baij propositiones in Bulla Pij v. damnatas, hæc fuit, quæ tamen hic à Doctissimo Catechista reponitur; Non soli fures ij sunt & latrones, qui Christum viam & ostium veritatis & vita negant, sed etiam quicunque aliunde quam per ipsum in viam justitiæ, hoc est ad aliquam justitiæ, conscendi posse docent, aut tentationi ulli sine Gratiæ ipsius adjutorio resistere hominem posse, sic ut in eam non inducatur aut ab ea non superetur. Macte illa vestra virtute, Viri Docti, quod audeatis in os resistere impio illi Pontifici, qui in suorum Iesuitarum gratiam, damnatâ Orthodoxissimâ sententiâ, puri puti Pelagianismi putidam & impiam protectionem suscepit; Amicus vobis Plato, amicus Aristoteles, sed magis amica veritas. Agnoscitis enim quod homini per Gratiæ Christi nondum liberato, loco libertatis abstinendi à peccato inducta est peccandi necessitas, ut probat multis Iansenius ex suo & vestro Augustino lib. 3. de statu nat. lapsæ, cap. 11. Estque, inquit idem ibid. cap. 15. doctrina sanctissimi Doctoris indubitata pugnam aut victoriam quæ ante fidem contra peccatum obtinetur, sive peccati tentationem cavendo, sive superando, non aliter fieri, nisi superbiâ in animo, vel certè timore carnali, aliâ-ve concupiscentiâ terrenâ dominante. Et verè ab Augustino dictum lib. 3. ad Bonif. contra duas epist. Pelag. cap. 4. Carnalis cupiditas cupiditate non sanatur; Item, lib. 21. de C. D. cap. 16. Tunc victa vitia deputanda sunt, cum Dei amore vincuntur. Huc & illud pertinet Concilij Arausici 11. can. 17. Fortitudinem Gentilium mundana cupiditas, fortitudinem Christianorum Dei charitas facit, quæ diffusa est in cordibus nostris, non per voluntatis arbitrium, sed per Spiritum Sanctum qui datus est nobis, nullis meritis Gratiæ prævenientibus.

Nemo ex se] Id habetur in Concilio Arausicano 11. can. 22. cuius lemma est, De his quæ hominum propria sunt; textus vero, ita sonat; Nemo habet de suo nisi mendaciæ & peccatum; Si quis autem habet homo

bet homo veritatem atque justitiam ab illo fonte est quem debemus suire in hac eremo, ut ex eo quasi guttus quibusdam irrorati non deficiamus in via.

Poterit quidem] Benè enim docet Prosper de Ingratis cap. 21.

Arbitrium nunquam consurgere posse

Inque novos lapsus semper nitendo revolut. Etenim ut idem habet cap. 27.

Vana cupit, vanis timet & sumet, omnimodaque

Mobilitate ruens in vulnera vulnere surgit.

Innocentius] Nomine hoc primus, ab hodierno Nocentio qui Pelagianos Jesuitas fovet in sinu, longè remotus: Ejus verba hæc sunt in epistola ad Concil. Carthag. qua est 91. inter Epist. Aug. Necessè est ut quo auxiliante vincimus, eodem rursus non adjuvante vincamur. Et in epist. ad Concil. Milevit. qua est 93. apud Aug. Gratia privatus, necessè est in diaboli laqueis irretitus occumbat. Concinit ei Celestinus 1. in eadem sede, epist. ad Gallos, cap. 6. Nemo etiam Baptismatis Gratia renovatus, idoneus est ad superandas Diaboli insidias, & ad evincendas carnis concupiscentias, nisi per quotidianum adjutorium Dei, perseverantiam bona conversationis acceperit.

38. *Habent-ne semper justì Auxilia necessarià ad superandas omnes tentationes?*

Non; Nam Deus ad sanctos humiliandos non semper illis dat vel illuminatam cognitionem, vel delectationem victtricem, quò agnoscant lucem quâ illuminantur, & suavitatem per quam agunt, à seipsis non esse, sed à Deo; Quapropter eorum differt sanationem, adeo ut bonum sufficienter non ipsos alliciat ad justitiam omnimodè complendam, sive id bonum ipsis opertum, sive apertum fuerit; ne facilitatem in omnibus reperientes, sibi tribuant quod soli Deo tribui debet; hac autem ratione non vult eos perdere, sed per humilitatem servare.

† Non; Nam Deus] Hic ratio idonea redditur quí fiat quod nemini piorum in terris agenti eâ copiâ Gratia Dei communicetur, ut ab omni lapsu & peccatis, saltem quotidiana incurfionis, vitam suam transigere possit. Eò magis nobis sufficit Dei Gratia, quo in majori in-

firmitate ejus virtus perficitur: Quotidiano illo infirmitatum & imperfectionis nostræ sensu docemur abjicere omnem meritorum nostrorum & propriæ justitiæ fiduciam, ac dicere cum Bernardo *serm. 23. in Cant.* Sufficit mihi ad omnem justitiam solum habere propitium cui soli peccavi; Omne quod mihi ipse non imputare decreverit, sic est quasi non fuerit; Non peccare, Dei justitia est; hominis justitia, indulgentia Dei. Sic quoque monemur omnis boni laudem soli Deo esse adscribendam, nobis vero imputandam ac nativæ nostræ corruptioni culpam omnis mali quod facimus; & dum claudicando cum Jacobo ad nostram Bethlem contendimus, nequimus ad nostras infirmitates reflectere, quin ardentem optemus ex hoc corpore mortis liberari, in quo gemebat Apostolus gentium Rom: vii, 24. Etiam nutrices dum gressus suorum alumnorum student formare, quandoque sinunt eos labi, non quò se lædant aut pereant, sed quò cunctantius & cautius procedant, aut sibi firmitus adhærescant. Ita nempe Deus, qui lucem suam educit ex tenebris & ex ipsis venenis parat antidota, efficit ut omnia pijs in bonum cooperentur, teste Paulo Rom: viii, 28. adeoque & ipsa peccata, licet id Pelagij reliquæ à nostris quandoque dici iniquius ferant. Ut enim improbis & reprobis omnia cooperantur in malum, & ipsa oratio eorum vertitur eis in peccatum, inquit benè Augustinus *serm. 78. de temp. & soliloq. cap. 28.* ita etiam diligentibus Deum omnia cooperantur in bonum, usque adeo prorsus omnia, inquit idem Augustinus *de corr. & grat. cap. 9.* ut etiam si qui eorum deviant & exorbitant, etiam hoc ipsum eis faciat proficere in bonum, quia humiliores redeunt atque doctiores. Discunt enim in ista ipsa vita justa cum tremore se exultare debere, non sibi arrogando tanquam de sua virtute fiduciam permanendi, nec dicendo in abundantia sua, Non movebor in æternum. Quod si nequidem ipsis pijs & sanctis semper præstò est auxilium necessarium ad omnes superandas tentationes, quâ fronte volunt Jesuitæ cum suo Tirino, à nobis ideo suo loco fusiùs refutato *Cont. xvi, n. 11. & 12.* dari omnibus ad altis Gratiæ universalem quæ sit sufficiens ad salutem; imò auxilia sufficientia Gratiæ, etiam maximis peccatoribus, impœnitentibus, excœcatis & induratis, semper præstò esse in hac vita? Quasi vero jus non esset Deo suam Gratiæ nulli debitam, aut quibusdam absolutè non concedere, in pœnam peccatorum suorum; aut ijs etiam ad

tempus,

tempus, quoad ejus præsentem consolationem & efficaciam, subducere, qui cæteroquin semen Dei in se manens habent 1. Joh: 111, 9. vel in correptionem præteritæ alicujus negligentia, ut deinceps cautiùs mercari discant, vel ad institutionem humilitatis in posterum.

39. *Est-ne Gratia Jesu Christi necessaria ad perseverandum?*

Ita; Quandoquidem, ut dicit Concilium Tridentinum, nemo servatur quin perseveret ad finem usque, quòd equidem aliunde haberi non potest, inquit idem Concilium, nisi ab eo qui potens est ad justum confirmandum, & ipsi suppeditandum vires permanendi in accepta justitia.

† *Concilium Tridentinum*] Non erat cur hic Concilij Tridentini fieret mentio, ubi tam perspicua est ipsa Scriptura, tùm de necessitate Perseverantiæ Matth: xxiv, 13. cùm Deus coronam non in principio vel medio stadij posuerit, sed in fine; tùm de ipso Perseverantiæ dono uni Dei Gratia certissimè adscribendo Rom: xi, 29. Phil: 1, 6. 11, 13. 1. Pet: 1, 5. Totum itaque Deo dandum est, qui hominis voluntatem bonam & præparat adjuvandam, & adjuvat præparatam, inquit Augustinus *Enchiridij*, cap. 32. Sed Concilij Tridentini hic facta est mentio à Catechista, quod sentiant Viri Docti ex hac potissimum mole Tridentina Jesuitas Gratia doctrinam impugnare, nec tamen ausint palàm illi renunciare. Extat autem quod hic habetur partim cap. 13. partim can. 22. Sess. 6. Hic interea insinuat contra Jesuitas, Primò, non solum dari per Gratiâ pijs ut possint perseverare si velint, sed & ipsam efficere ut revera perseverent; Si enim solum posse nostrum hac Gratiâ juvaretur, ita diceret Dominus, Omnis qui audit à Patre & didicit potest venire ad me; Non autem ita dixit, sed Omnis, inquit, qui audit à Patre & didicit venit ad me, inquit Augustinus lib. 1. de Gratia Christi contra Pelag. & Cæl. cap. 14. Secundò, Non se habere in sanctis Gratiâ Dei liberatricem ad modum habitus poiëtici, ut nostri sit arbitrij ex illa vel secus operari, cùm per ipsam efficaciter ad perseverandum determinemur, & illa in voluntatem nostram agat

indeclinabiliter & inseparabiliter, ut docet Augustinus *de corrept. & gr. cap. 12.* Tertio, in hominis arbitrio non esse Gratiâ Dei victricem & medicinalem excutere. Quamvis enim nemo Sanctorum in hac via & vita ad ἀναμάρτησις & impeccantiâ Pelagianâ & Jesuiticâ perfectionem conscendat 1. Joh: 1, 8. tamen omnes Dei Sancti & electi ita à totali & finali defectione præservantur ipsius Gratiâ Matth: xxiv, 24. 1. Joh: 111, 9. v, 18. ut tandem ad metam feliciter perveniant: Quod non minus eleganter quam verè dixit Augustinus *de corrept. & grat. cap. 12.* Sancti accipiunt tantam per istam Gratiâ libertatem, ut quamvis quamdiu hic vivunt pugnent contra concupiscentias peccatorum, eisque nonnulla surrepant propter quâ dicant quotidie, Remitte nobis debita nostra, non tamen ultra serviant peccato quod est ad mortem de quo dicit Iohannes, Est peccatum ad mortem, non pro illo dico ut roget quis; Quare idem Augustinus constanter huic Gratiâ adscribit ipsammet in bono perseverantiâ, quâ frustra quotidie à Domino petitur (inquit cap. 17. de bono perseu.) si non eam Dominus per Gratiâ suâ, in illo cuius orationes exaudit operatur.

40. *Hæc Gratia necessaria ad perseverandum, datur-ne omnibus iustis?*

Non: Hæc Gratia nec Universalis est nec communis omnibus iustis, quandoquidem Concilium Tridentinum Anathema ei denunciat qui dixerit justificatum sine speciali auxilio in accepta iustitia perseverare posse: Jam autem speciale auxilium nec generale est, nec commune omnibus: Et idem Concilium eos damnat qui dicunt doni perseverantiæ certitudinem posse haberi absque speciali revelatione. At omnes iusti de eo certi essent si daretur omnibus.

41. *Iusti qui non perseverant, sunt-ne verè justificati?*

Ita: Plures verè justificati sunt per Baptismum & per alia Sacramenta quâ ipsis conferunt veram iustitiâ, quam deinceps perdunt suis criminibus, à quibus non resurgentes per veram poenitentiam tandem in suis peccatis miserè moriuntur.

† Non: *Hæc Gratia*] Quæ hic citantur ex Concilio Tridentino extant *sess. 6. can. 22. & 16.* Et Viri Docti populari artificio hanc Gorgonam Concilij obijciunt suis adversarijs, qui proram & puppim suæ causæ in illo Conciliabulo collocant. Hinc saltem *ad hominem* benè argumentantur, non posse Auxilium ad Perseverantiam sufficienter præstò esse omnibus & singulis, quod *speciale* ab ipso Concilio appellatur. Quid autem per hos *justos* quibus Gratia perseverandi non datur intelligant, mox videbimus.

At omnes justis] His verbis eruditâ subtilitate evertunt ipsum *Canonem 16. sess. 6.* Concilij Tridentini quo tamen niti videbantur; Etenimposito quod justis omnes forent certi *magnum illud Perseverantia donum se habituros*, si esset commune omnibus justis, hinc duo infallibiliter sequuntur; Primò, omnes saltem eos quibus illud donum perseverandi conceditur, non tantum illud habere, sed etiam certò & infallibiliter nosse absque speciali revelatione se illud habere, prout per lumen ipsum fidei, quicumque credit certò & infallibiliter novit ac sentit se credere, dicente Augustino *lib. 13. de Trinit. cap. 1. Fidem ipsam videt quisque esse in corde suo si credit, vel non esse si non credit.* Eadem docet Thomas *1. 2. q. 112. art. 5. ad. 2.* Secundò, omnes verè justos certò & infallibiliter scire & sentire se tales esse, absque revelatione speciali, quandoquidem absque illa scirent & possent dicere *absolutâ & infallibili certitudine*, ut loquitur Concilium, *se magnum illud usque in finem perseverantia donum certò habituros*, si perseverantiæ donum omnibus justis foret commune & universale. Et sanè cum *cap. 5. Erot. 42. 43.* studeat Catechistes ostendere, suam doctrinam salutis certitudinem non evertere, nullus dubito quin eam propugnet adeoque & perseverantiæ finalis, sine qua salus obtineri nequit, in omnibus verè credentibus & pijs, & cuique eorum citra specialem revelationem jus faciat usurpandi verba Pauli *2. Tim: 1, 12. Novi cui crediderim*, ac ipsius Bernardi in *Psal. 91. serm. 10. Dicit fides, Parata sunt magna & inexcogitabilia bona fidelibus suis; Dicit spes, (illa utique quæ non confundit) Mibi illa servantur; Dicit charitas, Curro ad illa. Nec est quod quis inter spem & fidem salutis scrupulosius distinguat, illam concessurus hanc negaturus, quandoquidem ut ibidem docet idem Bernardus, Germana fidei speique cognatio est, ut quod illa futurum credit, hæc sibi incipiat sperare futurum; Merito proinde Apostolus fidem sperandatum rerum substantiam esse:*

tiam esse definit (Heb: x1, 1.) quod videlicet non credita nemo sperare, non plus quam super mare pingere possit. Etenim ut Chrysostomus ipse docet in hom. de spe, fide & char. Quicquid fides credendo acquirit, hoc spes sustinendo præsumat.

Ita; plures] Etiam hîc metus fulminis Tridentini ex sess. 6. can. 22. Doctissimum Catechistam ad aliquam crypsim adegit; ut hic justos intelligat eos qui non nisi *δοξαζόμενοι*, apparenter, professione tenus, ex sua & aliorum præpostera opinione, tales sint & videantur, ut cum Cometa ad tempus stellarum splendorem & motum imitatur; non verò eos qui propriè & coram Deo per fidem vivam in Jesum Christum ejusque merito & satisfactione justificati, regenerationis semen incorruptibile, per victricem, medicinalem & liberatricem Gratiam consequuti fuerint. Etenim si Vir Doctus à seipso palàm nolit dissentire & sua verissima principia deferere, statuere debet semel & propriè per Gratiam Christi justificatos, atque regenitos per adoptionis Spiritum, nunquam suâ illâ justificatione & regeneratione excidere; adeoque vel à posteriori colligi evidenter, eos qui non perseverant usque ad finem, nunquam regenitos internè per Spiritum Gratiae, aut coram Deo per satisfactionem & obedientiam Christi, verâ & vivâ fide apprehensam, justificatos fuisse; Si fuissent ex nobis, nobiscum mansuri fuissent, inquit Apostolus 1. Joh: 11, 19. *Qui cecidit stabili non erat ille gradu*; Stella cadens non est stella, cometa fuit. Non urgebo, veram ac vivam fidem quâ justificamur coram Deo, ut suprà indicavi, esse *ἀσβεστον* & inamissibilem Rom: x1, 29. verum item Dei amore semel accensum in cordibus nostris nunquam perire; & incorruptibile esse & *permanens semen* regenerationis 1. Pet: 1, 25. 1. Pet: 111, 9. Deique dilectionem erga eos quos semel justificavit esse constantissimam ex Paulo Rom: v111, 30. 31. 32. 33. 34. 35. 36. 37. 38. *Verus enim amor constantiâ probatur*, inquit Ambrosius epist. 40. imò Seneca in *Thyeste*, *Quos amor verus tenuit tenebit*: Sed sufficiet mihi ipsa Doctissimi Viri commemorare principia, quæ planè sunt *ἀσφάλεια* cum defectione & perditione æterna eorum qui per Gratiam Domini Nostri Jesu Christi justificati & justi semel fuerint. Primò enim fidem justificantem & quod illam comitatur semen regenerationis in novam vitam, deputat illi Gratiae quam semper efficacem & victricem esse antea docebat, *Erotemas. 13. & 14. At nec*

nec efficax foret nec victrix, si in quibusdam jam per illam iustis & iustificatis, tandem vinceretur à peccato dominante, suffocareturque penitus & suo frustraretur effectu; Quin sic Deo volenti servare, humanum resisteret arbitrium, & eam Gratiā Dei excuteret cujus est resistentias nostras superare & domare. Adhæc qui iustus est & iustificatus sanguine Christi coram Deo, consequutus est utique Gratiā precandi, de qua egit author suprā *Erot. 34. & 35.* & sub cuius auspicijs, petit fiducialiter à Deo non induci in tentationem & perseverantiæ donum; Quare non minus infallibile est semel iustificatum perseveraturum, quam certò Deum exauditurum eas preces quas ipsi fuderit sub ductu Spiritus precum pro perseverantia consequenda Joh: xvi, 23. Præterea certum est neminem à Deo iustificari per Christum & sanctificari per Spiritum Gratiæ, quin eo ipso statuatur Deus velle ipsum servare: Nam qui vult finem vult etiam media; & qui vult & operatur media, eo ipso censetur velle finem; ac dicere Deum quosdam de facto iustificare & sanctificare quos tamen non velit servare, esset statuere Deum eos in filios suos adoptare & regenerare, quos tamen pro filiis nolit agnoscere; & illa peccata revera condonare & remittere, quæ nihilominus decreto infallibili & æterno, pœnis æternis in gehenna plectere constituerit: Jam autem Deus juxta Virum Doctissimum infrā *Erot. 66.* non censendus est velle aut voluisse unquam eos servari qui pereunt; aliās enim non perirent sed servarentur: Quare nec censendus est eos unquam revera iustificasse per sanguinem Christi & sanctificasse per Spiritum Gratiæ qui ad salutem æternam nunquam perveniunt. Ipse quoque Vir Doctissimus suprā benè monebat *Erot. 33.* fidem salvificam & iustificantem non esse omnium: At idem Apostolus qui eam omnium esse negat 2. Thess: 111, 2. eam facit specialem Electorum Dei Tit: 1, 1. Adde locum Act: x11, 48. Et quam necesse est nullum Electum perire Matth: xxiv, 24. tam necesse est omnem verā fidelem & ex fide iustificatum perseverare & tandem obtinere vitam æternam Ioh: 111, 16. Est etiam axioma certum Viri Eruditissimi, quod omnes Prædestinati certissimè servabuntur, infrā *Erot. 61.* At verò omnes participes Gratiæ D. N. I. C. & per ipsum iustificati coram Deo, eo ipso Prædestinati esse intelliguntur; tum quod Gratiā Christi est Gratiā Servatoris, Liberatoris, Redemptoris, ut suprā dicebat:

bat Erot. 3. quā per consequens actu & revera perditī servantur, liberantur captivi, redimuntur miseri; nemo vero actu & revera servatur, liberatur & redimitur, nisi Electus ad gratiam & gloriam; nec foret Gratia secundi Adami auxilium quo, distinctè à Gratia & beneficio primi Adami quod erat tantum auxilium sine quo non, nisi immunes à defectione præstaret eos quibus confertur; tum quod ut nemo prædestinatus non justificatur ad gloriam obtinendam, ita nemo justificatur per fidem in Christum & sit particeps Gratiae Christi liberatricis & victricis, qui non sit ad eandem gloriam prædestinatus: Id luculenter docet Apostolus Rom: vi 11, 28. 29. & ex illo Augustinus de Prædest. Sanct. cap. 17. *Quos enim prædestinavit, ipsos & vocavit, illā scilicet vocatione secundum propositum; Non ergo alios sed quos prædestinavit, ipsos & vocavit; nec alios sed quos ita vocavit, ipsos & justificavit: nec alios, sed quos prædestinavit, vocavit, justificavit, ipsos & glorificavit, illo utique sine qui non habet finem.* Denique & hoc infra non obscure statuet Doctissimus Catechista Erot. 65. Christum non esse mortuum pro ijs qui pereunt: quod & jam olim Gottschalcus genuinus Augustini imò Scripturarum discipulus sustinuit, ejusque plurimi vindices, & in Concilio Valentino 111. definitè conclusum fuit; Cum autem censendus sit necessariò mortuus esse pro ijs qui de facto justificantur in ipsius sanguine, debuisset etiam pro pereuntibus mortuus fuisse & satisfecisse Justitiæ Divinæ, si ulli ex justificatis perirent, & peccata semel illis de facto remissa iterum reviviscerent ad prænam & condemnationem æternam. Igitur cum Doctiss. Catechista asserit justos & justificatos fuisse multos qui pereunt, aut palàm propria sua deserit principia, cæteroquin verissima, quod de illo nemo sanus suspicabitur, aut per justos & justificatos qui finaliter deficiunt intelligit eos qui tales duntaxat fuerint non reipsā & coram Deo qui novit qui sui sunt, sed professione & hominum opinione tenus, & quatenus Sacramenta regenerationis, veram justiciam ex rei natura significantia & obsignantia receperunt, atque ad tempus ita se composuerunt, ac si rem significatam unā percepissent, ethi postea facto naufragio fidei, & profanum ducendo sanguinem fœderis quo sacramentaliter sanctificati fuerant, testatum fecerint se quidem Sacramenta veræ Justitiæ & sanctificationis obsignativa verè percepisse, non tamen rem ipsam Sacramenti, prout Lombardus lib. 4. Sent. dist. 4. benè

monet quod multi *Sacramentum* & non rem Sacramenti suscipiant, ac meminit illius Augustini, *Sacramenta in solis electis efficiunt quod figurant*; Etenim mali & reprobi, ut idem Augustinus habet in *Psal. 103. possunt communicare Baptismum, possunt communicare cetera Sacramenta, possunt communicare orationem, possunt communicare istos parietes & istam conjunctionem*; *charitatem* (adeoque nec justificationem apud Deum, quam illa necessario consequitur, nec sanctificationem veram, quæ in ea potissimum hæc est) nobiscum non communicant; Ipse est enim fons proprius bonorum, proprius sanctorum, de quo dicitur, *Nemo alienus communices tibi*. Qui sunt alieni? Omnes qui audiunt, *Non novi vos*. Si enim non cognoscuntur, utique alieni sunt, quibus dicitur, *Non novi vos*. Supereminens enim via charitatis tenet eos qui proprie pertinent ad regnum celorum. Sunt itaque & dicantur illi iusti non perseverantes verè iustificati, non tam ex sui parte, quam ex parte Sacramentorum quibus juxta institutionem Dei vera iustificatio significatur & obsignatur; Et censeantur illis non perseverantibus ipse Baptismus & alia Sacramenta, veram contulisse iustitiam, non quidem realiter, sed tantum sacramentaliter. In Ecclesia enim, inquit Hieronymus ad 16. *Ezech. qui non plenâ fide accipiunt Baptisma, non Spiritum sed aquam suscipiunt*. Et benè monet Lombardus V. s. lit. C. quod duobus modis Christum induere (adeoque & iustificari) dicimur, vel assumptione Sacramenti, vel rei perceptione: Vnde August. Induunt homines Christum aliquando usque ad Sacramenti perceptionem, aliquando usque ad vitæ sanctificationem; atque illud primum boni & mali potest esse commune, hoc autem est proprium bonorum & piorum. Omnes ergo qui in Christi nomine baptizantur Christum induunt, vel secundum Sacramenti perceptionem, vel secundum vitæ sanctificationem. Quare illi æquivocè iusti, quibus non obtingit perseverantiæ bonum, potuerunt dici similiter à Catechista verè iustificati secundum perceptionem Sacramentorum, in quibus vera iustitia ex parte Dei significatur, obsignatur & offertur, sed nemini actu confertur nisi credenti & resipiscenti; licet, quod electorum proprium est, tales non fuerint secundum vitæ sanctificationem. Neque tantum voluit Catechista, ita liberaliter in speciem loquendo de hypocritis & reprobis fidem & iustitiam in Ecclesia mentientibus, declinare invidiam impugnatae ac rejectæ doctrinæ Concilij Tridentini, & quæ vulgò obtinet in communionem Romanam de intercisione justificationis, & iustitiæ quæ est in

Christo amissibilitate, etsi illi ex diametro ejus principia reluctentur, sed insuper consultò declinavit alium doctrinæ suæ objectum in Papisinò scopulum per Sacramentorum efficaciam ex opere operato. Etenim oporteret omnes Sacramenta extrinsecè percipientes Gratiâ justificantem, uti vulgò loquuntur Pontificij, de facto consequi, si eam continent & conferunt *semper & omnibus*, idque ex opere operato, ut definitum in Concilio Tridentino sess. 7. de Sac. in gen. can. 6. 7. & 8. Sed cum hæc Paradoxa Vir eruditus sentiret non minùs pugnare cum suis principijs, quam veram & propriè dictam Justificationem per Christum aliquot pereuntium in æternum, nec tamen auderet palàm hoc ulcus tangere, nebulam sparsit per quam evaderet, verè justificatos eos omnes pronunciando qui Sacramenta veræ justificationis suscepissent, & asserendo Sacramenta veram conferre justiciam, non utique physicè & ex opere operato; tunc enim deberent omnes in Ecclesia recipientes Sacramenta esse prædestinati & infallibiliter servandi; sed (quod reticuit, ne magis irritaret crabrones & quia *subticet orator quod rusticus edit ineptè*,) sacramentaliter & modo morali; sic tamen ut illi demum soli rem Sacramentorum percipiant qui sunt participes Gratiæ liberatricis per Christum ex Prædestinationis decreto. Igitur non nescivit, etsi non ausus fuerit ore rotundo id effari, Primò; accuratè loquendo & citra verì dissimulationem, deficientium à fide & tandem pereuntium, nullam unquam fuisse veram justiciam nullamque veram charitatem, absque qua justitia in ipso Papatu nulla vera est. *Charitas enim qua deficere potest, nunquam vera fuit*, inquit Augustinus in epist. ad Iul. Comitum cap. 7. & tract. 8. in Ioh. epist. *Vnùsio invisibilis charitas est, qua in quocunque fuerit radix illi erit, que ardente sole arescere non potest; nutritur calore solis, non arescit*. Secundò, in Sacramentorum perceptione non ita necessariam & perpetuam esse connexionem signi & rei significatæ, quin plurimi externa signa & symbola recipientes, ipsâ re significatâ careant, quia fide & respicientiâ carent. Hinc Augustinus tract. 26. in Ioh. *De mensa Domini: ca qua alicubi quotidie, alicubi certis dierum intervallis præparatur, sumitur quibudam ad vitam, quibudam ad exitium: Res vero ipsa cujus est Sacramentum (vñifica scilicet Caro Christi) omni homini ad vitam, nulli ad exitium, quicunque ejus particeps fuerit.*

Non resurgentes } At suos semel justificatos nunquam sic labi sine Deo

Deus quin manum supponat, quo resurgant ad pœnitentiam: Ad eos enim pertinet ut custodia Dei 1. Pet: v, 5. sic etiam precatio Christi Luc: xxii, 32. Joh: xvii, 9. 11. Hinc de lapsis dicebat Cyprianus *epist. ad Antan.* Ne putemus mortuos esse, sed magis semianimes jacere eos quos persecutione funestâ sauciâq; videmus; quasi in totum mortui essent, nunquam de iisdem postmodum & confessores & martyres fierent; Sed quoniam est in illis quod pœnitentia sequente reualeat, ad fidem & ad virtutem de pœnitentia robur armatur. Interea & hic monemus Pœnitentiam ab Erudito Viro distingui haud immeritò à Baptismo. & aliis Sacramentis, quæ suo sensu conferunt Gratiâ & justificationem, non eam producendo physicè, sed eam moraliter significando & obsignando, quo fortè tacitè infinuet non sibi placere quod Pœnitentia à reliquis Doctoribus suæ Communionis, Sacramentis annumeretur.

Caput Quintum.

RESPONSIO AD QUÆDAM DUBIA

popularia circa hanc Doctrinam de Gratiâ.

42. *Non-ne videtur hæc doctrina homines deducere ad desperationem de sua salute?*

NON: Nemo enim unquam desperat de alicujus negotij eventu, nisi cùm certus est se nec habere nec habere posse media necessaria ad illud conficiendum: Exempli gratiâ, non desperabit æger de sua valetudine nisi certus fuerit se nec habere nec posse habere remedia necessaria ad suam sanationem. Atqui nemo certus est se non habiturum Gratiâ necessariam ad suam salutem: quandoquidem Deo placet eam interdum largiri etiam maximè obduratis: Igitur non est locus desperandi, sed solum timendi, ac inter metum & spem procedendi.

† Non; Nemo enim] Mirum est Jesuitas hunc pulvisculum contra solem Gratix excitare voluisse: An enim illi metuunt ne homines desperent de sua salute, qui passim fiduciam salutis proscribunt, & ore aperto propugnant incertitudinem justificationis, absque qua nulla salus,

lus, ut videre est apud Bellarminum lib. 3. de Justif. cap. 2. & seqq. & Becanum de Justif. Calvin. cap. 2. q. 11. Verùm hic nodus facile solvitur: Agitur enim vel de iis qui jam Gratiæ sunt participes, vel de iis qui olim eam habuerunt, sed pro statu præsentis ejus sensu & gustu destituuntur, vel de iis qui eam nondum sunt adepti: Priores desperare nequeunt: Nam qui desperarent de Gratia Dei consequenda qui eam habent, & in præsentiarum lumen, lætitiā & pacem ex illius operatione in anima sua persentiscunt, prout Scholastici ipsi in his tribus certum constituunt experimentum Gratiæ, Halensis nominatim p. 3. q. 61. art. 3. memb. 7. Nec secundi; cū propter Dei fidelitatem & constantiam, Gratia semel habita semper habeatur, etsi illius dulci sensu non semper anima perfundatur; Iis ergo vel sola recordatio consolationis quondam perceptæ ex Gratiæ aliqua inspiratione, ad desperationis tentationem expugnandam sufficiet; quòd dona & vocatio Dei sint ἀμικτά Rom: x1, 29. Ut mulier gravidā quæ ad tempus non sentit motum fœtus sui, inde tamen confidit illum vivere, quòd ejus motum antea perceperit. Nec tertii ob rationes hic allatas; maxime cum illā sollicitudine nemo teneatur nisi ex salutis suæ desiderio, quod inter primos effectus affulgentis Gratiæ salutaris est reponendum, & ejus uberioris consequendæ certissimum est indicium, juxta dictum Christi Matth: v, 6. *Beati qui esuriunt & sitiunt justitiam, quoniam illi saturabuntur.*

Quandoquidem Deo placet] Suam enim Gratiā largitur gratis & ex suo mero beneplacito, non pro meritis de congruo, aut melioribus in hoc quam in illis dispositionibus, ut pertendunt Jesuitæ fallò & contra Christi auctoritatem Matth: x1, 25. 26. Per maxime obduros autem hoc loco intellige, non eos quos occulto suo judicio Deus punit subsequenti & extraordinariā induratione, qualis fuit Pharaonis, & illa cujus fit mentio Rom: 1, 24. 1x, 18. sed eos qui in ordinaria & nativā duritiæ constituti, videbantur cæteris remotiores à regno cœlorum: Quamvis enim ordinaria & nativā duritiæ sit omnium æqualis originaliter, tamen actualiter, pro ratione institutionis, exemplorum, & aliarum circumstantiarum suscipit magis & minus, quod etiam colligitur ex Matth: x1, 21. 22.

Sed solum timendi] Timor anxietatis & diffidentis est eliminandus à pijs, sed retinendus timor sollicitudinis & vigilantis, cui optime cum

cum spe certa & fiducia salutis convenit Phil: 11, 12, 13. Et fides medium tenet inter securitatem carnalem & timorem servilem, quo scilicet *anima timet ne damnetur*, non cum quo duntaxat *timet ne deseratur*, juxta Augustini distinctionem tract. 9. in ep. Ioh. quod credo hic sibi voluisse Doctum Virum; Aliàs non nescivit quid de Fidei & consequenter ad illam Charitatis securitate, omnem metum expellente, dixerit Apostolus 1. Joh: 1v, 18. Cum enim, ut ibid. Augustinus habet, *caperit charitas habitare, pellitur timor*; Quantum illa crescit, ille decrescit; & quantum illa fit interior, timor pellitur foras: major charitas, minor timor; minor charitas, major timor. Sicut videmus per setam introduci linum, quando aliquid sinitur: seta prius intrat, sed nisi exeat non succedit linum: sic timor primò occupat mentem, non autem ibi remanet timor, quia ideo intravit ut introduceret charitatem: Iam facta securitate in animo, quale gaudium nobis est vel in hoc, vel in futuro saculo? Et in hoc saculo quis nobis nocebit plenè charitate?

43. *Annon certiores essemus, si nostra sulus nonnisi ex nobis penderet?*

Non: Multò enim amplius de nobis debemus diffidere, quam de Deo, qui nos magis amat quam ipsi nosmet amamus, & in incerto præstat se committere directioni Dei quam nostræ.

† Non: Multò] Populari objectioni populariter respondetur: Aliàs enim nulla securitas potest ei concedi qui arundini quassatæ suarum virium innititur; & omninò blasphemum est doctrina Toleti Jesuitæ purpurati statuentis lib. 4. Inst. Sacerd. cap. 7. gravius multò esse peccatum ejus qui vult beatitudinem solâ divinâ misericordiâ consequendam, absque suis meritis, peccato illius qui vult beatitudinem tanquam debitam suis meritis naturalibus, absque Dei Gratia & suis viribus consequendam: E contrario absolutè tutus est qui se totum committit Deo; memor illius Augustini in Psal. 88. Hoc promissit Deus, hoc dixit Deus; si parum est, hoc juravit Deus. Quia ergo non secundum merita nostra, sed secundum illius misericordiam, firma est ejus promissio, nemo debet cum trepidatione predicare unde non potest dubitare. Et quis non miretur scotoma quo ingrati Jesuitæ à Deo percutiuntur? Ut ex hac objectionem liquet, putarent se tutius

se tutius confecturos suam salutem, si sibi liceret solis esse fabris suæ fortunæ, quam si in solidum se Dei Gratiæ permitterent: ut in illis non minus quam in Pelagij reliquiis miretur Augustinus de præd. Sanct. cap. 11. homines infirmitati suæ se male committere quam firmitati promissionis Dei. Et aliquando putant plus certitudinis se consequi ex cultu B. Mariæ, quam ex Gratia & Redemptione Christi: Hinc Bineri liber de notis Prædestinationis ex cultu B. Virginis, & quod Drexelio in Memoriali aternitatis, laudatur illud S. Elzearii apud Syrium 27. Sept. Sum Mariae cliens; Ergo male perire aut cælo excidere non possum: Quod si quis apud eos diceret, Ego sum à Christo redemptus, & soli ejus Gratiæ & beneficio me committo, quare male perire aut cælo excidere non possum, is statim Hæreticorum & Prædestinatorum superlativorum albo inscriberetur.

44. Numquid hæc doctrina homines facit suæ salutis negligentes?

Non: Cum enim ab una parte non simus certi Gratiam nobis denegatum iri, & ab altera illi cooperari teneamur, sic agere debemus ac si Gratia semper adesset, & rei summa penderet ex nobis. Debemus gradiri inter desidiâ & superbiam; Deus ita est rogandus ac si totum ex ipso pendeat; & sic agendum, ac si totum pendeat ex nobis. Atque id ipsum est quod nos docet Scriptura exemplis Jacobi, Moïsis, Josuæ & aliorum Sanctorum, quibus cum innotuisset per expressam revelationem Deum pro se pugnaturum & victoriam sibi concessurum, nihilominus sic agebant ac si totum in sua potestate fuisset.

‡ Non: Cum enim] Quæ hic refutatur objectio Jesuitica, ut & duæ præcedentes, veterem Pelagianorum & Semipelagianorum cocylinum continent, ut observatum Janzenio Paralleli sui cap. 1. notâ 4. s. 6. & seqq. Probat enim Massilienses & Jesuitas, reliquias utroque Pelagii, consentire in oppugnanda doctrina hæc Gratiæ, his argumentis, quod ea adferat desperationem, inducat socordiam, repotem & ignaviam, studium retundat virtutis, incitet homines ad licentiam & dissolutionem

solutionem vite &c. Quin tantum abest ut locordiam inducat Gratia, ut è contrario uni Gratia acceptum ferendum sit quicquid diligentia & alacritatis in salute nostra promovenda impendimus.

Non finis certi] Sed è contrario si honestus nos capiat impetus benè agendi, eo ipso certi reddimur nos agi à Spiritu Dei, adeoque sanctæ illius inspirationi esse obsequendum.

Illi cooperari] Hæc vox è trivio Theologiæ Pontificiæ desumpta, cum grano salis hîc sumi debet ex ipsius Authoris mente: Cùm enim uni Gratia tribuat cum Paulo & Augustino & velle & perficere, per hanc vocem noluit introducere collateralitatem Gratia & Arbitrij, quam Synergista & Jesuita sunt commenti, sed duntaxat hominis regeniti ad Gratia Divinæ inspirationem suboperationem, quâ agit actus; ac uno verbo Augustini doctrinam instillare quam habet lib. de grat. & lib. arbit. cap. 15. Ipse ut velimus operatur incipiens, qui volentibus cooperatur perficiens; propter quod ait Apostolus, Certus sum quoniam qui operatur in vobis opus bonum, perficiet usque in diem Jesu Christi: Vt ergo velimus sine nobis operatur; cùm autem volumus & sic volumus ut faciamus, nobiscum cooperatur; tamen sine illo vel operante ut velimus, vel cooperante cùm volumus, ad bona pietatis opera nihil valeamus.

Ac si Gratia] Optimè; Nam revera adest quoties vel agimus, vel etiam agere volumus aut cogitamus, eo quod sine illa nihil possimus Joh: xv, 5. 2. Cor: 111, 5.

Penderet ex nobis] Ut revera omne bonum opus à nobis pendet & nostrum est subjektivè & denominativè, à Dei Gratia efficienter & operativè: Sumus principium quod omnis boni quod agimus, sed Gratia Dei est principium quo illud agimus, & quo deficiente aut cessante nihil nisi malum ageremus. Ita igitur est imploranda Dei Gratia ab benè agendum, ut semper nostrum esse sub illius ductu, motu & inspiratione agere, meminerimus.

Atque id ipsum] Sic igitur liquet certitudinem non solum *objectivam* Prædestinationis & salutis, sed etiam *subjectivam*, quam ex fidei πεποιθὶς & πληροφορία contra Adversarios defendimus, nullo modo inducere, ut vulgò clamitant, desidiā in bonis operibus, precum neglectum & securitatem carnalem. Tantum enim abest ut certitudo finis & eventus negligentiam inducat mediorum, ut è contrario nunquam alacrius & diligentius adhibeantur media, quam ubi

ubi certi sumus de foelici successu per illa eventuro. Nunquam promptiùs sumitur pharmacum, quam ubi medicus fidem facit nos per illud convalituros.

45. *Potest-ne hæc doctrina utiliter proponi populo?*

Ita: Est utilissima ad nos humiliandos & faciendum ut cum timore & tremore salutem nostram conficiamus, ac propriarum virium abjectâ fiduciâ uni Deo confidamus: Docet nos quantum illi sumus obstricti, quod nos ad fidem & Gratiâ evocari; nobis indulgendo salutis consequendæ media quæ omnes non habent. Concedendum tamen quod sicut hæc doctrina sublimiorum mysteriorum Sapientiæ Divinæ nos expressè spectat, ita multâ præcautione opus est in ea publicanda, ne quicquam minuatur de veritate, aut ij obruantur qui ejus pondus ferre nequeunt.

† Ita: Est utilissima] In hoc Erotemate omnia satis plana sunt: Nam Schola Gratiæ Schola est humilitatis, fiduciæ, gratitudinis; Ut Schola Pelagianorum & Jesuitarum Schola est superbiæ, anxietatis, ingratiitudinis: Coincidit quod hic dicitur cum eo quod habet nostra Synodus Dordracena in primo Doct: cap. art. 15. quod sicut hæc doctrina sapientissimo Dei consilio, per Prophetas, Christum ipsius, atque Apostolos, sub Veteri atque sub Novo Testamento, est prædicata, & sacram deinde literarum monumentis commendata, ita & hodie in Ecclesia Dei, cui ea peculiariter est destinata, cum Spiritu discretionis, suo loco & tempore, missâ omni curiosâ viarum Altissimi scrutatione, est proponenda, idque ad sanctissimi nominis Divini gloriam, & vividum populi ipsius solatium. Et voluit hoc loco Vir Doctus politicorum eorum refutare argumentum, qui hanc doctrinam utut veram, premendam tamen in Jesuitarum gratiam statuunt, prout Grotius quondam in sua Pietate Ordinum Holl. eandem in suorum Remonstrantium gratiam supprimi voluisset. Quin ipsimet Jesuitæ hoc axiomate suas regunt congregationes, ut sollicitè à Dei Gratia nimium inculcanda & commendanda sibi caveant, uti ex earum Congregationum regulis manuscriptis publicè constiti-

constitit apud Venetos, cùm eorum schedæ excuterentur & ipsi omni Venetum ditione exterminarentur.

46. Videtur ergo non esse necessarium homines adhortari ad benè agendum: Si enim ipsis Gratia obtigit, infallibiliter benè agent; absque ulla exhortatione; Si vero hæc Gratia denegetur, nunquam agent, quæcunque exhortatio adhibeatur.

Non desistendum ab exhortandis hominibus; 1. Ut cognoscant quod debent agere: 2. Cùm non dignoscamus illos quibus Deus suam Gratiâ indulget ex mera Misericordia, ab ijs quibus eam denegat ex Justitia, generatim sermones & adhortationes nostras debemus ad omnes eos qui nos audiunt dirigere, ac si singuli eorum Gratiâ reciperent. 3. Deus sæpè conjungit Gratiâ internam Gratiâ externâ, cujusmodi est exhortatio; cor alloquitur cum præco Verbi ferit aurem; & eo casu utilissimæ sunt exhortationes illis ad quos fiunt.

† Non desistendum] Et hîc respondetur objectioni quam Jesuitæ ex Reliquijs Pelagij hauserunt, ut iterum in parallelo suo demonstrat. Jansenius notâ 11. collatis inter se Lessij Jesuitæ & Massiliensium verbis, prout & antea fecerat lib. 10. de Gratia Christi Salvat. cap. 9.

1. Ut cognoscant] Verbum enim Dei quod annunciatum hominibus non est mensura virium suarum, sed norma officij ad quod tenentur; & per illud annunciatum magis inexcusabiles redduntur reprobi, cùm causam ignorantix suis peccatis prætexere non possunt; Electi verò ad fidem & obedientiam traducuntur, Deo intus efficiente per Gratiâ id ipsum quod externè per verbum postulabat; *Fac Domine quod jubes, & jube quod vis.*

2. Cum non dignoscamus] Scilicet boni Evangelistæ est defungi cordatè suo munere & eventum prædicationis suæ Deo committere: Paulus plantet, riget Apollos, Deo relinquatur successus & in-

crementum. Id ipsum dicit Augustinus de corr. & gratia cap. ult. Quantum ad nos pertinet qui prædestinatos à non prædestinatis discernere non valeamus & ob hoc omnes salvos fieri velle debemus, omnibus ne pereant, vel ne alios perdant, adhibenda est à nobis medicinaliter severa correptio; Dei est autem illis eam facere utilem quos ipse præcivit & prædestinavit conformes imaginis filij sui.

3. Deus [sepè conjungit] Imò ipsa Evangelij prædicatio ideo appellatur Ministerium Spiritus 2. Cor: 111, 8. Ac prout fides est ex auditu Rom: x, 17. ita organum ordinarium Spiritus Sancti ad fidem in nobis producendam & Gratiâ suam in cordibus nostris explicandam, est auditus & prædicatio Evangelij, uti tota docet Scriptura Act: x, 44. x111, 48. xvi, 14. Rom: 1, 16. Jac: 1, 18. & passim: Sic enim vox Dei externè imperativa, accedente per illam internâ Dei Gratiâ, fit operativa, & tum corde compunguntur qui audiunt Dei verbum, ut in Pentecoste Act: 11, 37. & sibi mutuo dicunt de Verbi Divini præcone, ut illi duo Emauntici discipuli Luc: xxiv, 32. Nonne cor nostrum ardebat in nobis dum loqueretur nobis in via & quum adaperiret nobis Scripturas?

47. Si non fecerint homines quod præceptum ipsis est constituti Gratiâ illius exequendi possunt ne corripì de suis peccatis?

Ita, ut S. Paulus docet, cùm propositâ magnâ hac magnique mōmenti veritate, Deum misereri cujus vult & quem vult indurare, sibi objicit quasi impiorum nomine, Quid igitur Deus adhuc queritur; Voluntati enim ejus quis potest resistere? id est, ut explicat S. Augustinus, Quare Deus queritur quod se malâ nostrâ vitâ offendimus, quandoquidem ab ipso non recepimus Gratiâ benè vivendi. Quod si justa foret hæc excusatio, qui liberantur ex peccato non liberarentur merâ Gratiâ, ut fides cerò statuit, sed justitiâ istius excusationis: Atqui hæc excusatio nec justa est, nec admissibilis coram Deo, quoniam ab una parte Gratia, cùm sit Gratia, nemini debetur; & ex justitia

ex iustitia fit quod non detur omnibus ijs quibus non datur, in pœnam peccati sui vel originalis vel actualis; ab altera vero parte qui peccant, non peccant nisi suâ culpâ, propriâ suâ concupiscentiâ & malâ sua voluntate; Correptio igitur non potest non esse iusta & utilis.

† 114; ut S. Paulus] Locus est notus Rom: ix, 18. 19. Et hîc continuat author objectiunculas Jesuitarum refutare quas ex Pelagianis & Massiliensibus hausserunt, ut de hac nominatim ostensum à Janfenio notâ 11. & 24. sui Paralleli.

¶ Explicat S. Aug.] Multa hîc ex Augustino possent ad hanc rem congeri. Nam Enchir. cap. 99. dicit illud Quid adhuc conqueritur? nam voluntati ejus quis resistit, obijci tanquam propterea malus non videatur culpandus, quia Deus cujusvult miseretur & quem vult obdurat. Et lib. de corrept. & grat. cap. 13. Patiantur homines se corripì quando peccant, nec de ipsa correptione contra gratiam argumententur, nec de gratia contra correptionem; quia & peccatis iusta pœna debetur, & ad ipsam pertinet iusta correptio quæ medicinaliter adhibetur, etiamsi salus agrotantis incerta est; Vt si is qui corripitur ad prædestinatorum numerum pertinet sit ei correptio salubre medicamentum, si autem non pertinet, sit ei correptio pœnale tormentum: Sub isto ergo incerto ex charitate adhibenda est, cujus exitus ignoratur, & pro illo cui adhibetur, orandum ut sanetur. Sed Authot noster videtur potissimum respexisse ad ea Augustini verba quæ extant lib. 1. ad Simplic. q. 2. Hujus impudentiam quæstionis ita retundit Apostolus, Homo tu quis es qui respondeas Deo? Sic enim respondet Deo cum ei hoc displicet quod de peccatoribus conqueritur Deus, quasi quemquam Deus peccare cogat, si tantummodo quibusdam peccantibus misericordiam justificationis suæ non largiatur, & ob hoc dicatur obdurare peccatores quosdam, quia eorum non miseretur &c. Et paullò post, Conqueritur autem iuste de peccatoribus tanquam de his quos peccare ipse non cogit; simul etiam ut hi quorum miseretur hanc quoque habeant vocationem, ut dum conqueritur Deus de peccatoribus compungantur corde, atque ad ejus Gratiâ converiantur.

Quod si iusta] Sanè si peccator in suis criminibus hanc Lyconidis apud Plautum excusationem posset prætexere, Deus impulsor fuit, credo.

credo Deos voluisse, & in voluntatem Dei suorum peccatorum culpam rejicere, eo ipso deberet extra reatum poni, non vero indebitæ Dei Gratia ejus liberatio & indemnitas adscribi.

Quoniam ab una parte] Sunt enim omnes homines (ut loquitur Augustinus ad Simpl. l. 1. q. 2.) quandoquidem ut Apostolus ait, in Adam omnes moriuntur, à quo in universum genus humanum origo ducitur offensionis Dei, una quadam massa peccati supplicium debens Divina summaque justitia, quod sive exigatur, sive donetur, nulla est iniquitas. Et per consequens, sive quando adjuvat misericorditer facit, sive quando non adjuvat, justè facit, ut idem habet tract. 53. in Ioh. adeo ut nec liberatus de suis meritis gloriatur, nec damnatus nisi de suis meritis conqueratur, Enchir. cap. 99.

Qui peccant] Licet necessariò peccent, tamen non peccant coacti sed volentes; Quod nos à Deo avertimus nostrum est, & hac est voluntas mala; Quod verò nos ad Deum convertimus, nisi ipso excitante & adjuvante non possumus, & hac est voluntas bona, inquit Augustinus lib. 2. de peccat. meritis cap. 18. Inde in Solil. cap. 13. Quod cecidi fuit ex me, & quod surrexi fuit ex te. Etenim ut idem habet contra Cresconium lib. 3. cap. 51. Dedit quidem Deus homini liberam voluntatem, sed nec bonam instructuosam, nec malam voluit esse impunitam.

Catechismi Gratiæ Jansenitarum, cum Scholijs ad illum,

Caput Sextum:

DE PECCATO ORIGINALI.

48. *Quid est peccatum originale?*



Peccatum primi parentis, quod transit in omnes ejus posteros; Est concupiscentia Criminalis quæ homines privat Gratiâ, avertit à Creatore & addicit Creaturæ, subicit morti & reddit obnoxios omnibus pœnis & miseriis quas patiuntur tum in suis corporibus, tum in suis animis, tum in hac vita, tum in futura.

† *Est peccatum*) Hoc originale peccatum, quo nihil est ad predicandum notius, nihil ad intelligendum secretius, ut ait Augustinus de morib. Eccl. Cath. cap. 12. plurimis demonstratur argumentis ex Scriptura desumptis; videantur speciatim loca Gen: v, 3. vi, 5. vii, 21. Job xiv, 4. Psal: li, 7. Joh: iiii, 6. Rom: v, 12. 14. 1 Cor: xv, 22. Eph: ii, 35. Hinc & puerperarum purificationes lege institutæ, & puerorum octiduanorum præscripta circumcisio, & involuntariæ quoque gonorrhæe immunditia legalis; quibus omnibus generationi naturali, partui, semini hominum, aliquid inesse vitij & corruptionis Dominus testabatur: nec baptizandi forent infantes fœderatorum, nisi aliquid sordium in sua generatione naturali contraxissent, quod beneficio regenerationis spiritualis, de qua Joh: iiii, 5. veniat eluendum. Prout autem Pelagius totis viribus nativam hanc corruptionem inficiari studebat, quod eam sentiret cum ingratissimis suis dogmatis ex adverso pugnare, ita quotquot in ejus sententiam vel palam vel tectius ire hæcenus voluerunt, idem vitium vel simpliciter negare, vel elevare conati sunt. Ita enim hodie Sociniani, Anabaptistæ, Weigeliani, peccatum originale absolutè negant. Remonstrantes etiam qui in sua Confess. cap. 7. illud utcunque confitebantur, licet nollent Reprobationis decretum in illo fundari, postea in pejus proficientes, satius

L

putarunt

putarunt illud simpliciter rejicere, ut sit expressè ac fusè tùm ab Episcopo Instituit. Theol. lib. 5. cap. 2. tùm à Curcellæo in tract. de Iure Dei, cap. 11. Jesuitæ non ausi illud absolute negare, aut tanquam inermum Augustini commentum repudiare, cùm non nescirent eam communem fuisse ab ævo, imò & ante ortas Controversias Pelagianas, Ecclesiæ Catholicæ sententiam, ut contra Julianum lib. 1. cap. 2. ipse Augustinus prolixè demonstravit, saltem illud omni ope studuerunt elevare; I. Quoad intrinsicum ejus meritum & pœnas illi ex ordine Justitiæ Divinæ debitas; Unde infantes cum peccato originali mortuos eximunt pœnæ sensus, & in eorum gratiam fabricati sunt limbum puerorum, *carcerem* quidem infernalem, sed *lucidum & amœnum*, in quo, vel etiam in hiis terris, post diem judicij, fruituri sint *statu commodiore quam sit alicujus hominis mortalis in hac vita*, ut placuit meo Tirino Contr. xi. n. 10. licet peccati stipendium sit mors Rom: vi, 23. II. Quoad ejus effecta & consequentia necessaria; Negant enim per illud amissum esse liberum arbitrium, idest facultatem benè agendi, ut *ibid.* Tirinus; contra expressa Scripturæ testimonia, quæ passim homini sub peccati servitute tribuunt & benè agendi impotentiam, & necessitatem malè agendi ex insita illa corruptione; & dictum celebre Augustini Enchir. cap. 30. *Libero arbitrio malè utens homo & se perdidit & ipsum.* III. Quoad illius extensionem; Siquidem cum Scotistis, sed contra Paulum qui omnes in Adamo peccasse testatur Rom: v, 12. mordicus immunitatem B. Virginis à peccato originali tuentur, quod factum operosè à Bellarmino, ut ceteros mittam, lib. 4. de Amiss. gratiæ & statu peccat. cap. 15. & seqq. IV. Quoad illius propagationem; Nec enim bonâ fide eam admittunt per quam jure & lege generationis necessariò in singulos illa traducatur habitualis corruptio quâ formaliter & inhxlivè peccatores sint & dicantur; sed partim statuunt cum Tirino V. S. n. 7. peccatum originale nihil aliud esse quam *actuale inobedientiam Adami*, non ipsius tantum sed & nostrum omnium nomine commissâ, quæ morali estimatione tamdiu perseverat, donec singula remittatur; partim rationem omnem istius propagationis, ex pacto cum Adamo inito arcessunt, nihilque ad illam requirunt nisi ut natura humana ex Adamo verâ generatione descendat, ut videre est apud Bellarminum lib. 4. de statu pecc. cap. 12. qui ideo cum suis gregalibus vapulat Jansenio lib. 1. de statu nat. lapsæ cap. 5. & seqq.

& seqq. quod Augustini sententiam hac in re non esse ferendam statuante. Est equidem agnoscendum *padum* initum fuisse diuinitus cum Adamo, caput & stirpem illum futurum totius generis humani, cui per consequens vel staret vel laberetur; potuissent enim alij homines independenter ab ipso creari, ut factum in Angelis, sic collateralibus in eadem specie, ut immediatè omnes à Deo producti sint, nec pendeant ab ullo communi speciei suæ principio: Sed posito quod ex uno illo sanguine omnes homines nasci debuerint Act: xvii, 26. illud quoque statuendum quod lege generationis univoca ac per illam causaliter, secundum id quod omne generans univocum sibi simile generat, necessariò propagetur & transfundatur habitualis illa corruptio quam primi parentes contraxerunt peccando, & quam ne ipsi quidem regeniti unquam nisi in morte exuunt: ut hic pedibus manibusque camus in Augustini sententiam lib. 5. *adversus Iul. cap. 3. Professò aut utrumque vitium ex homine trahitur*, (nempe anima simul & corpus) *aut alterum in altero tanquam in vase vitiato corrumpitur*, ubi *occulrà justitià divina legis includitur. Quid autem sit horum libentiùs disco quam dico, ne audeam docere quod nescio.* Quin videtur niti hoc falso principio transfusionis peccati originalis ex pacto potiùs, quam ex lege generationis, lemma capituli 13. lib. 4. Bellarminiani de *Amis. gr. & statu pecc.* Non ab Heva sed à solo Adamo peccatum originale trahi; Imò cap. 8. asserit peccatum Adami non Heva traduci in posteris, idq; ex Anabaptistica & Marcionitica suppositione, quod solus *Vir sit causa actiua generationis mulier vero tantum passiva*; cùm tamen non minus matrem quam patrem ad peccati originalis propagationem concurrere testetur David Psal: LI, 7. V. Quoad formalem illius rationem; Cave enim dixeris, inquit Tirinus V. 8. n. 6. peccatum originale esse ipsos naturales nostros defectus, v. g. ignorantiam in intellectu, Concupiscentiam vel pronitatem in malum in voluntate, quia hac non sunt peccata, neque voluntaria seu in se seu in causa, neque tolluntur per baptismum, neque impediunt justitiam. Similia habet Bellarminus lib. 5. de *Amis. gr. & statu pecc. cap. 7.* qui etiam ceu errorem Lutheranorum & Calvinistarum rejicit sententiam quæ statuit *natura corruptionem sive concupiscentiam esse peccatum originis*; licet id doceat constanter Scriptura quæ *Concupiscentia* nomine intelligit vitium illud internè hærens quod hominem incitat ad omne peccatum, uti patet ex Rom: vii, 7. 8. viii, 16. 23. Gal: v, 17. Jac: i, 14. Cùm

igitur Eruditissimus noster Jansenita videret Jesuitas, (quibus jam olim in causa Gotteschalci hac etiam in parte præluserat Johannes Erigena Scotus, quem Prudentius Tricassinus, Florus Magister, & tota Ecclesia Lugdunensis solidè suo tempore refutarunt, ut liquet ex eorum monumentis ab Amplissimo Præfide Mauguin editis,) multis modis elevare originale peccatum, quò faciliùs liberi arbitrij vires in natura corrupta defendant, & gratiæ necessitatem efficaciam rejiciant, jure meritò censuit orthodoxam de originali labe sententiam sic ad hanc Gratię causam pertinere, ut illa collabente hæc stare nequeat.

Primi parentis] Non exclusâ sed inclusâ primâ parente, cujus partes non minus agnoscendę in peccati propagatione quam in illius prima introductione: Quod enim Jesus Christus, ut ut ex muliere factus Gal: iv, 4. nihil labis originalis contraxit ex matre, non ideo factum est, vel quòd mulier sive mater nihil conferat ad illius propagationem, vel quòd ipsa B. Virgo peccato originali caruerit, ut volunt utrumque Jesuitæ; sed quod modo supernaturali & planè miraculoso ex matre Virgine absque semine virili sit natus & ex Spiritu Sancto conceptus; unde non pollutum sed sanctum debuit esse id quod ex illa nasciturum vocandum erat *Filius Dei* Luc: 1, 35.

Quod transit] Peccatum primorum parentum dupliciter potest considerari, vel numericè, & ut sonat actualement eorum transgressionem, vel specificè, & ut significat habitualement eorum corruptionem quam suâ inobedientiâ contraxerunt: priori sensu transit ad eorum posterios per imputationem; sed posteriori sensu propagatur ad singulos per generationem; quomodo morbi hæreditarij, ut sunt elephantiasis, calculus, podagra, transeunt à parentibus in filios, & sicut æthiopes nigros gignunt, crispì crispòs.

In omnes] Naturali ratione & per generationem ordinariam & univocam ab ipso propagatos: quod tam verè ipsi competit B. Virgini, quæ aliàs nisi periisset in Adamo primo, nec mortì fuisset obnoxia nec Redemptore Christo eguisset, quam non potest extendi ad Christum; qui nec *personaliter* est ab Adamo, cùm non sit persona humana; nec viâ ordinariæ & univocæ generationis ex commixtione maris & fœminæ editus est, quippe conceptus ex Spiritu Sancto, & natus & Virgine; nec erat in lumbis Adæ cùm peccavit: licet enim

enim ex Adamo quoque trahat originem, tamen non est conceptus & natus vi prioris illius benedictionis quæ peccatum præcessit, *Crescite & multiplicamini*, sed vi gratuita illius promissionis quæ peccatum subsequuta est, *Semen mulieris conteret caput serpentis*.

Est concupiscentia] Hanc fuisse sententiam Augustini, cui hodierni Jesuitæ se opponunt, fusè docet Jansenius de *statu naturæ lap. cap. 1. & seqq.* ita ut, inquit ille, nomine concupiscentiæ intelligat non solum libidinem illam quâ vel obscenæ partes corporis excitantur, vel intus ipse animus ad concubitum inhiat, sed omnino omnes cupiditates animi quibus homo ad peccata propellitur & provocatur, sive illa carne, sive solo animo peragantur. Nec dubium quin juxta phrasim Apostolicam, concupiscentia, caro, lex membrorum, corpus peccati, *φρόνημα σαρκός*, sint synonyma; Carnis autem fructibus etiam accensentur hæreses, æmulationes, & similia, quæ spiritualia peccata censerentur, 1 Cor: 111, 3. Gal: v, 19. Hinc quod Rabbinis dicitur *זר הרע זר הרע*, item *זר הרע זר הרע*, reddunt Lexicographi, Concupiscentiam malam; de quo videtis Lexicon Thalmudico-Rabbinicum Buxtorfij ad vocem *זר* & Galatinum lib. 6. de Arcanis cap. 5. Hic igitur doctissimus Catechistes id asserit de peccato originali post Augustinum, (qui etiam hoc suum dogma veritatem Catholicam appellat, ac impiam novitatem assertionem contrariam, ut monet & probat Jansenius lib. 1. de statu nat. lap. cap. 14.) quod Jesuitæ statuunt errorem esse communem omnibus Lutherani & Calvinisti ut insuper loquitur Bellarminus lib. 5. de amiss. gr. & statu pec. cap. 5. in lemmate capitis: unde Becanus in 2. p. Th. Sch. tract. 2. cap. 9. quest. 3. hanc quæstionem *An peccatum originale sit concupiscentia*, quasi contra Lutheranos & Calvinistas concludit negativè. Utris vero credemus, an Apostolo & Augustino, ac Jansenitis ex illis, statuentibus Concupiscentiam in actu primo esse verè & propriè peccatum; an Iesuitis ex Conciliabulo suo Tridentino, Sess. 5. Can. 5. impudenter & imprudenter asserentibus sub Anathematis pœna, hanc concupiscentiam quam aliquando Apostolus peccatum appellat, Ecclesiam Catholicam nunquam intellexisse peccatum appellari, quod verè & propriè in renatis peccatum sit.

Privat Gratiâ] Tum meritorie, quatenus Deus justè auxilium gratiæ suæ indebitum negat homini hac labe originali inquinato, ut nemo queri possit de Deo quod salutis Gratiâ sibi non indulerit:

Tùm *formaliter*, quatenus habitualis illa corruptio, per quam homines evaserunt pròni ad omne malum, inutiles ad omne bonum, in suo conceptu sonat non meram carentiam aut negationem, sed propriè dictam privationem iustitiæ originalis debitæ inesse, quam suo sensu Gratiam Dei fuisse *primo cap.* hujus Catechesmi visum est; adeoque in illius locum substitutionem concupiscentiæ ejus quæ instar gravissimi ponderis animæ superadditi eam à cœlestibus & spiritualibus advocat atque ad terrena & carnalia penitus deprimit.

Subjicit morti] Atque sit ex dicto Apostoli Rom: vi, 23. *Stipendium peccati mors est*; veram & propriè dictam rationem peccati habet: Sed de eo plura ad *Erotema* 59.

Et reddit obnoxios] Adeoque non tantum pœnæ damni in limbo, ut volunt Jesuitæ, tertium illum locum ex Pelagij placitis fabricati, sed etiam sensu in gehenna & inferno; Ideo Augustinus sic loquitur *lib. 1. de pecc. meritis & rem. cap. 28.* Non est ullus ulli medius locus ut possit esse nisi cum Diabolo, qui non est cum Christo. Et *serm. 14. de verbis Apost.* Nullus relictus est medius locus ubi ponere quæras infantes; (qui in peccato originali moriuntur) De vivis & mortuis judicabitur; alij erunt ad dextram alij ad sinistram: Non novi aliud; Qui inducis medium, recede de medio; non te offendat qui dextram quæris & te ipsum admonet; recede de medio, sed noli in sinistram. Si ergo dextra eris & sinistra & nullum medium locum in Evangelio novimus, Ecce in dextra regnum cœlorum est; Qui ibi non est in sinistra est: Quid erit in sinistra? Ite in ignem æternum. Qui non in dextra proculdubio in sinistra; Ergo qui non in regnum proculdubio in ignem æternum. Ita Fulgentius *de fide ad Pet. Diac. cap. 27.* eosdem infantes statuit ex solius peccati originalis merito, etli propria actionis peccatum nullum habuerint, ignis æterni sempiterno supplicio puniendos: & Author *Hypognoticon lib. 5.* Primum locum fides Catholicorum divinâ autoritate regnum credit esse cœlorum; Secundum gehennam ubi omnis à Christi fide alienus æterna supplicia experietur. Tertium penitus ignoramus, imo nec esse in Scripturis sanctis invenimus. Quamvis autem Augustini imo Pauli hac in parte sententiæ, quam solus è Scholasticis Gregorius Ariminensis, inde cæteris dictus Tormentum infantium sequutus est, nemo suffragatus sit in Concilio Tridentino, ut notat Scriptor *Hist. Concil. Trid. lib. 2.* patribus infectis etiam hac in parte Jesuitarum tùm subnascentium veneno, tamen causâ Gratiæ resurgente, & originali peccato ad

gato ad veritatis lanceam expenso, cœpit & illa sententia unâ defendi, ut hîc sit ad Erudito Catechista, cui antea præluxerunt & Jansenius ipse *de statu nat. lap. cap. ult.* & Jansenio citatus ac laudatus Florentius Contius Archiepiscopus Tuamensis, qui expresso Tractatu Loyani edito anno 1624. *perquam accuratè demonstravit*, parvulos irregenitos, cuiusmodi statuimus esse non fœderatorum liberos quibus nullum jus competit ad baptismum ut liberis nostris ex A&:11,39. 1 Cor:VII, 14. *pœnis non tantum damni, sed sensibilibus & quidem aterni ignis secundum S. Augustini doctrinam pleâ.*

49. *Quomodo transit hoc peccatum ex primo homine ad illius posteros?*

Sicut ex scaturigine corrupta fluunt rivi infecti, & mali sunt fructus ex mala radice prodeuntes; ita ex primo homine peccatore, non alij poterant nasci liberi quam peccatores ut ipse est.

† *Sicut ex scaturigine*] Ista ergo propagatio non pendet vel ex solo Dei arbitrio & pacto imaginario Jesuitarum, sed ex lege generationis, juxta quam Adam viceversâ genuisset filios iustitiâ originali præditos si in illa permanisset. Huc faciunt loca ante citata Gen: 7, 3. Job xiv, 4. Joh:111,6. Cùm autem propagetur hoc peccatum etiam per parentes baptizatos & regenitos, prout sub lege pater circumcisis filium præputiatum generabat, hinc sequitur verè ac benè dictum ab Augustino, hoc peccatum in fidelibus transire *reatu*, sed *actu* manere, ut loquitur *lib.1. de nupt. & conc. cap. 26.* Interea si inquirendum veniat circa modum specialiozem illius propagationis, & ut vulgò loquuntur, num fiat per animam vel per corpus, cum revera per neutrum fiat sed per generationem quæ est propriè suppositi & naturæ in illo propagatio, meminisse oportet ejus quod ad hanc rem habet Augustinus Epist.29. *Eleganter dictum esse narratur quod huic rei satis aptè convenit. Cùm quidam ruisset in puteum, ubi tanta aqua erat ut eum magis exciperet ne moreretur, quam suffocaret ne loqueretur, accessit alius, & eo viso admirans ait; Quomodo huc cecidisti? At ille, Obsecro (inquit) cogita quomodo hinc me liberes, non quomodo huc ceciderim quæras. Ita quoniam fatemur & fide Catholicâ tenemus de reatu peccati tanquam de puteo etiam*

etiam parvuli infantis animam Christi gratiâ liberandam, satis est ei quod modum quo salva fiat novimus, etiamsi nunquam quomodo in illud malum deveniret, noverimus.

50. *Est ne hoc peccatum voluntarium?*

Voluntarium erat in primo homine, qui illud libetrimè commisit: & prout in illo omnes includebamur, nonnisi unum solum hominem cum ipso constituentes, omnes in ipso peccavimus, & ex illo nascentes, necessariò contrahimus quod liberrimè commisit.

‡ *Voluntarium*] Hic refutatur fundamentum Tirini & aliorum Jesuitarum quo pertendunt Concupiscentiam ideo peccatum originale non esse, quod voluntaria non sit; quo etiam argumento pugnassee Pelagianos videre est apud Augustinum lib. 3. contra Iul. cap. 5. & alibi sæpiùs. Non est quod hic fusè dispuemus *Voluntarium* ut sonat quod deliberatè & scienter sit non esse de peccati essentia, cum multa quotidie subrepant peccata quæ ex incogitantia vel ignorantia aliqua committuntur; sed Voluntarij nomine latius sumpto, admittimus tantisper axioma Augustini De Vera Relig. cap. 14. *Vsq; adeo peccatum Voluntarium malum est ut nullo modo sit peccatum, si non sit voluntarium*; & quamvis ab illa regula Augustinus excipiat peccatum illud quod etiam est pœna peccati, ut infra notabimus, nihilominus etiam hoc sensu potest statui peccatum originale Voluntarium trifariam: *Antecedenter* in primo homine; *Subjectivè* in seipso; quatenus ipsam voluntatem aliasque animæ facultates inscit & depravat; *Consequenter* in fructibus quos profert, idest in peccatis actualibus quæ ex illo manant. Nec si Doctissimus Catechistes hoc loco conjungit imputationem primi peccati, quod eatenus censemur ultrò commississe, quatenus omnes in Adamo ceu originis nostræ stirpe & fonte, per juris fictionem censebamur Rom: v, 12. eodem modo quo Levi in Abrahæ lumbis decimatus fuit Heb: vii, 9. cum habitus vitiosi per illud contracti propagatione per generationem, illas tamen confundere voluisse censendus est.

Et ex illo nascentes] Per ordinariam generationem & vi illius, eam labem

labem nativam ceu morbum hæreditarium contrahimus: Unde duplici reatu obstringimur coram Deo; primum eo qui fuit ex actuali peccato primorum parentum, quod licet actu transierit manet tamen reatu in omnibus, eo quod iuste singulis ut suum à Deo imputetur; deinde illo qui fuit ex habituali corruptione, sive ex originali concupiscentia, quæ in singulos per generationem transfunditur.

Necessariò] Nempe *necessariò* & ineluctabiliter singulis nostrum inest illa vitiositas, quam voluntariâ sua transgressione primi nostri parentes sibi & suis omnibus contraxerunt: ut cum quia voluntariâ suâ intemperie podagricus factus, hunc morbum necessariò transmittit ad suos posteros, quos illi jam obnoxius deinceps genuerit. Porro dum Vir Doctissimus ita loquitur, ostendit quod in schola Doctorum Gratiæ & Veritatis ea non sit pugna Voluntarij & Necessarij, quæ vulgò jactatur in Scholis Pelagianis & Jesuiticis; unde inter propositiones Baji à Pio v. & Gregorio XIII. damnatas in Jesuitarum gratiam & hæc fuit, *Homo peccat etiam damnabiliter in eo quod necessariò facit.*

51. *Quomodo peccatum illud est concupiscentiæ, quandoquidem ipsum deletur per Baptismum, Concupiscentia verò remanet?*

Concupiscentia ex seipsa nos avertit à Deo, ab ipso nos separat, illius nos facit inimicos, atque sic reos reddit. At reatu quem contrahimus sublato per Gratiâ sanctificantem Baptismi, quæ nobis conferendo charitatem, sive amorem Dei, nos ad Deum convertit, illa à Deo aversio per Gratiâ tollitur, sed fundus illius aversionis manet: Est instar veteris maceriei dirutæ, cujus lapides semper eodem loco manent, semper dispositi ad eandem formam recipiendam; Est fax extincta, sed quæ fumat adhuc, & facile denuò accenditur.

† *Concupiscentia*] Cæca reverentia quam Viri isti Eruditi volunt videri deferre Concilij Tridentini decreto, quod *sess. 5. can. 5.* anathemate percellit eum qui asseruerit in Baptismate non tolli totum id quod veram & propriam rationem peccati habet, effecit ut hoc loco Catechistes

noster intricatiùs paulò loqueretur: Attamen si ejus steterimus prin-
 cipiis, nihil erit in his verbis quod Orthodoxum & verum sensum,
 non queat admittere. Etenim statuit I. Concupiscentiam esse pec-
 catum originale. II. Illius esse nos à Deo avertere & reos facere
 mortis æternæ. III. Per gratiam justificationis in Christo, cujus
 signam & sigillum obtinemus in Baptismo, auferri illius reatum, ut
 scilicet nobis non imputetur ad pœnam & condemnationem coram
 Deo: Est sanè Reatus nihil aliud quam obligatio ad pœnam: Hæc
 vero consideratur vel in actu primo, ut sonat intrinsecum meritum
 culpæ ex jure Dei & legis sanctione; quo sensu respondet corporum
 gravitati, quæ illis inseparabiliter inest; vel in actu secundo, ut so-
 nat actuale subjectionem & obnoxietatem pœnæ, sive ipsammet
 condemnationem in foro Divino; quo sensu respondet gravitationi
 corporum quæ ab illis separari potest: Nec enim semper gravitant
 quæ aliàs gravia sunt: Sic non gravitabant corpora Christi & Petri,
 utut in se gravia, cum inambularent aquis: & urinatores non sen-
 tiunt gravitatem aquæ supra se, quia aqua in propria sede non gra-
 vitat: Ablatio autem reatus quoad actum primum non potest fieri
 à culpa cui inseparabiliter inest: Quamdiu enim dicis culpam sive
 ἀνομιαν & quod legi adversatur, tamdiu dicis id quod ex jure Dei &
 legis sanctione meretur mortem: Sed fit ablatio reatus quoad actum
 secundum, cum Deus peccatum remittit; hoc est indemnitate lar-
 gitur peccatori, nec pœnas illius culpæ debitas vult reposcere: Nec
 aliter intelligitur peccati remissio ab Augustino ipso in Psal. 31. *Quia*
totum gratia Christi imputatur, non meritis nostris, Beati quorum remissa
sunt iniquitates, & quorum tecta sunt peccata: non in quibus non sunt in-
venta peccata, sed quorum sunt tecta peccata: Cooperia sunt peccata, &
tecta sunt, abolita sunt. Si texit peccata Deus noluit advertere; Si noluit
advertere noluit animadvertere: si noluit animadvertere noluit punire; noluit
agnoscere, maluit ignoscere. Tecta ergo peccata quare dixit? Ut non
viderentur. Quid enim erat Dei videre peccata, nisi punire peccata? Igitur ab-
latio reatus peccati originalis sive concupiscentiæ, nihil aliud est quam
illius gratuita condonatio per sanguinem Christi, non ut non sit, sed
ut in peccatum non imputetur, ut de ea re expressè dicit Augustinus de
nupt. & concup. lib. 1. cap. 25. IV. Hanc ablationem reatus, idest hanc
remissionem peccati originalis, deberi Gratia Christi, idque bi-
 fariam:

fariam: Primò originaliter & effcienter; Profluit enim ex indebito Dei favore & amore in Christo, qui cùm non solum peccati originalis sed omnium aliorum nostrorum peccatorum pœnas in cruce sustinuerit, eo ipso nobis apud Patrem indemnitate & immunitatem ab iisdem pœnis obtinuit Rom: vii, 1. Deinde applicatiuè, obfignatiuè & consequenter; Nam iis quibus Deus decrevit remittere peccata per & propter Christum, idest quos reuera constituit iustificare gratis, confert etiam in tempore Spiritus sui Gratiam, quæ sententiam suam absolutariam insinuet eorum conscientis, & gratuitæ illius Remissionis sensum, fiduciam & certitudinem in ipsorum cordibus operetur, Rom: v, 1. 2. 3. Et quùm hæc Dei Gratia in suis non tantum insinuandæ Justificationi eorum destinetur, illisque dicendo in occulto cordis quod Christus paralytico Matt: ix, 2. *Confide fili remissa sunt tibi peccata tua*; sed etiam promovendæ intrinsecæ eorum Sanctificationi, & inhærentis concupiscentiæ jam condonatæ quoad reatum, viribus paulatim atterendis & coercendis, haud immeritò Gratia Dei, cui tribuitur ablatio reatus nostri, idest remissio peccatorum, etiam gratia *sanctificans* dicitur; licet Justificatio cuius fidem & certitudinem accendit, & quæ in reatus ablatione sita est, à Sanctificatione, quæ non reatum spectat sed maculam peccati, veniat distinguenda: Gratia igitur sanctificans aufert reatum, licet non formaliter quæ sanctificans; cùm Reatus ablatio ad Iustificationem pertineat; ad Sanctificationem verò corruptionis nativæ coercitio & maculæ deterfio. V. Hanc Dei Gratiam cui & peccatorum remissionem & Regenerationem in novam vitam, sivè Sanctificationem nostram, debemus, significari, obfignari, & suo sensu conferri in Baptismo; etsi nihil hîc *de opere operato* velit Vir Doctus à nobis somnari: Nam baptizamur ut in remissionem peccatorum Luc: xiii, 3. Act: ii, 38. xxii, 16. sic etiam in renovationem per Spiritum Sanctum, quæ paulatim procedit, & nonnisi in morte consummatur Tit: iii, 5. 2 Cor: iv, 16. Utrumque beneficium & Iustificationis & Sanctificationis in Baptismo significari & obfignari, non ininùs quam olim in Circumcisione Rom: iv, 11. Col: ii, 11. satis expressè docet Paulus 1 Cor: vi, 16. VI. Per Regenerationis gratiam & Spiritum adoptionis excitari quidem in cordibus nostris Dei amorem & pietatis studium, cujus vi paulatim mortificatur

vetus homo, sed interim ipsam inhaerentem Concupiscentiam manere donec sanetur omnis infirmitas nostra, proficiente renovatione interiori huius de die in diem, cum exterior induerit incorruptionem, ut loquitur Augustinus lib. 1. de nupt. & conc. cap. 25. VII. Concupiscentiam quæ remanet in baptizatis, sive regenitis, esse verè & propriè concupiscentiam originalem, licet ablato jam reatu illius per sanguinem Christi ipsis non imputetur amplius ad condemnationem. In eum enim qui regenerantur in Christo, cum remissionem accipiunt prorsus omnium peccatorum, (inquit ibid. Augustinus cap. 26.) utique necesse est ut reatu etiam huius licet adhuc manentis concupiscentia remittatur, ut in peccatum non imputetur. Etenim ille fundus qui remanet aversionis à Deo, ille verè fundus nostræ calamitatis, illa affectio quædam mala qualitatis sicut languor, uti dicitur Augustino, illa fax adhuc fumans & quæ denuò facile accenditur, cum non sit ex Patre sed ex mundo 1 Joh. 11, 16. eo ipso inter mala moralia adeoque & peccata propriè dicta debet computari, ex Augustini & Jansenitarum principijs. Quapropter illam concupiscentiam remanentem in baptizatis etiam Deum odisse ex Augustino in Psal. 35. cogitur agnoscere Becanus de pecc. orig. quest. 3. Igitur doctrina ipsa Viri Docti vera est & sana, etsi eam minùs explicitè proposuerit; quod non auderet palam & directè Conciliabuli Tridentini Anathematismis refragari, quamvis illos ex suis Principiis detestetur ac detestari debeat.

Est instar] Similitudines illustrant, non probant. Non enim Concupiscentia in regenitis substantialiter manet. (inquit Augustinus V. S.) sicut corpus aliquod aut spiritus, sed affectio est quædam mala qualitatis sicut languor. Interea duplex hæc similitudo potest spectari, vel quoad concupiscentiæ reatum, vel quoad peccati inhabitantis dominium & regnum. Ille est ita ablatus quoad actualem obnoxietatem condemnationi, ut tamen semper remaneat obligatio ad pœnam in actu primo (Reatus potentialis dici potest) idest meritum intrinsecum pœnæ; Hoc verò ita est sublatum & extinctum, ut tamen sepositâ Gratiâ Dei cohibente & sanctificante, facillimè posset reparari. Quò illud spectat Augustini lib. 2. de pecc. merit. cap. 26. Illud præcipuè attendere ac meminisse debemus, tantummodo peccatorum omnium pœnam persæctamque remissionem baptismo fieri, hominis verò qualitatem non totam commutari. Nemo repente fit sanctissimus.

52. *Quare Deus nobis concupiscentiam relinquit?*

Ut nos in humilitate contineat & nobis olim in cœlo det coronam victorię : Nulla autem obtinetur victoria quin pugnetur, nec pugnatur, quin hostes sint. Est vero Concupiscentia ille hostis contra quem continuò pugnare debemus; Morbus est qui nonnisi paulatim sanatur, & ex quo nonnisi in Cœlo perfectè liberamur.

† *Vt nos in*] Hęc ostendunt nec Concupiscentiam potuisse convenire homini integro, ut volunt Jesuitę assertores purę naturę ex Pelagio, & eam quę in regenitis remanet esse adhuc peccatum, contra quam statuunt Patres Tridentini, quandoquidem coerceri, impugnari & vinci debeat per Gratiam. Etenim ut nihil hostile & impugnandum potuit inesse homini integro, ita quicquid tale est in regenitis, vitiosum & peccaminosum censeretur debet.

53. *Quinam sunt effectus Concupiscentiæ?*

Sunt omnes motus inordinati quibus ferimur ad amorem & fruitionem Creaturarum.

† *Sunt omnes*] Suprà enim monuimus Concupiscentiæ nomen hoc loco ad rei venereę appetitum non debere restringi.

Et fruitionem] Uti enim licet illis, frui non licet. Nam frui est amore alicui rei inhaerere propter seipsam; Vti autem, quod in usum venerit, ad id quod amas obtinendum referre, Augustino finitore lib. 1. de doct. Christ. cap. 4. Ideo Jansenius lib. 2. de statu nat. lap. cap. 16. id suscipit probandum, quod Creatura rationalis nullâ re creatâ frui potest, secundum doctrinam Catholicam. Huc disertè facit locus Pauli 1 Cor. x, 31. Siue manducatis siue bibitis, siue quid facitis, omnia ad gloriam Dei facite.

54. *Sunt ne illi peccata?*

Peccata non sunt nisi illis consenserimus, & cum resistimus sunt occasiones meriti.

† *Peccata non sunt*] Hic iterum Vir Doctus, voluit cum melioribus sapiendo loqui tamen cum vulgo. Nolit sibi tam turpiter contradicere,

tradidere, ut pertendendo Concupiscentiam habitualement esse peccatum morte æternâ dignum, neget tamen absolutè esse peccata illius actus & motus; aut sibi imaginetur mali corui malum ovum non esse: Etiam Paulus regenitus illos Concupiscentiæ motus cum malos & peccaminosos in se ipso detestabatur Rom: vii, 14. 15. 16. & seq.: Imò in Iansenitarum Schola Concupiscentiæ motus etiam in-
deliberati sunt peccata, ut fusè probat ipse Janſenius *de statu pura nat. lib. 2. cap. 14. & seq.* Aliàs enim ni mali essent, illis non resistendum, sed consentiendum foret. Huc facit illud Augustini lib. 4. in Iul. cap. 8. *Cur resistitur Concupiscentiæ, nisi ne impleat desideria mala: Quo modo igitur bona est? nec non & illud de nupt. & conc. lib. 1. cap. 27. Agit aliquid concupiscentia carnis & quando non exhibetur ei vel cordis assensus ubi regnet, vel membra velut arma quibus impleatur quod jubet; agit autem quid, nisi ipsa desideria mala & turpia? Non enim si bona & licita essent, eis obedire prohiberet Apostolus, dicens Non regnet peccatum in mortali vestro corpore ad obediendum desiderijs ejus. Igitur Authori nostro peccata esse negantur hi motus cum illis resistitur, Primò quia quamdiu illis resistitur, ac isti Babelis parvuli eliduntur ad Petram, tamdiu Concupiscentia abortit, nec potest peccatum consensu pleno vel etiam externo opere consummatum parere Jac: 1, 14. 15. Quò facit istud Augustini in Psal. 136. *Qui sunt parvuli Babylonie? nascentes mala cupiditates: &c.* Igitur ne cupiditas nequam primæ consuetudinis robur accipiat, cum parvula est, elide illam: Sed times ne elisa non moriatur, ad Petram elide: Petra autem erat Christus. Non sunt igitur ergo hi motus peccata, supple consummata & opere completa; quò sensu peccatum, ut partus, à concupiscentia illud concipiente distinguit Jacobus. Secundò, quia hi motus in regenitis qui illis resistunt per Dei gratiam Authori nostro non sunt peccata, quomodo ipsa Concupiscentia in regenitis peccatum non est; non quod non sit *avopia*, sed quod non imputetur illis in peccatum, quippe quæ reatu transierit, etsi maneat actu.*

Sunt occasiones] Nomen Meriti catechresticè hîc usurpari, sensu frequentissimo apud Veteres, pro bono opere, ut etiam aliquoties in sequentibus Erot. 62. & 63. res ipsa loquitur. Etenim agnoscunt isti Eruditissimi Viri, quod ubi plus est gratiæ ibi minus sit meriti: Verba ipsius Janſenij *de Grat. primi hom. cap. 16.* haud pigebit annotare, ex quibus

ex quibus constabit omnia merita propriè dicta & de condigno, quæ Jesuitæ tantopere urgent, in Schola Janfenitarum, siue potius Gratiæ, planè evanescere: Is ergo sic loquitur; Quo meritum maiorem includit & supponit gratiam ejus, à quo merces ejus expectanda est, tanto minus rigorosa justitia meritum est; (idest tanto minus habet condignitatis) & è contrario quo aliquid magis gratia datur, eo mercedis ratio minus est rigorosa; (ut vel hinc ineptiant Pontificij qui merita operum constabilturi mercedem gratuitam nobis promissam solent urgere.) Merces enim id propriè est quod operi siue merito ex justitia debitum est; juxta illud Apostoli, Si autem gratia jam non ex operibus, alioquin gratia non est gratia. Hoc est, si aliquid gratis alicui datur, jam non datur ex operibus siue merito, quia meritum repugnat quodammodo (hæc restrictio addita est propter metum non Judæorum sed Phariseorum Meritoriorum in Papatu) gratia; Vnde & alibi idem Apostolus, Ei qui operatur merces non imputatur secundum gratiam, sed secundum debitum: quasi diceret, Qui opus aliquod ex se facit non donatum sibi per gratiam alterius, illi merces datur non ut gratuita, sed tanquam debita, quia merces est id quod debetur; unde ut tale sub illa consideratione repugnat gratia. Itaque cum omnia nostra bona opera omnes resistantiæ nostræ carni & peccato, in solidum, juxta fortes hos Gratiæ defensores, Gratiæ Dei in nobis agenti debeantur, eo ipso nihil meriti propriè dicti & de condigno habent, nihil mercedis debitæ consequuntur. Porro motus Concupiscentiæ non ideo desinuit esse peccaminosi & vitiosi quòd nobis cedunt in materiam vel occasionem meriti, idest boni alicujus operis & Deo grati; cum potius eo ipso hostis sit malus, quòd ei resistere & eum vincere bonum sit & laudabile.

55. *Licet-ne ullam Creaturam propter seipsam amare?*

Non: Hoc enim esset ponere Creaturam in locum Creatoris, eam faciendo finem nostrum ultimum & beatitudinem nostram; quod soli Deo convenit.

56. *Quomodo ergo licet amare Creaturam?*

Propter Deum, illam ad Deum referendo, nec illà utendo nisi ex necessitate, aut animo satisfaciendi officiis Charitatis; Cor.
suum.

suum illi non adstringendo; nec pro illa habendo amorem fixum, sed qui ab illa ad Deum transeat.

† *Hoc enim esset*] Fusè ostendit Jansenius lib. 2. de statu nat. lapsæ passim, sed maximiè cap. 19. & 20. tum à priori tum à posteriori quod illicitus sit amor cujusvis Creaturæ propter ipsam, quo plenius ostendat omnes concupiscentiæ motus quibus ad Creaturas revocamur & voluptatem ex illarum fruitione quærimus, esse peccaminosos & vitiosos. Ita autem volunt Eruditi Viri ostendere contra Jesuitas, & Concupiscentiæ locum non potuisse dari in statu naturæ integræ, & ita remotos esse vel perfectissimos in via hujus vitæ à perfectione & impeccantia Pelagiana, adeoque ab ea operum justitia quâ niti possint coram Deo, ut non solum propter incertitudinem propriæ justitiæ, ut videtur concedere Bellarminus lib. 5. de iustif. cap. 7. sed etiam propter certitudinem propriæ injustitiæ, cujus omnes qui se ad hanc officij normam exegerint sibi probè erunt conscij, tuisimum sit fiduciam totam in Dei misericordia & benignitate, omneq; meritum in Christi merito & satisfactione, reponere.

Propter Deum]. Verè enim & benè dictum ab Augustino, lib. 14. de Civit. Dei, cap. 28. Secernunt civitates duas amores duo; Terrenam scilicet, amor sui usque ad contemptum Dei; cælestem vero amor Dei, usque ad contemptum sui. Vide annotata ad Eros. 53.

57. *Quæ - nam sunt pænæ Concupiscentiæ?*

Ignorantia, error, difficultas agendi, & tandem mors.

† *Ignorantia*] Hæc tria priora, habent rationem pænæ respectu Dei, hominibus peccato mancipatis, justo suo judicio denegantis lumen fidei, & vires gratiæ ad benè operandum: Et ita sunt à peccato & Concupiscentia meritoriè; Sed quatenus ab eadem sunt emanativè, & quasi illius vel partes vel necessaria adjuncta, & respectu hominum ipsorum quorum sunt, habent rationem vitij & culpæ. Vide Eph: 14, 17. 18 19. Ignorantia hic intelligitur etiam simplicis negationis, sed in rebus scitu necessarijs, & quas nescire nemo debet: Error significat ignorantiam prævæ dispositionis; Difficultas agendi, supple benè, absolutam notat impotentiam, ut impotentia opponitur

opponitur potentia privativè, non vero positivè, prout sonat potentiam diminutam. Est impotentia benè agendi, qualis est videndi non in myope aut lippo, sed in cæco. Ideo suo loco visum Gratiam Christi esse necessariam homini non solum, quod volebat Pelagius, ad facilius, sed omnino & simpliciter ad ea agenda quæ bona sunt: Huc facit passim Scriptura Jer: xlii, 23. Matth: vii, 18. Joh: xv, 5. Rom: vii, 7. 1. Cor: ii, 14. 2. Cor: iiii, 5.

Et tandem mors] Est igitur concupiscentia peccatum mortale, contra quam disputat Bellarminus lib. i. de amiss. gr. & statu pec. cap. 9. adeoque omnis distinctio peccati venialis & mortalis ex natura rei, quæ tantoperè obtinet in Papatu, ideo venit rejicienda, quod mors sit stipendium peccati, eo ipso quod peccatum est Rom: vi, 23.

58. Num ignorantia ejus quod sciri nequivit excusat nos à peccato?

Distinguendum est: Ignorantia facti particularis, nec non juris alicujus ab hominibus sanciti, nos excusat à peccato: Exempli gratiâ is qui non jejunat, cum nequivit scire indictum esse jejunium, non peccat. Sed ignorantia juris divini & naturalium quæ nobis imponit ordo naturæ, ut agnoscendi & colendi unum solum Deum, ac neminem lædendi, nos non excusat à peccato. Sic Ethnici minus illuminati, non desinunt esse rei ob Deum non cognitum & adorata idola, etsi eum nosse non potuissent: nam talis ignorantia est semper pœna præcedentis peccati.

† *Ignorantia facti*] Hæc excusat nisi supina nimis, vel quod pejus est affectata fuerit, aut agens ex ignorantia dederit operam rei illicitæ. Ita non potest excusari ab adulterio, quæ alium admisit quam virum suum, hoc prætextu quod nesciverit virum suum non esse, ubi causæ ullæ suberant debitandi, aut suspicandi contrarium. Ita non potest excusari à parricidio, ut falsò pertendit Bresserus Jesuita, cum suis gregalibus quos fuscè citat lib. 5. de Consc. cap. 12. qui alium hominem occidere volens, proprium suum patrem, etsi eum nesciverit

esse, occiderit. Ita nullo modo excusatur, ut idem Bresserus *ibid.* vellet, ab adoratione teterrima diaboli, casu quo appareret formâ crucifixi, quia in adoratione crucifixi dat operam rei illicitæ & se exponit illi Satanae illusioni per quam crucifixi formam mentitus honores Divinos consequitur; prout nec ab Idololatria excusatur qui adorat hostiam in manu Sacrificuli putans esse Christum; quod præter ignorantiam juris, sit quoque ignorantia facti nimis supina & crassa, eo quod ne levissimâ quidem præsumptione quis sanæ mentis queat suspicari vel crustum esse Christum, vel Deum esse id quod manducatur.

Nec non juris] Juris positivi ignorantia tum demum excusat à toto, si ad illius cognitionem nullo modo tenebaris, ac omninò invincibilis illa fuerit; Aliàs enim etiam in foro externo, illud obtinet quod legitur in *Sexto de Reg. juris, Ignorantia facti excusat, non juris.*

Sed ignorantia] Idem fuscè docet Jansenius *lib. 2. de statu nat. lapsæ, cap. 2. & seqq.* Quod opponitur doctrinæ Jesuitarum ex Pelagio hausta, quâ statuunt, ut ipsis objicitur à Sorbonistis in *Theol. Morali Iesuit. cap. 1. §. 3.* non posse lethale peccatum esse ullam actionem nisi ab eo fiat qui viderit, noverit, penetraverit quicquid ei boni vel mali inest; eo quod ante talem perquisitionem & reflexionem super voluntate hominis veritatis per agentem, actio istius voluntaria non sit; unde sequeretur nunquam ex ignorantia peccari posse.

Vi agnoscendi & colendi] Non excusantur igitur ab Idololatria Pontificij, qui tam graviter & multipliciter impingunt in illud Juris naturalis axioma, Neminem præter suum & verum Deum, coli & adorari debere: Et quis scit num fortè Vir Doctus hoc exemplum expresse proposuerit in Catechismo Gratia, quo ejusdem Gratia lumine, homines suæ communionis indirectè tam gravis criminis admoneret, et si ex ignorantia juris non tantum nesciant se errare, sed insuper existiment in Creaturarum multiplici cultu religioso ipsius Nominis sanctissimam *Synonyma* sitam esse; ut olim evenit Gentilibus Rom: 1. 21. 22. 23.

Esi eum nosse] Nota est distinctio in ignorantiam vincibilem & invincibilem: Illam demum Jesuitæ agnoscunt culpabilem, hanc vero inculpabilem statuunt; unde in infidelibus, in hæreticis, imò, uti loquuntur, in *fidelibus* multis pertendunt dari ignorantiam invincibilem

nec culpabilem myſteriorum fidei, quod videre eſt apud Martinum Breſſerum, *lib. 5. de Conſe. cap. 9. & 10.* Eam vero ignorantiam invincibilem faciunt inculpabilem, quia, ut Breſſerus loquitur *cap. 9.* *Culpabilis verè non poteſteſſe ignorantia, vel quidvis aliud, quod ſub ratione culpa cognitum itaque voluntarium non fuit: Quo axiomate continetur purus putus Pelagianifinus, cùm ſolemne Pelagianorum dogma fuerit, Oblivionem & ignorantiam non ſubjacere peccato, ut conſtat ex Auguſtino de geſtis Pelagij cap. 18. quod Pelagianos nonniſi de ignorantia invincibili intellexiſſe ſulè probat Janſenius lib. 2. de ſtatu nat. lapſe cap. 2. qui hoc ſibi ſumit probandum, Ignorantia etiam qua neceſſitatis eſt, non voluntatis, hoc eſt invincibilis, non caret peccato; ut dogma fidei ab antiquis traditum. Unde colligit voluntarium & liberum non ita eſſe de eſſentia peccati, quin etiam peccatum poſſit omninò neceſſarium ſtatuì, licet id in gratiam Pelagiano-Jeſuitarum duo Pontifices Romani condemnarint; & cap. 4. ad axioma Auguſtini quod retulimus ſuprà in Scholijs Erot. ſo. reſpondet per diſtinctionem Auguſtino familiarem, inter peccatum quod tantummodo peccatum eſt, quale fuit peccatum primi hominis, & illud quod ſic peccatum eſt ut etiam ſis pœna peccati; adeoque illud ex libertate quidem abſoluta commiſſum fuiſſe, hoc vero ex multiplici neceſſitate, concupiſcentiæ, ignorantiz &c. perpetrari.*

Nam talis ignorantia] Juris Divini ignorantia invincibilis, ſemper eſt culpabilis, tum *antecedenter*, quia eſt pœna præcedentis culpæ, tum *conſequenter*, quia plures ex illa & graviore culpæ deinde oriuntur: unde licet comparativè excuſet à tanto Act: 111, 17. 1. Tim: 1, 13. abſolutè tamen non excuſat à toto. Sæpè etiam culpabilis eſt *formaliter*, ut cum ignorantur ea quæ ſunt juris naturalis, cujus cognitionem expreſſam, ut pote nobis in prima creatione inditam, Deus exigit meritò, & pro gravi habet peccato ſi deſuerit. Talis fuit ignorantia Ethnicorum; Licet enim non potuerint ob innatam corruptionem aſſurgere ad ſalutarem Dei cognitionem, & ὁ θεὸς τοῖς ἔθνεσιν Dei ipſis manuſtatam tam ſubjeſſivè, per κοινὰς ἐννοίας in eorum mentibus reſiduas, quam *objeſſivè*, per creaturas eorum contemplationi expoſitas, quarum nulla eſt quæ Creatorem non loquatur, ſuſceperit quidem ad eorum inexcusabilitatem, non potuerit verò ſufficere ad illorum ſalutem, quæ ſine Chriſti cognitione & fide obtineri

nunquam potest A&: xv, 12. Attamen hæc illorum ignorantia quæ
 notatur A&: xv 11, 30. Eph: iv, 18. fuit in se & formaliter culpabilis,
 quamvis ipsis invincibilis, quia ad eam expugnandam omninò tene-
 bantur: Ita illorum quibus externè saltem annuntiatur Christus, in-
 ternè vero Gratia indebita credendi non confertur (& quanto magis
 illorum quos Deus occulto suo iudicio scotomate illo percutit cujus sit
 mentio Esa: vi, 9. 10. 2. Thess: ii, 11. 12.) incredulitas est invincibilis,
 sed nihilominus *formaliter* etiam culpabilis, quia Deo ipsis revelanti
 Christum & præcipienti ut respicerent & in eum crederent, & cre-
 dere & obedire tenebantur: Hic enim juxta simile debitoris qui de-
 coxit suo vitio, commodissimè allatum ab Erudito Catechista E-
 rot. 9. non attenditur quid possint homines, sed quid debeant, eo
 quod illa eorum impotentia sit malum morale, in quo sibi compla-
 cent & quod suo jumento sibi adduxerunt Ioh: ix, 41. At ignorantia
 Jesu Christi & ipsius Redemptionis, in ijs quibus Euangelium non
 fuerit annunciatum, est quidem invincibilis Rom: x, 14. 15. & ni-
 hilominus culpabilis tam antecedenter quam consequenter; attamen
formaliter culpabilis non est; cùm in rebus fidei quæ ex supernaturali
 revelatione pendent, nemo plus credere teneatur quam ipsi revelatum
 Dei verbo fuerit. Hinc talium incredulitas merè negativa nonnisi de-
 ficienter se habet ad eorum condemnationem, quia si adfuisset fides
 servati fuissent, ut dicebat Maria Christo Ioh: xi, 32. *Domine si fuisses
 hic non fuisset mortuus frater meus*: Sed aliorum incredulitas, ceu privati-
 va & importans carentiam fidei debitæ inesse, quia illis fuerit an-
 nunciatum Euangelium, ipsis cedit meritorie & efficienter in æternæ
 damnationis causam, quò facit regula Pauli Rom: ii, 12. Porro dum
 Eruditus Catechista statuit Gentiles non potuisse Deum cognoscere
 ad salutem, eo ipso rejicit axioma Jesuiticum de Gratia sufficienti
 semper præfenti omnibus adultis, etiam maximis peccatoribus, ex-
 cœcatis & induratis, nec non amentibus & infantibus omnibus in u-
 tero, quam ore impudenti & plusquam Pelagiano defensam & asser-
 tam à Tirino, juxta placitum suorum, *Faciendi quod in se est non denega-
 tur ulterior Gratia*, refutatam dedi adversus ipsum Cont. xiv, n. 11. 12.
 & 13. Hinc Jansenius contra Jesuitas lib. 3. de Gratia Christi salu. cap. 1.
 ostendit nullum dari auxilium sufficiens post lapsum quin simul efficax sit;
 & cap. 10. probat excœcatos & obduratos carere gratia sufficienti quâ vi-
 deant

deant & moveantur ad bonum; & cap. 11. infideles carere gratiâ sufficienti ad salutem tam proximâ quam remotâ & omnibus principijs ejus; & cap. 12. gratiam sufficientem infidelium à Semipelagianis excogitatam esse; ne Iesuitarum Patriarchas extra Hæreticorum colluviem quærere debeamus.

59. Si homo non peccasset, non-ne mortuus fuisset?

Non: Mors enim nonnisi per peccatum ingressa est mundum: Et cum mors supplicium sit, ei adjudicare innocentem justitia Divina non posset. Nequit anima à corpore per mortem separari, quin prius separata sit à Deo per peccatum.

60. Quid ergo futurum fuisset de homine?

Providentia Divina prospexerat illi de quodam fructu vitæ qui cum à morte præservasset, & post annos complures scelicet vitæ non exutus fuisset suo corpore, sed immortalitate indutus.

† Non: Mors enim] Hinc liquet quàm præposterè Iesuitæ, ad quos accedunt hodierni Sociniani, negant primi hominis immortalitatem naturalem fuisse, ut disputat Bellarminus de grat. pr. hom. cap. 9. asserunt mortem à natura esse ut à causa per se, ut idem Bellarminus ibid. cap. 6. imò eoque procedunt impudentiæ ut per suum Garassum, in summa Theol. lib. 3. cum tandem fuisse moriturum ore rotundo affirmant, securi ejus quod docet passim Scriptura stipendium peccati mortem esse, & Anathematis quod in Pelagianos strinxit Concilium Milevitanum can. 1. Quicumque dixerit Adam primum hominem mortalem factum, ita ut sive peccaret sive non peccaret moreretur in corpore, non peccati merito, sed necessitate natura, Anathema sit. Sanè constat inter Christianos veraciter Catholicam tenentes fidem, etiam ipsam nobis corporis mortem, non lege natura quâ nullam mortem homini Deus fecit, sed merito insipientiam esse peccati. Quoniam peccatum vindicans Deus dixit homini in quo tunc omnes eramus, Terra es & in terram ibis, inquit Augustinus lib. 13. de Civit. Dei cap. 3. Et quamvis prima illa immortalitas Adami fuerit posse non mori, adeoque novissima beatorum multò major sit futura, nempe non posse mori, ut docet idem Augustinus lib. 22. de Civit. Dei, cap. ult. & de corrept.

& grat. cap. 12. saltem illa immortalitas tam naturalis erat primo homini quàm à natura erat immunis à peccato; ut nonnisi animo velificandi Iesuitarum Pelagianismo Pius v. & Gregorius xiiii. hanc propositionem inter cæteras damnaverint, *Immortalitas primi hominis non erat Gratia beneficium, sed naturalis ejus conditio*; etsi de ea propositione per illos damnata gloriatur Becanus tract. 5. p. 1. Theol. Sch. cap. 4. q. 1. Hinc etiam liquet mortem omnem pœnam esse peccati, vel imputati ut in Christo, vel proprij ut in nobis: Licet enim mors non sit amplius pijs pœna personalis, aut vindicativa, sed transitus ad vitam meliorem, ipsis tamen adhuc est pœna tum naturalis, cui tota natura obstricta fuit ex peccato, tum ipsis medicinalis, per quam peccatum inhabitans tollatur & necetur: Sed & hinc patet peccatum aliquod remanere in infantibus recens baptisatis, contra quam vulgus Pontificiorum docet, eo quod miserijs vitæ ac doloribus mortis adhuc subsunt.

Fructus vitæ] Qui per consequens, juxta Eruditi Catechistæ principia, non debuit arcere mortem, tanquam remedium naturaliter prophylacticon mali aliàs naturaliter eventuri; nam *contra vim mortis non est medicamen in hortis*; sed fuit illi in pignus, Symbolum & Sacramentum fœlicis illius vitæ continuandæ in Paradyso terrestri, & absolutæ immortalitatis tandem in ipso cœlo obtinendæ, commutatâ immortalitate vitæ, cum immortalitate patriæ, si modo in obedientia perseveraret, nec horsum vel illorsum à Lege sibi posita deflecteret; quæ est non solum nostrorum communis sententia, sed etiam Vatabli & Eugubini inter Pontificios. Et sanè illa *præservatio à morte*, quam Vir Doctus vindicat isti fructui, potest intelligi non physica & medicinalis, sed moralis, sacramentalis & significativa: Quod & elucidandæ doctrinæ Sacramentorum, contra vulgaria Papatus dogmata, potest inservire. Sed hæc aliò spectant.

DE PRÆDESTINATIONE.

61. Quid est Prædestinatio?

EST præparatio Gratiarum quibus Deus infallibiliter liberat quos vult ex æterna illa perditione cui suberant per lapsum primi hominis, ut eos per infallibilia media deducat ad vitam æternam: Est dispositio in Idea Dei rerum quas facturus est in gratiam suorum Electorum ad eos certò ad gloriam adducendos: Est Dei propositum ab æterno factum quosdam eligendi ad gloriam æternam, illisque dandi media eò perveniendi.

† *Est præparatio*] Varias has descriptiones Prædestinationis æternæ sigillatim excutere nihil attinet. Prior ferè concepta est ipsius Augustini verbis, quæ extant *de bono persever. cap. 14.* ubi eam definit *Præscientiam & præparationem beneficiorum Dei quibus certissimè liberantur, quicumque liberantur.* Bellarminus, qui solus à Jesuitarum suorum turba dissentit *lib. 2. de Gr. & lib. arb. cap. 9.* statuit quod ex doctrina Augustini ita Prædestinatio posset definiri; *Prædestinatio est Providentia Dei quâ certi homines ex massa perditionis misericorditer selecti, per infallibilia media in vitam diriguntur æternam.* Eo quoque redit noster hîc Author, de cujus verbis nihil præterea venit monendum, nisi quod 1. Prædestinationis nomen hîc sumit specificè pro Electione, quâ positâ sequitur necessariò Reprobatio, quæ est altera species Prædestinationis, licet non per non omnia univoca; Unde meritò causæ Gotteschalcianæ hodierni vindices duplicem Dei Prædestinationem propugnant, altera ad vitam altera ad mortem, juxta Concilij Valentini *Canonem 3.* cui prælulerunt Augustinus *lib. 15. de C. D. cap. 1.* Prosper *in resp. 14. & 15. ad capitula Gallorum*, Fulgentius *ad Monimum lib. 1. cap. 14.* 11. Optimè Prædestinationis objectum assignat homines non in massa Redemptionis per Christum, ut censent nonnulli Semipelagianismi interpolatores; vel in massa aut creationis aut creabilitatis per Deum, ut supra lapsarii volunt, quos haud ita pridem coacti fuimus publicè refutare;

cè refutare; sed in massa lapsus & corruptionis per Adamum, ex qua solum possunt fieri vasa misericordiæ & iræ; quæ sententia est Ecclesiarum Reformatarum, earum Confessionibus expressa, & tam apertè propoſita in Canonibus Synodi Dordracenæ, ut nemo id negare audeat qui vim suæ conscientiæ facere noluerit: Ea quoque constans est sententia Augustini passim, præsertim *epist. 157.* Meritò videretur injustum quod sunt vasa iræ ad perditionem, si non esset ipsa universa in Adam massa damnata; Quod ergo sunt nascendo vasa iræ, pertinet ad debitam penam; quod autem sunt renascendo vasa misericordiæ, pertinet ad indebitam Gratiâ. Item, Notas etiam fecit divitias suas in vasa misericordiæ; ita enim quid præstetur sibi discit gratis justificatus, dum non suo merito, sed gloriâ largissima Dei misericordiâ discernitur à damnatis, cum quo eadem justitiâ fuerat & ipse damnandus. Tam multos autem nasci voluit, quos ad suam Gratiâ non pertinere præcivit, ut multitudine incomparabili plures sint illis, quos in sui regni gloriâ filios promissionis prædestinare dignatus est; ut etiam ipsâ reſectorum multitudine ostenderetur, quam nullius momenti sit apud Deum justam quantalibet numerositas justissimè damnatorum: atque ut hinc etiam intelligant qui ex ipsa damnatione redimuntur hoc fuisse debitum massa illi universa, quod tam magna ejus parti redditum cernerent. Plura Antiquitatis testimonia non congeram: Sufficiat quod Iansenius *lib. 9. de Grat. Christi, cap. 9.* ex Prædestinationis Sanctorum definitione Augustiniana, quam suprà retuli, colligat, Electionem seu Prædestinationem hominum gratuitam, juxta S. Augustini doctrinam, à Deo factam esse post prævisum peccatum, cujus iniquatione damnandi videbantur & à cujuseram damnatione liberandi: Decretum enim liberationis concipi non potest, nisi prævisâ servitute; sicut nec decretum sanandi aliquem nisi prævisâ agnitione, quæ essentialiter liberatio sanatioque supponunt. 111. Prædestinatione infacit, certam, infallibilem, peremptoriam, irrevocabilem; adeoque suo sensu absolutam non ex fide vel operibus prævisis, ut Pelagiani, Sociniani, Iesuitæ, & ex utrisque Remonstrantes statuunt, sed ad fidem & opera, adeoque salutem æternam, per illa licet non propter illa obtinendam.

62. Prædestinavit-ne Deus ante prævisâ merita?

Ita: Quia merita sunt effecta & consequentia Prædestinationis: Cum enim merita sint propriè dona & munera, quæ nobis Deus

Deus largitur, & media quæ offert ad nos ad Gloriam adducendos, de illis medijs non disponit quin prius constituerit de ijs ad finem deducendis quibus illa dat. Non decrevit producere merita in suis Sanctis virtute invincibili Efficacis Gratia, & illa merita coronare speciali dono Perseverantiæ finalis, nisi postquam decrevit eos Gloriæ suæ participes efficere.

† Ita: Quia merita] Quam catachresticè Author noster utatur nomine meritorum, imò quam aduersetur doctrina Gratia, quam propugnat, operum meritis, antea monui: Merita ergo hoc loco intelligit opera bona, quæ vulgò, sed perperam, merita appellantur. Ipse Vega lib. 8. de Iustif. cap. 8. agnoscit quandoque usurpari apud Patres nomen meriti, ubi nulla ratio est meriti neque de congruo neque de condigno. In hac autem doctrina petit Author jugulum caulæ Jesuiticæ de Prædestinatione ex prævisis operibus, quam mordicè solent omnes Jesuitæ propugnare ex Pelagij placitis quæ & hic nostris Remonstrantibus propinarunt; videatur Jesuita Becanus vehementer pugnans pro ea sententia quæ hic damnatur p. 1. Theol. Sch. cap. 14. q. 4.

Sunt effecta] Idem de fide quoque statuendum, cum charitas ex fide non ficta oriatur 1. Tim: 1, 5. Hæc doctrina quæ Electionem facit merè gratuitam & ex solo Dei beneplacito, hominum miserrum & perditorum in Adamo, non ex prævisis operibus & fide, sed ad fidem & opera multis nritur Scripturæ sacrae testimonijs, Matthe: xi, 25. 26. 2. Tim: 1, 9. Rom: viii, 29. ix, 11. 12. Eph: 1, 4. Act: xiii, 48. 1. Cor: viii, 25. Nec possunt hic Jesuitæ non esse *αὐτονομία* ex quo ipse Bellarminus lib. 2. de grat. & lib. arb. cap. 10. probavit ex divinis literis Prædestinationis nullam esse causam in nobis; & cap. 11. & 12. idem probari docuit tum ex traditione Ecclesiæ, tum rationibus ex Scriptura & traditione depromptis. Syncretismus reliquorum Jesuitarum cum Pelagij reliquijs in oppugnanda Electione hominum seu completa Prædestinatione, graphicè descriptum qui volet videre, adeat Janßenij Stateram, cap. 1.

Cum enim merita] Jam autem benè ad hanc rem dixit Augustinus de grat. & lib. arb. cap. 6. Si Dei dona sunt merita tua bona, non Deus coronat merita tua, tanquam merita tua, sed tanquam dona sua. Et eleganter

ganter Bernardus de grat. & lib. arb. Quis est qui ignorat Dei justitiam? Qui seipsum justificat; qui merita aliunde quam à gratia præsumat. Merita donat qui fecit quibus donaret. Et quæ dicimus nostra merita, spei sunt seminaria, charitatis incentiva, occulta Prædestinationis indicia, futura felicitatis præsagia; via Regni, non causa regnandi.

Quin prius] Non utique ordine temporis; nam uno eodemque decreto immutabili Deus & finem & media ad illum suis Electis decrevit; nec malè pertendit Jansenius lib. 9. de Grat. Christi salvat. cap. 2. quod Prædestinatio non magis ex ratione sua respiciat & includat medium quam finem, nec magis finem quam medium; sed duntaxat pro nostro concipiendi modo & in signo rationis. Saltem hæc duo Axiomata sunt hîc æternæ veritatis; 1. Destinans Deus ad finem, destinat ad media. 11. Deus nemini destinat media, nisi ei quem ad finem destinavit.

Virtute invincibili] Ut vero benè hinc sequitur illam virtutis invincibilis Gratiâ efficacem solis demum Electis destinari, ita hinc quoque collige justitiâ & sanctificationem veram, quæ ex illa demum manat, in reprobos cadere non posse: de quo antea inonui ad Eros. 40. & 41.

Speciali dono] Perseverantiâ esse donum merè gratuitum quod sub meritum non cadit, vel ipse Becanus Jesuita agnoscit tom. 1. p. 2. Theol. sch. tract. 4. cap. 5. q. 7. Quod si Perseverantiâ quâ Deus coronat merita nostra sub meritum tamen non cadit, utique nec sub meritum cadet ipsa vita æterna, ut vulgò creditur, quâ nempe Deus & Obedientiâ & Perseverantiâ suorum certissimè coronat. Valeat ergo hîc nostri Catechistæ Doctissimi ex Augustino cap. 17. de bono persever. conclusio; Ista sua dona quibuscunque Deus donat, proculdubio donaturum se esse præscivit, & in sua præscientia præparavit.

63. Non-ne pervenitur ad gloriam per merita?

Ita: Nam Prædestinatio quæ præcedit merita, nonnisi tamen per merita executioni demandatur.

64. Num ergo Prædestinatio desinit esse merè gratuita, eo quod nonnisi per merita adimpletur?

Est merè gratuita; quandoquidem hæc merita per quæ adimpletur

impletur sunt dona meræ Misericordiæ Dei qui ea producit in nobis virtute suæ Gratiæ quæ efficit ut illa mereamur.

† Ita:] Sunt enim bona opera quæ abusivè hîc *merita* dicuntur, via ad regnum licet non causa regnandi, ut ante ex Bernardo probatum: Aliàs quoad *merita* propriè dicta, manet in Schola Gratiæ verissimum quod idem dicit *serm. 61. in Cant. Meritum meum miseria Domini; & serm. 68. Sufficit ad meritum scire quod non sufficiant merita.* Unde ipse Bernardus in extremis constitutus, sic loquebatur *lib. 1. vite suæ cap. 13. Fateor non sum dignus ego, nec proprijs meritis possum regnum obtinere calorum: Caterùm Dominus meus duplici jure illud possidet, hæreditate Patris & merito Passionis; altero ipse contentus alterum mihi donat.*

Est merè gratuita] Unde & Electio Gratiæ dicitur Rom: xi, 5. & in merum Dei beneplacitum refunditur Luc: xii, 32. Nec solum gratuita est quoad sui executionem, quia per media merè gratuita & nobis indebita adimpletur, quod notat Vir Eruditus, sed etiam quoad ipsammet destinationem, quam non præcedunt fides & opera, sed ceu illius fructus & effectus consequuntur.

Ut illa mereamur] Hîc sanè *mereri*, nihil aliud potest esse quam *operari*, etsi catachresticè: Nemo enim sanus dixerit Gratiam efficere ut mereamur ipsa *merita*; cùm duntaxat efficiat ut opera illa proferamus, quæ meritum nomine apud vulgus veniunt. Adde quod ante monui & non solum ex Scripturis sed ex ipso Jansenio probavi, eam esse meritum, sic formaliter dictorum, & Gratiæ *cooperativæ*, ut hujus positio sit illorum negatio, quemadmodum, *Non benè conveniunt nec in una sede morantur, Majestas & amor*, & unius poli elevatio alterius est depressio.

65. An tantum pro Prædestinatis Iesus Christus mortuus est?

Mortuus est pro omnibus hominibus: ut daret gloriam Electis & Gratiis transitorias quibusdam è reprobis. Mortuus est pro natura omnibus communi; pro peccato quod est commune omnibus; pro hominibus quarumvis nationum, dignitatum,

sexuum, ætatum & conditionum: non tamen eo fine ut singuli homines, nemine excepto, mortis suæ fructum consequerentur, (quod manifestè cognoscitur exemplo tot infantium qui nequeunt ad Gratiâ Baptismi pervenire) sed eo demum fine ut offerret pretium sanguinis sui ad servandos suos Electos diffusos per omnes locos, conditiones & nationes.

‡ *Mortuus est pro*] Cùm sequenti Erotemate dicturus sit Vir Doctus nolle Deum alios servare quam suos Electos, non erat cur ita ambigè loqueretur, ut etiam quodam sensu Christum pro quibusdam non electis mortuum confiteri videretur. Absit enim ut statuatur Christus, qui animam suam posuit pro suis ovibus Joh: x, 11. pro suo populo Matth: 1, 21. pro Dei filijs Ioh: x1, 13. pro sua Ecclesia Act: xx, 28. pro suo corpore Eph: v, 23. pro suis amicis Ioh: xv, 13. mortem appetisse pro ullo eorum quos Deus servare nolit, & pro quibus ipse se nolle precari disertè testatur Ioh: xv 11, 9. Quàm cordatè tuiti sint olim Catholici Gotteschalcum monachum, ac inter eos Prudentius Tricassinus, Remigius Lugdunensis, Ratramnus sive Bertramus Monachus Corbejenfis, liquet ex eorum monumentis quæ nuper emisit Ampliss. & Doctiss. Mauguin, cujus jam sæpius & in Præfatione meminimus: Iam autem ex quatuor capitulis in Gotteschalco damnatis ab Hincmaro & qui cum ipso conspirabant, hoc quartum fuit, ut patet ex Epistola Eccl. Lugdunensis, in libro de tribus Epist. cap. 14. quod Christus non venit ut omnes salvaret nec passus est pro omnibus, nisi solummodo pro his qui passionis ejus salvantur mysterio. Quin inter Gotteschalci hyperaspistas Lupus Servatus Presbyter (sive is Gallus fuerit ut placuit quibusdam, ac nominatim Andrææ Riveto, qui sub Renati Deviræi nomine, illius opusculum, primum Duaci editum, in Belgio fœderato recudendum curavit sub exitum anni 1649. sive Moguntinus, ut eum pertendit Ampliss. Mauguin) in opusculo de tribus questionibus ad Karolum Regem, circa tertiam earum quæ inscribitur de superflua taxatione sang. Christi, statuit eodem sensu, pro omnibus Dei Filium gustasse mortem, quo dicitur Deum velle omnes fieri salvos: Vt enim (inquit) salvos vult fieri omnes quicumque salvantur, ita redimit omnes quicumque redimuntur; Non autem salvantur omnes, nec vero redimuntur; non itaque vult salvari aut redimi a-

lios omnes, nisi qui redimuntur atque saluantur. Alter quoque Lupus, Ferrariensis Abbas, illi coztaneus, laudato testimonio Augustini ex cap. 61. Enchir. subijcit ad 3. quast. hæc verba; In Ecclesia qua sanguine Mediatoris nullum habentis peccatum ab omni redempta est peccato, intelligit esse omnes qui Apostolico testimonio comprehenduntur, quod est, Pro nobis omnibus tradidit. Laudat idem dictum Augustini tract. 48. in Ioh. Quomodo istis dixit non estis ex ovibus meis? quia videbat eos ad sempiternum interitum predestinatos, non ad vitam aternam sui sanguinis pretio comparatos; nec non & istud ex lib. 1. de adnl. conj. cap. 15. Omnis qui Christi sanguine redemptus est: Et allato testimonio Chrysostomi dicentis hom. 4. in ep. Heb. Non pro fidelibus tantum sed pro mundo universo Christum esse mortuum, his additis verbis, Quid autem si omnes non credunt? ille quod suum erat implevis, monet Chrysostomum hanc intelligentiam divinis non roborasse eloquijs. Sed privatos ut mittam, ipsum Concilium Valentinum III. celebratum anno 855. & postea confirmatum tam in Synodo Lingonensi quam Tullensi apud Saponarias, imò consequenter ab ipso Nicolao P. R. rejecto nimio errore eorum qui statuebant sanguinem Christi etiam effusum fuisse pro illis impijs qui a mundi exordio usque ad passionem Domini in sua impietate mortui aternâ damnatione puniti sunt, contra illud Prophetiâ, Ero mors tua ô mors, ero morsus tuus inferne, definit conceptis verbis, Id simpliciter & fideliter tenendum ac docendum, juxta Evangelicam & Apostolicam veritatem, quod pro illis hoc datum pretium fuerit de quibus ipse Dominus noster dicit, Sicut Moyses exaltavit serpentem in deserto, ita exaltari oportet filium hominû, ut omnis qui credit in ipso non pereat sed habeat vitam aternam. Sic enim Deus dilexit mundum ut filium suum unigenitum daret, ut omnis qui credit in eum non pereat, sed habeat vitam aternam: Et Apostolus, Christus (inquit) semel oblatu est ad multorum exhaustiendâ peccata; Tum postea se explodere & rejicere profiteretur Capitula quatuor qua à Concilio Fratrum nostrorum (inquit) minùs prospèctè suscepta sunt, idque propter inutilitatem vel etiam noxietatem & errorem contrarium veritati. Sunt autem hæc Capitula quatuor quæ Hincmarus in suo Carisiacensi conventu contra Gottschalcum stabiliverat, quorum quartum ita fuerat expressum, Christus Iesue Dominus noster, sicut nullus homo est, fuit, vel erit, cuius natura in eo assumpta non fuerit, ita nullus est, fuit, vel erit homo, pro quo passus non fuerit, licet non omnes passionis ejus mysterio redimantur.

[*Quibusdam è reprobis*] Neque in rei veritate, neque ex Viri Docti principijs, potest statui Christus mortuus pro ullis reprobis; cum certum sit neminem ex illis servatum velle Dominum: & Christus pro illis demum mortuus sit quorum vices sustinuit in cruce & exhaustis omnia peccata ne illis imputarentur ad condemnationem, quod nulli convenit reproborum: Imò nullos eorum donari fide vivâ & salvificâ, cum sit Electorum specialis Tit: 1, 1. Ad: xii 1, 48. suo loco antea ostendimus; In nostra quoque nupera Disputatione de *Scopulis in quos incidunt Gratia Univerf. Defensores*, th. 23. & 24. docuimus ineptè statui à nonnullis Christum mortuum esse *bono* quorundam, licet non *loco* eorum; & illis mortem ejus in *impendium* quidem cessisse, non vero ut his in *victimam*; adeoque illarum distinctiuncularum absurditate ostensâ demonstravimus Christum revera nihil meritum esse personis reproborum, pro quibus non stabat in sua morte coram Deo. Gratias gratis datas, quas interdum obtinent reprobi, Christus meritis est non eorum personis, quæ inde non meliores vel sanctiores, sed duntaxat inexcusabiliores fiunt, verum soli suæ Ecclesiæ ad cujus ædificationem ordinantur. Fides historica & temporaria quæ cadit in reprobos, non debet annumerari effectus salutaris Dei Gratiæ quæ est in Christo Tit: 11, 11. sed duntaxat communioris Providentiæ, quâ Deus suum consilium miris modis exsequitur. Quod si objicias tamen Concilium Valentinum videri *can. 5.* statuere nihilominus redemptionem universalem, saltem omnium fidelium, quorum alij perseverant alij non, respondebo eos è reprobis qui ad tempus fidem simulant ac mentiuntur, hætenus *probabiliter*, ut Lupus Servatus tum temporis loquebatur, redemptis à Christo annumerari, quia *probabiliter* multitudini fidelium accenserent, licet *revera* ad ipsam non pertineant, ut docet evidenter Johannes 1. 11, 19. Et sanè eo quod Concilium statuit pro nemine eorum Christum fuisse mortuum qui ab exordio mundi usque ad Passionem Domini in impietate obierunt & pœnas cum moreretur perferebant suorum scelerum, etiam eodem argumento debet statuisse, pro nemine eorum esse Christum mortuum qui à tempore suæ Passionis ex irrevocabili Dei decreto ob sua peccata erant damnandi in æternum. Cur enim potius censeretur mortuus pro ullo damnando post suam Passionem, quam pro ullo ante eam damnato? Et cum etiam inter illos

illos damnatos ante Domini Passionem fuerint quoque ὁσωντος
 qui & circumcisi & pro tempore, saltem ut videbatur, iusti fuerant,
 quamvis in illa via iustitię non perrexerint, cur illis similes post Passio-
 nem Christi, potius quam ipsos ante illam, morte Christi reverā
 redemptos, etsi inter phænomena Ecclesię recenseantur, statue-
 mus? Igitur ea est connexio doctrinę Electionis, Redemptionis &
 Gratię, ut prioris & posterioris universalitate sublatā, ut sit à Do-
 cto Catechista, latius utraque patere nequeat illa quę medium
 locum tenet; & prout à Synodo Dordracena nostra optimē Re-
 demptio per Christum succenturiatur Electioni gratuitę, ita illi
 Theologi merito censendi sunt totam compagem Orthodoxię in
 his capitibus luxare, qui sub prętextu novę & accuratioris metho-
 di pręponunt Redemptionem Electioni, & hujus agnitā particulari-
 tate illius universalitatem mordicūs tuentur. Ipsi Janenitę hoc lo-
 co, etsi contentur cum vulgo suo loqui, tamen i. Disertē negant
 Christum pro omnibus & singulis esse mortuum: ii. Illud quod di-
 citur quandoque Christum pro omnibus mortuum, nonnisi de generi-
 bus singulorum accipiunt, non vero de singulis generum. iii. In-
 tentionem Christi in morte obeunda ad solum Electionum sa-
 lutem restringunt. iv. Non alio fine Gratię quasdam transitorias
 in quibuldam reprobis arcessunt à Christi morte, quam ne videan-
 tur arietare aliud dogma erroneum suę Communionis de opere opera-
 to Sacramentorum, quod licet destitutum omni fundamento Scrip-
 turarum & sanioris Antiquitatis, nondum ausi sunt palām rejice-
 re. Ideo Janenius ipse lib. 3. de Grat. Salvat. cap. 20. statuit Non ali-
 ter Augustini iudicio Christum se redemptionem pro omnibus dedisse, seu pro-
 pitiationem esse pro peccatis totius mundi, nisi quia pro peccatis omnium fide-
 lium, ex quibus una Catholica constituitur Ecclesia, redemptio atque propitiatio
 est; unde fit, ut, ipso indice, Augustinus passim omnes loquutiones sa-
 crarum literarum quę quandam universalitatem effectuum passionis, aut mor-
 tis, aut redemptionis, aut Divinę Gratię insinuant, ad solos Prędestinatos.
 revocet ac restringat, eo usque ut dicat Christum pro ceteris qui non fuerint.
 prędestinati, non esse mortuum, non orasse, non semetipsum dedisse redemp-
 tionem; & multis ex Augustino in eam sententiam citatis testimo-
 nijs, quę ex ipso repeti poterunt, concludit nullo modo principijs Au-
 gustini consentaneum esse, ut Christus Dominus vel pro infidelium in infidelitate
 moriensium

morientium, vel pro iustorum non perseverantium, aeterna salute, mortuum esse, sanguinem fudisse, semetipsum redemptionem dedisse, Patrem orasse, sentiat. Video quidem aliud hic à Iesuitis posse objici fortibus istis Athletis Gratiae, nempe quod juxta eos Ecclesia verè Catholica ex solis praedestinatiis constare debeat, cujus sententiae negativam vehementer propugnant contra nos & Tirinus *Cont. v, n. 13.* & Bellarminus *lib. 3. de Eccl. cap. 7.* Sed sime audiant etiam palam illi errori Iesuitico nuntium mittent. Cum enim Ecclesia Christi, indice ipso Bellarmino *lib. 3. de Eccl. cap. 1.* ab ea vocatione nomen habeat cujus fit mentio Rom: vi 11, 29. & quae ab Electione Dei speciali fluit, non est cur ad veram Christi Ecclesiam & univocè sic dicta illius membra alios quam Electos & juxta Dei propositum vocatos pertinere, adeoque in alijs quam his Ecclesiae Christi Sacramenta suam vim salutarem exerere, censeamus: ~~αποκαίτοι~~ autem & hypocritae qui sunt in Ecclesia ut mali humores aut lumbrici in corpore nostro ad illam non pertinent; & teste Augustino *de corrept. & gr. cap. 9.* quia non habuerunt perseverantiam, sicut non verè discipuli Christi ita nec verè Dei filij fuerunt, etiam quando esse videbantur & ita vocabantur. Nam ut ait *lib. 3. de Doct. Chr. cap. 32.* Non revera Domini corpus est quod cum illo non erit in aeternum. Addo his parum interesse ad rei summam, equid beneficii temporalis voluerit Christus redire ad quosdam reprobos consequenter ad suam redemptionem & illius promulgationem in mundo, modò pro solis suis Electis mortuus, ut hic fit à Docto Catechista, statuatur.

Mortuus est pro natura] Hæc omnia eò pertinent ut dicatur Christus mortuus pro quibusvis, non pro singulis; idest pro mundo communiter loquendo, ut genus humanum indefinitè & in communi denotat, (nec enim pro *natura* humana in abstracto mortuus est, sed pro certis & determinatis personis naturam illam communem participantibus) licet non pro mundo universaliter sumpto, ut omnes & singulos complectitur.

Quod manifesto] Quamvis haud gravatè fatear interdum Augustinum æstu disputationis abreptum statuisse reprobis & damnandis annumerandos omnes infantes, etiam fidelium, qui absque Baptismo decedebant, tamen certum est eum non semper in ea sententia fuisse; cui etiam sententiæ multis se opposuit Bernardus *Epist. 77.* quæ est ad Hugonem de

nem de S. Vi&ore, in qua docet, ex ipso quoq; Augustino, non qui nequiverit, sed qui contempserit baptizari, fructu privari baptismatis. Lombardus similiter ex Augustino probavit lib. 4. dist. 4. lit. D. id quod dicit Apostolus, Corde creditur ad iustitiam, ore fit confessio ad salutem, tunc quodq; impleri invisibiliter cum mysterium Baptismi non contemptus religionis, sed articulus necessitatis excludit. Id etiam videtur observasse Eruditus noster Catechistes, qui pro particulari Christi redemptione urget exempla tot infantium qui non perveniunt ad gratiam Baptismi: Licet enim ad Baptisimum actualem non perveniant omnes fidelium infantes p̄maturâ morte occupati, jure tamen natalium suorum & quod ex parentibus fœderatis nati sint 1 Cor: vii, 14. Act: ii, 39. perveniunt ad Baptismi gratiam, adeoque illis invisibilis sanctificatio adest & prodest sine visibilibus Sacramentis, ut loquar cum Augustino q. 84. in Levit. & prout docet Lombardus V. S. esse qui suscipiunt rem & non Sacramentum, cum Gratia Dei non sit alligata Sacramentis: Ideo nosira Synodus Dordracena cap. 1. Doct. §. 17. meritò definivit, quandoquidem de Voluntate Dei ex Verbo ipsius nobis est iudicandum, quod restatur liberos fidelium esse sanctos, non quidem naturâ sed beneficio fœderis gratuiti, in quo illi cum parentibus comprehenduntur, pios parentes de electione & salute suorum liberorum, quos Deus in infantia ex hac vita evocat, dubitare non debere. Valet igitur ratiocinatio Docti Catechiste, etiam sepositâ absolutâ Baptismi necessitate quæ urgetur in Papatu; Etenim infidelium & non fœderatorum infantes eo ipso nihil habent juris ad Redemptionem Christi & Gratiam quæ Baptismo obsignatur, quod nihil ipsis juris competat ad ipsum Gratia ac Redemptionis signum & Sacramentum. Et quamvis non valeat argumentum à privatione signi in infantibus fidelium ad negationem rei signatæ, cum signo illo externo excidant tantum de factò non de jure, valet tamen & procedit pro infidelium & non fœderatorum infantibus, ad negandum illis omne jus ad Christi Redemptionem; quibus revera nullum jus competit ad Redemptionis Sacramentum: Etenim jus Baptismi competere Ethnicorum ac infidelium infantibus recens natis, nemo sanus dixerit.

Sed eo demum fine] Ergo pro solis Electis ex Christi intentione fusus est sanguis illius, & per consequens pro illis solis mortuus est; cum repugnet Christum pro quibusdam esse mortuum, pro quibus

tamen suum sanguinem non fuderit. Et cum nemo verè justificetur, licet Justificationis Sacramenta extrinsecùs percipiat, nisi respergatur spiritualiter sanguine Christi pro se fuso, quam verum est sanguinem hunc pro solis Electis esse fusum, tam necesse est solos Electos verè justificari, adeoque nonnisi æquivocè, apparenter & specie tenus fideles & justos dici debere eos reprobos qui fidem & justitiam in Ecclesia visibili ad tempus profitentur: Ut enim quod perseverantiæ donum non consequuntur indicium est certissimum illos ex numero Electorum non fuisse; ita idipsum à consequenti probat, eos nec verâ fide, nec verâ justitiâ per Christum Redemptorem, unquam præditos fuisse: Nam si tales fuissent tales quoque permanissent, & sic pervenissent ad salutem.

66. *Num alios quam suos Electos Deus vult servare?*

Non: Solos eos vult servare quos prædestinavit, prædestinavit autem solos suos electos. Si singulos homines vellet servare, cum faciat quicquid vult in cælo & in terra, de facto omnes eos servaret: Et ideo hæc sententia Apostoli, Deus vult omnes servari, non est intelligenda de singulis hominibus nullo excepto, sed de omnibus Electis & prædestinatis qui sunt ex omni ordine, ætate, sexu, natione & conditione.

† Non: solos] Habent hic in quo genuinum frangant Universalistæ omnes, qui in illis phrasibus universale quid sonantibus præsidium quærunt Pelagianismo suo, & hinc aggerem sibi struunt ex quo Gratiâ discriminantem quatiant & evertant, quod strenuè similiter egisse suos Patriarchas probatum dedit Jansenius *Stat. suæ, notâ 13. & 14.* Ex eo autem quod solos eos servare velit Deus quos prædestinavit ad gloriam, constat id quod ad præcedens Erotema fuit explicatum, nempe Christum pro solis Electis oppetiisse mortem: cum pro iis solis mortuus sit Redemptor quos solos ad gloriam per Redemptorem adducere Deus decreverat Heb: 11, 10. Constat item solos Electos nec alios justificari & Gratiâ sanctificante ac invincibili donari; cum neminem justificet Deus & ablaet sanguine Christi & ad se convertat & donet Gratiâ, quem eo ipso nolit servari.

Si singulos] Optimè; nam Deo volenti saluum facere, nullum hominum resistit arbitrium, inquit Augustinus de corrept. & grat. cap. 14. Nec unquam credibile erit aliquid omnipotentem Deum voluisse fieri, factumque non esse, qui sine ulla ambagibus, si in cælo & in terra (sicut & veritas can-
tat) omnia quacunque voluit fecit, profectò facere noluit quodcunque non fecit, ut idem loquitur Enchir. cap. 103.

Et ideo hac sententia] Extat ea 1 Tim: 1, 4. in qua adeo benè illud syncategorema πᾶσι noster Beza per Quosvis reddidit. Variè quidem potest juxta Augustinum hæc sententia Paulina intelligi citra detri-
mentum Veritatis & Gratiz discriminantis. Videatur ipse Augu-
stinus Epist. 107. & lib. de corr. & grat. cap. 15. & illo ipso cap. 103. Enchir.
cujus ultima verba modò citavi; Hic præsertim duas habet expli-
cationes; quarum prima est paullò coactior, ideo velle Deum om-
nes homines salvos fieri, quod nullus homo fiat saluus, nisi quem saluum
ipse voluerit; non vero quod nullus sit hominum nisi quem saluum fieri vellet,
sed quod nullus saluus fiat, nisi quem velit, & ideo sit regandus ut velit,
quia necesse est fieri si voluerit: De orando quippe Deo agebat Apostolus ut
hoc diceret. Sed illarum posterior ea est quæ hic ab Erudito Viro
proponitur & quam Cornelius à Lapide Jesuita ad illum Pauli lo-
cum agrè fert auidè à Beza arreptam fuisse; ut nempe omnes intel-
ligantur non de singulis generum, sed de generibus singulorum;
Sic dictum est, Qui omnes homines vult salvos fieri non quod, (inquit Augu-
stinus,) nullus hominum esset quem saluum fieri nollet, qui virtutes miracu-
lorum facere noluit apud eos quos dicit acturos fuisse pœnitentiam si fecisset; sed
ut omnes homines omne genus hominum intelligamus, per quascunque diffe-
rentias distributum; Reges, privatos, nobiles, ignobiles; sublimes, humi-
les; doctos, indoctos; integri corporis, debiles; ingeniosos, tardicordes, fa-
tuos; divites, pauperes, mediocres: mares, fœminas; infantes, pueros,
adolescentes, juvenes, seniores, senes; in linguis omnibus, in moribus
omnibus, in artibus omnibus, in professionibus omnibus, in voluntatum &
conscientiarum varietate innumerabili constitutoi, & si quid aliud est diffe-
rentiarum in hominibus. Quid est enim eorum unde non Deus per unigenitum
suum Dominum nostrum per omnes gentes salvos fieri homines velit, & ideo
faciat, quia omnipotens velle inaniter non potest quodcunque voluerit? Præ-
ceperat enim Apostolus ut oraretur pro singulis hominibus, & specialiter addi-
derat pro regibus & his qui in sublimitate sunt, qui putari poterant fastu &

superbiâ seculari à fidei Christiana humilitate abhorre-
 re; Providè dicens;
 Hoc enim bonum est coram Salvatore nostro Deo, idest ut etiam pro talibus ore-
 tur, statim ut desperationem tolleret addit, Qui omnes homines vult salvos
 fieri & in agnitionem veritatis venire. Hoc quippe Deum bonum judicavit ut
 orationibus humilium, dignaretur salutem prestare sublimium. Quod utiq̃
 jam videmus impletum. Isto locutionis modo & Dominus est usus in Evangelio
 ubi ait Pharisaï, Decimatis mentam & rutam & omne olus; Neq̃, enim
 Pharisaï quacunque aliena & omnium per omnes terras alienigenarum omnia
 olera decimabant. Sicut ergo hic omne olus, omne olerum genus, ita & illic,
 omnes homines, omne hominum genus intelligere possumus.

Finis Catechismi Gratiz & Scholiorum ad illum.

Mantissa.

HActenus visum ex *Catechismo Gratiz* Jansenitarum in communione
 Romana, nostrisque ad illum Scholijs, ipsos sentire cum Paulo,
 cum Augustino, cum Ecclesijs Reformatis in gravissimis hisce Reli-
 gionis Christianæ capitibus; eaque ponere principia certa & indu-
 bitata, ut-ut Jesuitis & omnibus ingratis reliquiis Pelagij, tam in
 Papatu quam extra illum, valde ingrata, ex quibus constabileretur &
 colligantur multo plures veritates inter nos & Pontificios hucusque
 controversæ. Quare mirum non est quod Doctrina Jansenitarum
 tam vehementer impetatur à Jesuitis, & speciatim hic Catechismus
 ita sit illis exosus, ut illum, pro ea qua pollent apud Inquisitores Ro-
 manos potestate, proscribi curaverint. Id factum nihilominus tam
 timidè ab ipsa Inquisitione facerrima, ut unâ damnaverit alium li-
 bellum qui ab aliquo Tenebrione Jesuiticæ factionis huic oppositus
 fuerat. Quùm autem in *Prefatione* promiserim me illam Proscrip-
 tionem Lectori exhibiturum ad calcem nostrorum Scholiorum, fi-
 dem nunc libero, & ea sic habet.

Feria v. die vi. Octobris, M. DC. L.

In Congregatione Generali Sanctæ Romanæ & Universalis
 Inquisitionis, habitâ in Palatio Apostolico Montis Quirinalis,
coram Sanctissimo Dño Innocentio, Divinâ Providentiâ Papa
X. ac

X. ac Eminentissimis & Reverendissimis D. D. S. R. E. Cardinalibus, in universâ Republicâ Christianâ adversus hæreticam pravitatem Inquisitoribus Generalibus à Sanctâ Sede Apostolicâ specialiter deputatis.

Hoc anno 1650 editus est libellus Gallico idiomate, cui Titulus, Catechisme de la Grace; sine nomine Authoris, & absq; impressionis loco; Contra doctrinam in eo libello contentam Libellus alter pariter idiomate Gallico impressus est, cui Titulus, Catechisme, ou abregé de doctrine touchant la Grace Divine, selon la Bulle de Pie V. Gregoire XIII. Urbain VIII. Antidote contre les erreurs du temps, par un Docteur de la S. Theologie de Douay; A Douay, ches la Vefue Marc Vuion, à l'enseigne du Phœnix, 1650. Cumq; in opusculi prædicti materia Gratia Divina & Liberi Arbitrij contineretur, præfatus S. Dominus Noster, ne mentes fidelium ex eorum lectura periculo & scandalo exponerentur, per Theologos ejusdem Sacra Congregationis Qualificatos, ad hoc specialiter deputatos, Doctrinam in eis contentam examinari mandavit, eorumq; censurâ demum relata, & auditis votis Eminentissimorum & Reverendissimorum D. D. Cardinalium Generalium Inquisitorum, libellum utrumq;, sive Gallico sive alio idiomate excusum, prohibendum censuit, prout præsentis decreto omnind prohibet. Primum siquidem, cui titulus, Catechisme de la Grace, quia in eo continentur quàm plures sententia, aliàs per sel. mem. Pijum V. Gregor. XIII. & Urbanum VIII. damnata. Ambos verè, quia ex professo tractant materiam de Auxiliis, quàm non licuit imprimere nisi prius obtentâ à Sede Apostolica licentiâ, juxta decreta pia mem. Pauli V. & Urbani VIII. Et propterea eorum Auctores panis, in prædictis constitutionibus & decretis Apostolicis contentis, subjacent. Deniq; quia in forma & sub nomine Catechismi vernaculâ Gallorum linguâ vulgati sunt, cum tamen materia in eis digesta superet captivum vulgi, cui lac potum dare oportet, non escam istam quam glutire non potest. Mandat propterea Sanctitas sua, ut nemo cujusq; gradus & conditionis existat, etiam speciali & specialissimâ notâ dignus, libellos prædictos, aut aliquem ex illis, apud se retineat, aut legat, ne ve imprimere aut curare imprimi audeat, sub censuris & panis contra hujusmodi delinquentes statutis, sed statim à præsentis decreti notitiâ illos locorum Ordinariis vel Inquisitoribus consignet.

Johannes Antonius Thomæus, S. Romanæ & Universalis.
Inquisitionis Notarius.

Anna

Anno à Nativitate D. N. I. C. 1650. Indictione 3. die verò 8. mensis Octobris, Pontificatus Sanctissimi in Christo Patris & D. N. D. Innocentij Divinâ Providentiâ Papæ X. anno ejus septimo, suprà dictum decretum affixum & publicatum fuit ad valvas Basilicarum S. Iohannis Lateran: & S. Petri de Urbe, nec non ad valvas Palatii Sacre Inquisitionis & Cancellariæ Apostolicæ, ac in acie Campi Floræ, ut moris est, per me Hieronymum Mascellam, ejusdem Sanctiss. D. N. Papæ & sanctissimæ Inquisitionis Cursores.

Venetis, ex Typographiâ Dinellianâ M. DC. L.
Superiorum permisso.

Multa possent notari circa hoc Programma: & audio ipsos Janse-
nitas illud habere pro subreptitio, & clanculariis Jesuitarum actibus
extorto: Sufficiat monuisse I. Inquisitionis Romanæ tribunal esse tri-
bunal iniquitatis, cui ut plurimum nihil displicet nisi Veritas. II. Non-
dum tamè ausos esse facerrimos illos Inquisitores *adversus hæreticâ pra-
vitatem*, pravitatis hæreticæ doctrinam Gratiz palàm insimulare. III.
Innocentium Papam hujusce nominis X. hodiè Sacram illam, eodem
sensu quo *anri sacra fames*, occupantem, vel in eo Nocentium esse quod
dis dis πασών recedat à mente Pauli, Augustini, suorum etiam in eadem
Sede prædecessorum; Innocentij I. Zosimi & Celestini I. qui Augu-
stini doctrinam contra Pelagium amplexi & tuiti sunt; nec non Ni-
colai, 400. post eos annis, qui ut pertendit Ampliss. Mauguin Con-
cilij Valentini 3. Canones sex pro causa Gotteschalci, oppositos
quatuor capitulis Hincmarianis, in Concilio Tullenfi & Lingonensi
confirmatos, etiam suo calculo comprobavit. IV. Ridiculè & per-
absurdè proscribi quicquid in causa Gratiz, vel *pro vel contra* asse-
ratur; instar illius qui ad vitandas rixas de Religione volebat omni-
bus prohiberi ne quis de Deo vel benè vel malè loqueretur. In eo
autem videmus plus Romæ vigere prudentiam carnis, quam præ-
sentiam Spiritus: Si enim ea est Papæ infallibilitas quæ jactatur, cur
tamdiu homines suæ Communionis retinet in suspenso, & maximi
momenti quæstiones indecisas relinquit? Sed hic lupum tenet au-
ribus, & quod jam ante dixit & in Arnaldi causa, *jo non so Theologo*,
in ista repetit; & arbitratur judicariam suam potestatem non me-
lius inter dissidentes exerceri posse, quam nihil judicando. Metuit
enim

enim ne decisiones suæ in apertas divisiones erumpant, & positus in medio, inter sacrum & saxum, hinc nigros fratres & Iesuiticam factionem optimè de sacerrima sua Sede meritam offendere non vult; illinc non audet crabrones nimis irritare, & viros doctos tuentes meliorem & sanctiorem causam, ac omni Christiano salutis suæ studiose longè acceptiorem, adigere ad extrema; ne Romæ mandent ut res suas sibi habeat, & transalpinas appellationes æquè prohibeant, ac olim transmarinas Africani Patres, quos inter fuit & Augustinus, interdixerunt. V. Catechismus quidem Gratia continere plures sententias in Michaelæ Bajo Doctore Lovanienſi & ejus discipulis nigro notatas lapillo à Pontificibus in Programme commemoratis; sed tamen quas cum Paulo & Augustino optimè convenire, Iansenius in suo *Augustino* passim luculenter demonstravit. VI. Parum moveri prudentiores illis Censuris Pontificiis, cum fulmina sint ex pelui, & Paparum infallibilitatem nec ii admittant qui nondum ære lavantur; imò Sorbonici Doctores cum universa Ecclesia Gallicana jus sibi referrent à Papa ad Concilium provocandi, illudq; suorum prædecessorum usurpandi, Si Papa nos excommunicet nos ipsum excommunicabimus. VII. Commemorari quidem in *Catechismo Gratia* plures sententias à tribus Papis damnatas; sed dissimulari quod in unius Molinæ Iesuitæ Pelagiani libro *de Concordia liberi arbitrij cum Gratia donis*, quinquaginta propositiones proscriptæ fuerint, judicio Clementis VIII. & Pauli V. quando post examen decennale in Congregatione de Auxilijs, controversiæ à Molina & Lessio Iesuitis in his capitibus motæ, eorundem Pontificum auctoritate ex *S. Augustini sententia composita* fuere, ut nos docet Ampliff. Manguin in *pref. tom. 1. Vindictarum suar.* adeoque secundum doctrinam quæ à Catechismo Gratia à nobis nunc illustrato proponitur. Quod si illius Censuræ Molinianæ Diploma, quod (inquit Ampliff. Præses) in *scrinijs Apostolicis cum Actis Congregationum servatur*, prodiret in publicum, innotesceret magis *Concordia Discors* Sedis Romanæ, ac videremus in oppositis Iansenitarum & Iesuitarum castris, hinc inde Pontifices Pontificiasque Censuras, adeoque pares aquilas & pila ininania pilis. VIII. His artibus Romanis opprimi quidem ad tempus Veritatem & bonam causam, non tamen penitus posse supprimi. Et sanè valde ridiculum foret non posse proponi & defendi Gratiam Dei absque speciali:

speciali Gratia & inultu Episcopi Romani, cui homini nisi Deus placuerit, nec Deus erit. IX. Authorem Catechismi fusque deque habiturum, si sapiat, pœnas Paparum comminatorias, ad quas vel ipsi pueri nasum Rhinocerotis habent. Quoad nos, invitis Papâ, Diabolo, Inquisitione, Jesuitis, securique sub lauro Gratiz fulminum Væ-Iovis Tarpeji, hanc opusculi illius Versionem & E-lucidationem, ad Gloriam Gratiz Divinę alacriter adornavimus. X. Tenebrionum esse & furum occultantium lucernam sub modio, invidere plebi Christianę notitiam Gratiz Christi Servatoris, eademque tyrannide Catecheticos libellos ad illam inculcandam & promulgandam linguâ vernaculâ Romę interdici, quâ Biblia Sacra qualibet linguâ vulgari ejusdem Inquisitionis Draconis Edictis prohibentur. Hoc cibo quidem nihil solidius, sed neque hoc lacte quicquam dulcius: Et soli demum illi hanc escam vel invident aliis, vel ipsi aspernantur, quibus volupe est post fruges repertas glandibus adhuc vesci, & siliquas Pelagianas ac Jesuiticas præferre mannę Gratiz & pani Paterno. Sed frustra hi conatus: Tandem enim, sic ominor, sic voveo, bona causa triumphabit, & ipsa Dei Gratia perrumpet aggeres astutiz Jesuiticę & tyrannidis Pontificię, ac ipsis Papę & Inquisitionis Cursoribus multo celerior, eorum iniquissimis Proscriptionibus sua Programmata opponet, non quidem in acie Campi Florę, Meretricis Romanę, sed ad valvas Ecclesię, toto orbe audiente & admittente, ubi fascino Jesuitico se exsoluerit, affigenda & publicanda.

F I N I S.